

LIGJ

Nr. 8901, date 23.5.2002

PER FALIMENTIMIN

Ne mbështetje të neneve 78, 81 pika 1 dhe 83 pika 1 të Kushtetutës, me propozimin e Këshillit të Ministrave,

KUVENDI

I REPUBLIKES SE SHQIPERISE

V E N D O S I:

PJESA E PARE

PARIME TE PROCEDURES SE FALIMENTIMIT

KREU I

DISPOZITA TE PËRGJITHSHME

Neni 1

Objekti i ligjit

Ky ligj ka për objekt të caktojë rregulla të detyrueshme, të njëjta dhe të barabarta për shlyerjen e detyrimeve të debitorëve në një procedurë falimentimi.

Neni 2

Qëllimi i procedurës së falimentimit

1. Procedura e falimentimit ka qëllim të shlyejë, në mënyrë kolektive, detyrimet e debitorit nëpërmjet likuidimit të të gjitha pasurive të tij dhe shpërndarjes së të ardhurave, ose, në rastin e një plani riorganizimi, nëpërmjet arritjes së një marrëveshjeje tjetër, me synim kryesor ruajtjen e veprimtarisë së tij .

2. Çdo debitori të ndershëm, nëpërmjet procedurës së falimentimit, i jepet mundësia të shkarkohet nga pjesa e mbetur e detyrimeve.

Neni 3

Gjykata e rrethit gjyqësor në cilësisë e seksionit tregtar të gjykatës së rrethit

1. Realizimi i procedurave të falimentimit është detyrë e seksioneve tregtare të gjykatës së rrethit (gjykata e falimentimit) .

2. Shqyrtimi i çështjeve dhe marrja e vendimeve për procedurën e falimentimit bëhet nga një gjyqtar i vetëm.

Neni 4

Përgjegjësia territoriale

1. Procedura e falimentimit shqyrtohet dhe gjykohet në seksionin tregtar të gjykatës së rrethit ku debitori, i cili është person juridik, ka vendbanimin ose selinë.

2. Nëse debitori e ka transferuar qendrën e veprimtarisë ekonomike të pavarur në një vend tjetër, përgjegjësia është vetëm e seksionit tregtar të gjykatës së rrethit ku ndodhet qendra e re e veprimtarisë së debitorit.

3. Nëse debitori nuk ka seli ose vendbanim në Shqipëri, përgjegjësia i përket seksionit tregtar të gjykatës së rrethit ku debitori ka një dege ose çdo pasuri tjetër.

4. Në rast se një procedurë falimentimi është deklaruar në përgjegjësi të disa seksioneve tregtare të gjykatave të rretheve, përgjegjësinë e drejtpërdrejtë për shqyrtimin dhe gjykimin e çështjes e ka seksioni tregtar i gjykatës së rrethit ku është paraqitur fillimisht kërkesa për hapjen e procedurës së falimentimit.

5. Seksioni tregtar i gjykatës së rrethit, që ka përgjegjësi për të gjykuar një procedurë falimentimi, është gjykata e vetme përgjegjëse për të gjykuar padite civile, që ngrihen për këtë procedurë falimentimi.

Neni 5

Zbatueshmëria e ligjeve të tjera

Dispozitat e Kodit të Procedurës Civile dhe të ligjeve të tjera janë të zbatueshme edhe për procedurën e falimentimit, për aq sa ato nuk bien në kundërshtim me dispozitat e këtij ligji.

Neni 6

Roli i seksionit tregtar të gjykatës së rrethit

1. Seksioni tregtar i gjykatës së rrethit heton, kryesisht, të gjitha rrethanat që kanë lidhje me procedurën e falimentimit.

2. Në mënyrë të veçantë, seksioni tregtar i gjykatës së rrethit mund të kërkojë dhe të dëgjojë për këtë qëllim dëshmitarë, specialiste dhe vetë debitorin.

Neni 7

Ankimi i veçante

1. Vendimi i seksionit tregtar te gjykatës se rrethit është menjëherë i ekzekutueshëm
2. Kundër vendimit te seksionit tregtar te gjykatës se rrethit mund te behet ankim i veçante ne raste dhe mënyrën e parashikuar ne këtë ligj. Ankimi i veçante, ne asnjë rast, nuk pezullon ekzekutimin e vendimit te gjykatës se rrethit.
3. Afati i ankimit te veçante fillon nga data e shpalljes se vendimit, ose kur vendimi shpallet ne mungese te palëve, nga data kur palët marrin dijeni. Seksioni tregtar i gjykatës se rrethit mund te vendose për ankimin e veçante.
4. Gjykata e apelit, kur çmohet prej saj, mund te urdhërojë ekzekutimin e menjëhershëm te vendimit.
5. Kundër vendimit te gjykatës se apelit mund te ushtrohet rekurs ne Gjykatën e Larte.

Neni 8

Njoftimet

1. Njoftimet për procedurën e falimentimit bëhen kryesisht nga seksioni tregtar i gjykatës se rrethit, sipas dispozitave te Kodit te Procedurës Civile për njoftimet.
2. Seksioni tregtar i gjykatës se rrethit, për kryerjen e njoftimit, mund te ngarkoje administratorin e falimentimit.

Neni 9

Shpallja publike

1. Shpalljet publike te vendimeve dhe akteve për fillimin dhe përfundimin e procedurës se falimentimit bëhen me publikimin e tyre ne organet e informacionit te caktuar për njoftimet zyrtare te gjykatës.

Organet e informacionit dhe tarifa për publikimin e njoftimeve zyrtare caktohen nga Këshilli i Ministrave.

2. Kur çmohet nga seksioni tregtar i gjykatës se rrethit, publikimi i akteve te procedurës se falimentimit mund te behet edhe i pjesshëm ose i shkurtuar .
3. Akti i publikuar duhet te përmbajë te dhënat e debitorit dhe, ne mënyrë te veçante, adresën dhe degën e shoqërisë ose te veprimtarisë se tij.

4. Seksioni tregtar i gjykatës se rrethit mund të urdhërojë publikime të tjera, madje dhe të përsëritura, të njoftimeve.

5. Shpallja publike, sipas dispozitave të këtij ligji, merret si njoftim i të gjithë pjesëmarrësve në procedurën e falimentimit edhe sikur dispozita të veçanta të këtij ligji të kërkojnë njoftim të veçante.

Neni 10

Dëgjimi i debitorit

1. Në rast se dispozita të këtij ligji parashikojnë thirrjen dhe dëgjimin para seksionit tregtar të gjykatës së rrethit të debitorit, që ka vendbanim në një shtet tjetër ose kur vendbanimi i debitorit nuk njihet, kjo gjykatë mund të vendosë të mos e kryejë këtë veprim, nëse çmon se shtyrja e seancës gjyqësore, për këto rrethana, do të shkaktonte vonesa të paarsyeshme në procedurën e falimentimit. Në këtë rast, seksioni tregtar i gjykatës së rrethit thërret në seance një përfaqësues të debitorit.

2. Kur debitori është person juridik zbatohen, sipas rastit, procedurat e thirrjes dhe të dëgjimit në seksionin tregtar të gjykatës së rrethit të personave që kanë të drejtën e përfaqësimit të debitorit ose që mbajnë aksionet a pjesëmarrjet e tij.

PJESA E DYTE

HAPJA E PROCEDURES SE FALIMENTIMIT

SUBJEKTET E PJESEMARRESE DHE MASA E FALIMENTIMIT

KREUI

KUSHTET PER HAPJEN E PROCEDURES SE FALIMENTIMIT

Neni 11

Pranueshmeria e hapjes se procedurës se falimentimit

1. Procedura e falimentimit mund të hapet për pasuritë e çdo personi, fizik ose juridik, si dhe për pasuritë e shoqërive të thjeshta.

2. Në rast se nuk është kryer ndarja e pasurisë, procedura e falimentimit mund të hapet edhe pas prishjes ose shpërndarjes së një personi juridik ose të një shoqërie të thjeshte.

Përfundime dhe dispozita të veçanta

1. Procedura e falimentimit nuk mund të hapet për pasurinë e:

2. a) shtetit ose te një organi te tij;

FAQJA 958

Neni 16

E drejta dhe detyrimi i personave juridike dhe shoqërive te thjeshta

1. Te drejtën për te kërkuar hapjen e një procedure falimentimi për pasurinë e një personi juridik e gëzon çdo kreditor, anëtarët e organit drejtues ose edhe çdo ortak i thjeshte ose likuidator, ne rastin e shoqërive te thjeshta.

2. Ne rastin e një personi juridik, çdo anëtar i organit drejtues është i detyruar te kërkojë hapjen e menjëhershme te procedurës se falimentimit, por jo me vone se 21 dite nga data kur personi juridik është ne gjendje paaftësie paguese, ne kuptim te pikës 4 te nenit 13 te këtij ligji. Këta persona janë personalisht përgjegjës për dëmshpërblimin e kreditorëve nëse kreditorët pësojnë humbje për shkak te mosparaqitjes se kërkesës brenda këtij afati 21-ditor .

3. Nëse kërkesën nuk e paraqesin bashkërisht te gjithë anëtarët e organit drejtues, te gjithë ortakët e thjeshte te shoqërisë se thjeshte ose te gjithë likuidatorët, kërkesa pranohet nga seksioni tregtar i gjykatës se rrethit nëse janë te mjaftueshme dhe bindëse shkaqet e parashtruara për hapjen e procedurës se falimentimit. Seksioni tregtar i gjykatës se rrethit, përpara se te marre vendim, dëgjon anëtarët e tjerë te organit drejtues, ortakët e thjeshte ose likuidatorët.

Neni 17

Kërkesa e kreditorit

1. Kërkesa e kreditorit pranohet nga seksioni tregtar i gjykatës se rrethit, kur ai ka një interes te ligjshëm për hapjen e procedurës se falimentimit, kur paraqet kërkesën sipas ligjit dhe nëse gjykata çmon se shkaqet për hapjen e procedurës se falimentimit janë te mjaftueshme dhe bindëse për te. Shkaku për hapjen e procedurës se falimentimit prezumohet se ekziston nëse debitori, pavarësisht se nuk e ka kundërshtuar pretendimin, nuk e ka shlyer këtë detyrim tre muaj pas datës se maturimit te pagesës.

2. Nëse kërkesa e kreditorit pranohet, seksioni tregtar i gjykatës se rrethit thërret dhe dëgjon pretendimet e debitorit.

Neni 18

Shqyrtimi i çështjes dhe dhënia e vendimit për hapjen e procedurës se falimentimit

1. Gjate shqyrtimit te kërkesës për hapjen e procedurës se falimentimit, seksioni tregtar i gjykatës se rrethit mund te emërojë një specialist te veproje si administrator i përkohshëm ose i ardhshëm i debitorit dhe i ngarkon atij këto detyra:

- a) te verifikojë nëse është real shkak për hapjen e procedurës së falimentimit;
- b) te verifikojë nëse pasuritë e debitorit mbulojnë shpenzimet e procedurës së falimentimit;
- c) te verifikojë nëse është e nevojshme të merren masa për sigurimin e pasurisë;
- ç) te verifikojë nëse është mundësia për vazhdimësinë e veprimtarisë nga debitori.

2. Gjate shqyrtimit të çështjes, seksioni tregtar i gjykatës së rrethit, mund të vendosë masa sigurimi mbi pasurinë e debitorit, sipas nenit 21 të këtij ligji.

3. Shqyrtimi i çështjes nga seksioni tregtar i gjykatës së rrethit duhet të përfundojë në një kohë sa më të shkurtër dhe, në çdo rast, jo më vonë se 60 ditë nga data e paraqitjes së kërkesës për hapjen e procedurës së falimentimit.

4. Seksioni tregtar i gjykatës së rrethit, brenda afateve të treguara në pikën 3 të këtij neni, vendos:

- a) rrëzimin e kërkesës për mungesë të shkakut ligjor për hapjen e procedurës së falimentimit.
- b) rrëzimin e kërkesës për shkak të pamjaftueshmërisë së pasurive të debitorit për të mbuluar shpenzimet e procedurës së falimentimit.
- c) pranimin e kërkesës dhe hapjen e procedurës së falimentimit.

5. Kundër vendimit të seksionit tregtar të gjykatës së rrethit për pranimin e kërkesës dhe hapjen e procedurës së falimentimit ose për rrëzimin e kësaj kërkesë, mund të behet ankimi i veçantë nga debitori ose kërkuesi për hapjen e procedurës së falimentimit.

Neni 19

Rrëzimi i kërkesës për hapjen e procedurës së falimentimit për shkak të pamjaftueshmërisë së pasurisë së mbetur

1. Seksioni tregtar i gjykatës së rrethit vendos rrëzimin e kërkesës për hapjen e procedurës së falimentimit kur vërtetohet se pasuria e debitorit është e pamjaftueshme për mbulimin e shpenzimeve të procedurës së falimentimit, përveç kur kërkuesi parapaguan një shumë të mjaftueshme, sipas çmimit të seksionit tregtar të gjykatës së rrethit.

2. Personi që ka bërë parapagimin, sipas pikës 1 të këtij neni, ka të drejtë t'i kërkojë kthimin e shumës së parapaguar çdo personi, që në kundërshtim me detyrën dhe për faj të tij nuk ka paraqitur kërkesën për fillimin e procedurës së falimentimit. Në rast se personi në fjalë kundërshton shkeljen për të cilën akuzohet dhe nuk pranon fajësinë, barra e provës i kalon atij. Pretendimi i ripagimit të shumës së parapaguar parashkruhet pas 5 vjetësh.

3. Personi juridik shpërndahet në datën kur vendimi i gjykatës merr formë të prere.

Neni 20

Detyrimi i dhënies se informacionit gjate hapjes se procedurës se falimentimit

Kur seksioni tregtar i gjykatës se rrethit vendos për hapjen e procedurës se falimentimit, debitori duhet t'i paraqesë kësaj gjykate te gjitha te dhënat e nevojshme, duke përmbushur detyrimet e parashikuara ne nenin 15 pikat 1 dhe 2, si dhe ne nenet 81, 82 dhe 85 te këtij ligji.

Neni 21

Vendosja e masave te sigurisë

1. Derisa seksioni tregtar i gjykatës se rrethit te marre vendim për kërkesën për hapjen e procedurës se falimentimit, ai vendos mbi pasuritë e debitorit çdo lloj mase, qe e gjykon te nevojshme për te shmangur përkeqësimin e gjendjes financiare te debitorit ne dem te kreditoreve.

2. Ne mënyrë te veçante, seksioni tregtar i gjykatës se rrethit mund:

a) te vendose ndaj debitorit kufizim te përgjithshëm disponimi ose pranimi te shlyerjes se detyrimeve ose te urdhërojë qe çdo disponim i pasurisë se tij te kryhet vetëm me miratimin përfundimtar te administratorit te përkohshëm;

b) te vendose ndaj debitorit pezullim te përkohshëm te masave te sigurisë dhe te ekzekutimit te një te drejte te siguruar;

c) te emërojë një administrator te përkohshëm falimentimi.

3. Masat e sigurisë mbi pasurinë e debitorit, sipas këtij neni, mund te vendosen nga seksioni tregtar i gjykatës se rrethit për një afat 30-ditor edhe ne rastin e procedurave te ekzekutimit te një detyrimi mbi këtë pasuri nga kreditori i siguruar. Ky afat te zgjatet edhe për një afat tjetër 30-ditor, por vetëm ne rast se:

a) seksioni tregtar i gjykatës se rrethit çmon se vlera e barrës siguroese është me e madhe se vlera e kredisë se siguruar dhe e shpenzimeve te ekzekutimit te këtij detyrimi te marra se bashku;

b) debitori, përpara përfundimit te afatit 30-ditor, paraqet para seksionit tregtar te gjykatës se rrethit prova te mjaftueshme për mundësinë e zbatimit te një plani riorganizimi, për realizimin e te cilit është thelbësor përdorimi i barrës siguroese.

4. Seksioni tregtar i gjykatës se rrethit vendos masat e sigurisë, te parashikuara ne piken 3 te këtij neni, jo me vone se 15 dite nga data e paraqitjes se kërkesës për hapjen e procedurës se falimentimit.

5. Kundër vendimit te seksionit tregtar te gjykatës se rrethit për vendosjen e masës se sigurimit mund te behet ankim i veçante.

Neni 22

Administratori i përkohshëm i falimentimit

1. Në rast se seksioni tregtar i gjykatës së rrethit cakton një administrator të përkohshëm falimentimi dhe i heq debitorit të drejtën e disponimit të pasurisë, e drejta e administrimit dhe e disponimit të pasurisë së debitorit i kalon administratorit të përkohshëm të falimentimit. Në këtë rast administratori i përkohshëm i falimentimit duhet:

a) të kujdeset për sigurimin dhe ruajtjen e pasurisë së debitorit;

b) të vazhdojë veprimtarinë e debitorit derisa seksioni tregtar i gjykatës së rrethit të vendosë për hapjen e procedurës së falimentimit, me përjashtim të rastit kur seksioni tregtar i gjykatës së rrethit miraton mbylljen e veprimtarisë për të shmangur humbje të mëtejshme të ndjeshme të pasurisë së debitorit;

b) të kryejë, si specialist, detyrat e caktuara në nenin 18 të këtij ligji.

2. Nëse seksioni tregtar i gjykatës së rrethit cakton një administrator të përkohshëm falimentimi pa i hequr debitorit të drejtën e përgjithshme të disponimit, gjykata i përcakton këtij administratori edhe detyra të tilla si mbikëqyrjen e veprimeve të debitorit. Gjithashtu, i kërkon administratorit të përkohshëm të falimentimit të verë në dijeni gjykatën nëse janë të nevojshme masa të mëtejshme.

3. Në rastet e parashikuara në pikat 1 dhe 2 të këtij neni, administratori i përkohshëm i falimentimit ka të drejtën të hyjë në mjediset ku ushtron veprimtarinë debitori dhe të hetojë. Debitori duhet t'i lejojë administratorit të përkohshëm inspektimin e librave të llogarive dhe të dokumenteve të veprimtarisë dhe t'i japë atij të gjitha të dhënat e nevojshme.

4. Administratori i përkohshëm i falimentimit, edhe pa miratimin e gjykatës, ka të drejtë t'u japë furnizuesve si kreditore të masës së falimentimit, përparësi në pagese me mallra, shërbime ose kredi të nevojshme, nëse kjo vlen për vazhdimin e funksionimit të një veprimtarie dhe kur furnizimi me mallra, shërbime ose kredi është i pashmangshëm.

5. Administratori i përkohshëm është përgjegjës për demet në të njëjtën shkallë si administratori i falimentimit, sipas nenit 47 të këtij ligji.

Neni 23

Shpallja publikisht e kufizimit të disponimit të pasurive

1. Vendimi për çdo lloj kufizimi të disponimit të pasurisë, të parashikuar në pikën 2 të nenit 21 të këtij ligji, si dhe për caktimin e një administratori të përkohshëm falimentimi, duhet të shpallet publikisht. Vendimi i njoftohet drejtpërdrejtë debitorit, çdo personi që ka pretendime ndaj debitorit dhe administratorit të përkohshëm të falimentimit. Njëkohësisht, debitorëve të debitorit u kërkohet të përmbushin detyrimet ndaj debitorit, sipas këtij vendimi.

2. Vendimi për çdo lloj kufizimi të disponimit të pasurisë u dërgohet, për të bërë shënimet përkatëse, të gjithë autoriteteve publike, të ngarkuara nga ligji, për regjistrimin e veprimtarisë së debitorit ose të një pjese a terezisë së pasurive të tij.

Neni 24

Pasojat që rrjedhin nga kufizimi i disponimit të pasurisë

1. Janë të pavlefshme veprimet juridike të debitorit, në kundërshtim me kufizimet e disponimit të pasurisë, të parashikuara në nenin 21 të këtij ligji. Vlera e paguar i kthehet palës tjetër, në rast se pasuritë e marra vazhdojnë të përbejnë begatim pa shkak të debitorit.

2. Nëse në kundërshtim me kufizimin e disponimit, vlerën e përfiton debitori në vend të administratorit të përkohshëm të falimentimit, paguesi shkarkohet nga detyrimi vetëm në rast se vërteton që, në kohën e pagimit të vlerës, nuk kishte dijeni për kufizimet e disponimit të debitorit.

Neni 25

Shfuqizimi i masave të sigurisë

1. Kur shfuqizohen masat e sigurisë, njoftimi dhe shpallja publike bëhen në të njëjtën mënyrë si në rastin e vendosjes së tyre.

2. Kur e drejta për disponimin e pasurisë së debitorit i ka kaluar administratorit të përkohshëm të falimentimit, ky i fundit, para mbarimit të mandatit të tij, ka për detyrë të shlyejë shpenzimet dhe detyrimet e lindura gjatë periudhës së administrimit të pasurisë prej tij .

3. Pika 2 e këtij neni zbatohet edhe për detyrimet e lindura nga kontratat nëse, në bazë të tyre administratori i përkohshëm i falimentimit ka marrë një vlerë në favor të pasurisë së administruar prej tij .

Neni 26

Vendimi për hapjen e procedurave të falimentimit

1. Seksioni tregtar i gjykatës së rrethit vendos hapjen e procedurës së falimentimit kur çmon se janë shkaqet dhe kushtet e tjera të parashikuara në këtë ligj për hapjen e procedurës së falimentimit.

2. Vendimi për hapjen e procedurës së falimentimit përmban :

a) emrin, mbiemrin dhe vendbanimin e debitorit në rastin e personave, ose emrin, llojin e veprimtarisë dhe selinë në rastin e personit juridik;

b) emrin, mbiemrin dhe adresën e administratorit të falimentimit;

c) orën e sakte kur është hapur procedura e falimentimit;

ç) të dhënat e parashikuara në nenet 27 dhe 29 të këtij ligji.

3. Nëse vendimi nuk përcakton orën e sakte të hapjes së procedurës së falimentimit, atëherë si orë e sakte e hapjes së kësaj procedure merret ora dymbëdhjetë e ditës së shpalljes së vendimit.

4. Se bashku me hapjen e procedurës së falimentimit, seksioni tregtar i gjykatës së rrethit vendos emërimin e administratorit të falimentimit.

5. Rregullat e parashikuara në këtë nen nuk përjashtojnë zbatimin e detyrimeve të parashikuara në nenet 233 dhe 276 të këtij ligji.

Neni 27

Kërkesat ndaj kreditorëve dhe debitorëve

1. Në vendimin e hapjes së procedurës së falimentimit kreditorëve u kërkohet të paraqesin, brenda një afati të përcaktuar në të, tek administratori i falimentimit pretendimet e tyre, sipas nenit 141 të këtij ligji. Afati kohor për paraqitjen e pretendimeve nuk mund të jetë më pak se 15 ditë dhe jo më shumë se 90 ditë.

2. Në vendimin e hapjes së procedurës së falimentimit, kreditorëve u kërkohet të njoftojnë menjëherë administratorin e falimentimit, për pretendimet dhe të drejtat e siguruara që kanë mbi pasuritë e debitorit. Njoftimi i pretendimeve duhet të përmbajë të dhëna të hollësishme për sendin mbi të cilin pretendohet e drejta e siguar, natyrën dhe shkakun e lindjes së të drejtës së siguar dhe për pretendimet e siguruara. Kreditorët që për faj të tyre nuk japin të dhënat e kërkuara ose i japin ato me vonese, janë përgjegjës për pasojat që vijnë nga demot e shkaktuara.

3. Në vendimin e hapjes së procedurës së falimentimit duhet të përcaktohet se personat që kanë detyrime ndaj debitorit duhet t'i paguajnë dhe t'i shlyejnë ato administratorit të falimentimit.

Neni 28

Caktimi i mbledhjeve

1. Në vendimin e hapjes së procedurës së falimentimit, seksioni tregtar i gjykatës së rrethit cakton afatet kohore për:

a) zhvillimin e mbledhjes së kreditorëve për raportim. Kjo mbledhje, që duhet të mbahet brenda 45 ditësh dhe, në çdo rast, jo më vonë se 90 ditë nga data e shpalljes së vendimit, në baze të një raportit të administratorit të falimentimit, duhet të vendosë për vazhdimin e mëtejshëm të procedurës së falimentimit;

b) zhvillimin e mbledhjes se kreditoreve për verifikim. Kjo mbledhje, qe duhet te mbahet jo me pare se 10 dite dhe jo me vonës e 60 dite nga përfundimi i afatit për depozitimin e pretendimeve, shqyrton dhe bën verifikimin e pretendimeve te depozituara. .

2. Nëse kreditorët e shohin te arsyeshme, mbledhja për raportim dhe për verifikim mund te behet ne te njëjtën kohe.

Neni 29

Shpallja publikisht e vendimit te hapjes se procedurës se falimentimit

1. Seksioni tregtar i gjykatës se rrethit shpall publikisht dhe pa vonese vendimin e hapjes se procedurës se falimentimit, ne përputhje me nenin 9 te këtij ligji.

2. Ky vendim u dërgohet secilit prej kreditoreve, debitorit dhe debitorëve te debitorit.

3. Kur debitori është person fizik, me vendimin e hapjes se procedurës se falimentimit atij i jepet e drejta dhe mundësia për t'u shkarkuar nga detyrimi i mbetur, ne përputhje me parashikimet e neneve 249 e ne vazhdim te këtij ligji.

Neni 30

Regjistri tregtar

1. Nëse debitori është i regjistruar ne regjistrin tregtar, seksioni tregtar i gjykatës se rrethit i dërgon gjykatës ku është kryer regjistrimi:

a) një kopje te vendimit te hapjes se procedurës, nëse është hapur procedura e falimentimit;

b) një kopje te vendimit, qe hedh poshtë kërkesën për hapjen e procedurës se falimentimit ne rast se kërkesa për hapjen e procedurës është hedhur poshtë për mungese te shumës se mjaftueshme për falimentim.

Neni 31

Regjistri i Pasurive te Paluajtshme

1. Vendimi për hapjen e procedurës se falimentimit regjistrohet ne Regjistrin e Pasurive te Paluajtshme, duke bere shënimet përkatëse:

a) mbi çdo pasuri te paluajtshme, ku debitori është regjistruar si pronar;

b) mbi te drejtat e tjera te regjistruara te debitorit mbi pasuri te paluajtshme ose te drejta te tjera te regjistruara.

2. Nëse seksioni tregtar i gjykatës së rrethit ka dijeni për pasuri të paluajtshme, ku debitori është pronar ose gëzon të drejta të tjera të regjistrueshme, ai duhet të kërkojë, kryesisht, regjistrimin në Regjistrin e Pasurive të Paluajtshme. Edhe administratori i falimentimit mund të kërkojë regjistrim në Regjistrin e Pasurive të Paluajtshme.

3. Në qoftë se administratori i falimentimit tjetëron ose heq dorë nga pronësia mbi pasuri të paluajtshme ose nga të drejta të tjera të regjistruara të debitorit, mbi të cilat janë kryer veprimet e parashikuara në pikat 1 dhe 2 të këtij neni, seksioni tregtar i gjykatës së rrethit ose administratori i përkohshëm i falimentimit i kërkon autoritetit përkatës përmbushjen e procedurave përkatëse në Regjistrin e Pasurive të Paluajtshme.

4. Procedurat e parashikuara në këtë nen zbatohen, sipas rastit, edhe për regjistrimin e vendimit të hapjes së procedurës së falimentimit dhe vendosjen e shënimeve përkatëse në regjistrat e tjerë, të mbajtur, sipas ligjit, nga autoritete të tjera publike, të ngarkuara me regjistrimin e pronësisë ose të të drejtave të tjera të debitorit mbi sende që bëjnë pjesë në masën e falimentimit.

Neni 32

Pasoja të përfundimit të procedurës së falimentimit

1. Vendimi i gjykatës me të lartë që në bazë të ankimit të veçante ka vendosur prishjen e vendimit të seksionit tregtar të gjykatës së rrethit për hapjen e procedurës së falimentimit dhe pushimin e çështjes duhet të shpallet publikisht.

2. Përfundimi i procedurës së falimentimit, sipas pikës 1 të këtij neni, nuk cenon pasojat juridike të veprimeve të kryera nga administratori i falimentimit ose palët e treta.

KREU II

MASA E FALIMENTIMIT.

KLASIFIKIMI I KREDITOREVE

Neni 33

Kuptimi i masës së falimentimit

1. Procedura e falimentimit zbatohet mbi masën e falimentimit që përfshin të gjithë pasurinë dhe të drejtat e debitorit në datën e hapjes së procedurës së falimentimit dhe pasurinë që ai fiton gjatë zbatimit të kësaj procedure falimentimi.

2. Sendet që përjashtohen nga ekzekutimi i detyrueshëm, sipas dispozitave të Kodit të Procedurës Civile, nuk përfshihen në masën e falimentimit.

3. Për mosmarrëveshjet ndërmjet debitorit dhe administratorit të falimentimit, për faktin nëse një send i përket masës së falimentimit, vendos seksioni tregtar i gjykatës së rrethit.

4. Ne procedurën e falimentimit zbatohen kushtet e parashikuara ne nenet 34 dhe 35 te këtij ligji, për sendet ne pronësi te personave te tjerë ose sendet e ngarkuara me barre siguruese.

Neni 34

E drejta e veçimit

1. Personi qe pretendon veçimin e një sendi nga masa e falimentimit ne baze te një te drejte pronësie, mund te ushtroje e te kërkojë njohjen dhe realizimin e se drejtës se veçimit te këtij sendi, sipas dispozitave te parashikuara te falimentimit.

2. Nëse para hapjes se procedurës se falimentimit, debitori e ka shitur sendin për te cilin pretendohet veçimi, pa marre parasysh te drejtën e parashikuar ne piken 1 te këtij neni, ose nëse sendin e ka shitur administratori i falimentimit, çdo person, qe ka te drejtën e veçimit, mund te kërkojë njohjen e se drejtës mbi vlerën e sendit për sa kohe është paguar vlera e tij.

Pagimi i vlerës nga masa e falimentimit mund te kërkohet për aq kohe sa kjo vlere vazhdon, ne forme te dallueshme ne masën e falimentimit.

Neni 35

Kreditorët e siguruar

1. Kreditorët, qe nëpërmjet një veprimi juridik, kane vendosur barre siguruese mbi sendin ose ne baze te ligjit kane fituar një te drejte mbi sende te masës se falimentimit, si mjet sigurimi për pretendimet e tyre, kane te drejte te realizojnë shlyerjen e detyrimit nga kolaterali, ne përputhje me dispozitat e zbatueshme te procedurës se falimentimit, por duke iu nënshtruar përjashtimeve te pikës 2 te këtij neni dhe neneve 133 e ne vazhdim te këtij ligji.

2. Ne procedurën e falimentimit nuk mund te ngrihen pretendime për pengun ligjor te pronarit ose qiradhënësit për pagese qiraje ose qiraje financiare, qe mbulon një periudhe deri ne dymbëdhjetë muaj, para hapjes se procedurës se falimentimit, si dhe për çdo lloj dëmshpërblimi qe duhet paguar, për shkak se administratori i falimentimit ka zgjidhur këtë kontrate qiraje.

Neni 36

Kufizime për kreditorët për masën e falimentimit

1. Shpenzimet e procedurës se falimentimit dhe shpenzimet e tjera administrative shlyhen nga masa e falimentimit para pretendimeve te kreditorëve te masës se falimentimit.

2. Kreditorët e masës se falimentimit duhet te ngrënë pretendimet e tyre ndaj administratorit te falimentimit dhe t'i përmbushin ato, sipas dispozitave te zbatueshme jashtë procedurës se falimentimit.

Neni 37

Shpenzimet e procedurës se falimentimit

Quhen shpenzime te procedurës se falimentimit:

- a) shpenzimet gjyqësore;
- b) shpërblimi dhe shpenzimet e administratorit te përkohshëm te falimentimit, te administratorit te falimentimit dhe te anëtarëve te komitetit te kreditorëve.

Neni 38

Shpenzimet e tjera administrative

Do te vlerësohen si shpenzime te tjera administrative shpenzimet e mëposhtme:

- a) detyrimet qe lindin si pasoje e veprimtarisë se administratorit te falimentimit ose ne çdo mënyrë tjetër gjate administrimit, disponimit dhe shpërndarjes se masës se falimentimit, por qe nuk janë pjese e shpenzimeve te procedurës se falimentimit;
- b) detyrimet sipas kontratave, qe pretendohet se duhet te paguhen ne favor te masës se falimentimit ose qe duhet te paguhen pas hapjes se procedurës se falimentimit;
- c) detyrimet për kthimin e shumave ne te holla ne rastin e begatimit pa shkak te masës se falimentimit;
- ç) detyrimet qe lindin si pasoje e veprimtarisë se administratorit te përkohshëm te falimentimit nëse ai, me miratimin e seksionit tregtar te gjykatës se rrethit, u ka dhënë përparësi ne pagese.

Neni 39

Përkufizimi i kreditorëve te falimentimit

1. Masa e falimentimit shërben për t'u paguar kreditorëve pretendimet pasurore qe ata kane ndaj debitorit ne datën e hapjes se procedurës se falimentimit dhe qe, ne kuptim te këtij ligji, quhen kreditorë te falimentimit.
2. Pretendimet e kreditorëve te falimentimit llogariten sipas kritereve te parashikuara ne nenin 40 te këtij ligji.
3. Kreditorët e falimentimit mund te ekzekutojnë pretendimet e tyre, sipas dispozitave te procedurës se falimentimit. Ata duhet te paraqesin pretendimet e tyre për verifikim, sipas neneve 141 dhe ne vazhdim te këtij ligji, si dhe te marrin pjese ne shpërndarje, sipas neneve 150 e ne vazhdim te këtij ligji.

Neni 40

Llogaritja e pretendimeve

1. Pretendimet e kreditorit për detyrime të pamaturuara, për efekt të procedurës së falimentimit, quhen si të maturuara. Nëse këto pretendime nuk mbartin interes, ato skontojnë, duke përdorur përqindjen e interesit ligjor, duke llogaritur që ato të reduktohen në masën që i përgjigjet shumës së plote të këtyre pretendimeve, pasi të zbritet përqindja e interesit ligjor për periudhën nga hapja e procedurës së falimentimit deri në datën e maturimit.
2. Pretendimet që i nënshtrohen një kushti zgjidhës nuk quhen si pretendime me kusht zgjidhës në procedurën e falimentimit, përderisa kushti nuk është vërtetuar .
3. Në procedurën e falimentimit, kreditori që ka pretendime ndaj disa personave me përgjegjësi solidare mund të paraqesë një pretendim në shumën e plote kundër secilit prej debitorëve derisa të realizojë plotësisht pretendimin në të njëjtën mënyrë, sikur të kishte pretendim për shumën e plote në datën e hapjes së procedurës së falimentimit.
4. Pretendimi që nuk shprehet në mënyrë paraqitëse në një shumë, e cila vlerësohet duke u referuar në datën e hapjes së procedurës së falimentimit. Pretendimet e shprehura në monedhe të huaja ose në njësi matëse shprehen të kthyera në leke, sipas kursit zyrtar të këmbimit të zbatueshëm në vendin e pagesës, në kohën e hapjes së procedurës së falimentimit.
5. Pretendimet për pagesa që përsëriten me shumën të caktuar dhe për periudha të caktuara paraqiten në shumën që shpreh terezinë e të gjitha pagesave të mbetura, të cilat zbriten në mënyrën e përmendur në pikën 1 të këtij neni. Ky rregull zbatohet edhe në rastin kur periudha e këtyre pagesave është e pacaktuar.

Neni 41

Kreditorët e siguruar në rolin e kreditorëve të falimentimit

Kreditorët e siguruar gëzojnë të drejtë ripagimi të veçante dhe quhen kreditorë falimentimi. Kreditorët e siguruar kanë të drejtë vote në mbledhjen e kreditorëve në rast se debitori personalisht duhet të shlyejë pretendimin e siguruar. Megjithatë, ata kanë të drejtën e ripagimit të pjesshëm të pretendimit të tyre nga masa e falimentimit, në zbatim të kushteve të nenit 150, vetëm në masën që nuk janë shlyer sipas të drejtës së ripagimit të veçante ose kanë hequr dorë nga e drejta e ripagimit të veçante.

Neni 42

Kreditorët e falimentimit të radhëve më të ulëta të preferimit

1. Pretendimet e përmendura më poshtë shlyhen pas pretendimeve të kreditorëve të falimentimit dhe në përputhje me sasinë të shumave, nëse kanë status të njëjtë:

a) interesat e fituara mbi shumat e pretendimeve te kreditoreve te falimentimit qe nga koha e hapjes se procedurës se falimentimit;

b) shpenzimet e bëra nga kreditorë te veçante te falimentimit, si rrjedhojë e pjesëmarrjes se tyre ne procedure;

c) gjoba ose pagesa qe ne baze te dispozitave te Kodit Civil, Kodit te Procedurave Administrative dhe Kodit Penal përbejnë detyrime te debitorit;

ç) pretendime për kontribute pa shpërblim te debitorit.

2. Pretendimet mbi te cilat kreditori dhe debitori kane rene dakord te radhiten ne radhët me te ulëta te preferimit përmbushen pas pretendimeve te përmendura ne piken 1 te këtij neni, me kusht qe ne marrëveshjen ndërmjet tyre te mos jete parashikuar ndryshe.

3. Interesat qe fitohen ne procedurën e falimentimit, mbi shumën e pretendimeve te kreditoreve te radhëve me te ulëta te preferimit, si dhe shpenzimet qe bëjnë kreditorët si rrjedhojë e pjesëmarrjes ne këtë procedure, radhiten me te njëjtin status si pretendimet e këtyre kreditoreve.

KREU III

ADMINISTRATORI I FALIMENTIMIT.

ORGANET E PERFAQESIMIT TE KREDITOREVE

Neni 43

Caktimi i administratorit te falimentimit

1. Seksioni tregtar i gjykatës se rrethit cakton si administrator falimentimi një person fizik te licencuar si ekspert ne fushën ekonomike, i pavarur nga kreditorët dhe debitorët.

2. Administratori i falimentimit emërohet me vendimin për hapjen e procedurës se falimentimit. Ne përfundim te detyrës, administratori i falimentimit duhet t'ia ktheje seksionit tregtar te gjykatës se rrethit dokumentin e emërimit.

Neni 44

Zgjedhja e administratorit te falimentimit nga mbledhja e kreditoreve

1. Pas emërimit te administratorit te falimentimit, ne mbledhjen e pare te tyre, kreditorët mund te zgjedhin një tjetër administrator falimentimi.

2. Seksioni tregtar i gjykatës se rrethit mund ta kundërshtojë emërimin e administratorit të ri të falimentimit vetëm në rast se në përputhje me rrethanat, nuk e gjen të përshtatshëm për kryerjen e kësaj detyre.

3. Kundër vendimit të seksionit tregtar të gjykatës se rrethit për kundërshtimin e emërimit të administratorit të ri të falimentimit, çdo kreditor falimentimi ka të drejtën e ankimit të veçantë .

Neni 45

Mbikëqyrja nga seksioni tregtar i gjykatës se rrethit

1. Seksioni tregtar i gjykatës se rrethit mbikëqyr veprimtarinë e administratorit të falimentimit dhe mund t'i kërkojë atij, në çdo kohë, të dhëna të veçanta ose raportime për ecurinë e procedurës së falimentimit dhe administrimin e masës së falimentimit.

2. Nëse çmon se administratori i falimentimit nuk i përmbush detyrat e tij, seksioni tregtar i gjykatës se rrethit, pas një paralajmërimi, vendos ndaj tij një gjobe në masën 50 000 (pesëdhjetë mijë) deri në 200 000 (dyqind mijë) leke. Kundër këtij vendimi administratori i falimentimit ka të drejtën e ankimit të veçantë, sipas Kodit të Procedurës Civile.

3. Rregullat e parashikuara në pikën 2 të këtij neni zbatohen edhe në rastin e mospërmbushjes së detyrimit të administratorit të falimentimit për të dorëzuar pasuri në rastin kur ai shkarkohet nga detyra.

Neni 46

Shkarkimi i administratorit të falimentimit

1. Seksioni tregtar i gjykatës se rrethit mund të shkarkojë nga detyra administratorin e falimentimit për arsye të motivuar. Shkarkimi mund të bëhet me kërkesën e vetë administratorit të falimentimit, me kërkesën e komitetit të kreditorëve ose të mbledhjes së kreditorëve. Përpara marrjes së vendimit, seksioni tregtar i gjykatës se rrethit dëgjon shpjegimet e administratorit të falimentimit.

2. Kundër vendimit të seksionit tregtar të gjykatës se rrethit për shkarkimin e tij, administratori i falimentimit ka të drejtën e ankimit të veçantë, sipas Kodit të Procedurës Civile.

3. Kundër vendimit të seksionit tregtar të gjykatës se rrethit për rrëzimin e kërkesës për shkarkimin e administratorit, kanë të drejtën e ankimit të veçantë administratori i falimentimit, komiteti i kreditorëve kur propozimin për shkarkimin e tij e ka bërë mbledhja e kreditorëve, çdo kreditor falimentimi.

Neni 47

Përgjegjësitë e administratorit të falimentimit

1. Administratori i falimentimit ka për detyre që, në ushtrimin e detyrave, të tregojë kujdes dhe të jetë si një administrator i ndërgjegjshëm dhe i zellshëm.

2. Administratori i falimentimit është përgjegjës për demet që u shkaktohen palëve pjesëmarrëse procedurën e falimentimit në rast se ai, me dashje, shkel ose nuk përmbush detyrat që i ngarkohen ky ligj.

3. Nëse për përmbushjen e detyrave, administratorit i duhet të angazhojë punonjësit e mëparshëm të debitorit, brenda pozicionit dhe rolit të punës që kanë pasur dhe, nëse këta punonjës vlerësohen të përshtatshëm, administratori i falimentimit nuk mban përgjegjësi për pakujdesinë e këtyre personave në ushtrimin e detyrës, por përgjigjet vetëm për mbikëqyrjen e tyre dhe për vendime të një rëndësie të veçantë.

Neni 48

Mospagimi i detyrimeve ndaj masës së falimentimit

1. Nëse pasuritë e masës së falimentimit nuk shlyejnë plotësisht një detyrim të masës së falimentimit që lind si pasoje e një veprimi juridik të administratorit të falimentimit, ky i fundit është i detyruar ta zhdëmtojë kreditorin e masës së falimentimit.

2. Pika 1 e këtij neni nuk zbatohet në rastin kur administratori i falimentimit, gjatë lindjes së këtij detyrimi, nuk mund të kishte dijeni për pamjaftueshmërinë e mundshme të masës së falimentimit për të shlyer detyrimin e masës së falimentimit.

Neni 49

Parashkrimi

1. Padia për shpërblimin e demit të shkakuar nga shkelje ose mospërmbushje të detyrimeve të administratorit të falimentimit parashkruhet pas tre vjetësh nga data kur pala e dëmtuar ka marrë dijeni për demin dhe për rrethanat që tregojnë përgjegjësinë e administratorit për demin e shkakuar .

2. Afati i fundit për parashkrimin e padisë është tre vjet pas datës së përfundimit të procedurës së falimentimit ose pas hyrjes në fuqi të vendimit të formës së prere të gjykatës për përfundimin e procedurës së falimentimit.

3. Pika 2 e këtij neni zbatohet për shkelje të detyrës, në kuadër të shpërndarjes së vonuar, sipas nenit 166 ose për mbikëqyrjen e zbatimit të planit, sipas nenit 223, me kushtin që mbyllja e procedurës së falimentimit të zëvendësohet, respektivisht, me ekzekutimin e shpërndarjes së vonuar dhe përfundimin e mbikëqyrjes.

Neni 50

Shpërblimi i administratorit të falimentimit

1. Administratori i falimentimit ka te drejtën e shpërblimit për punën e kryer dhe te rimbursimit për shpenzimet e bëra gjate përmbushjes se detyrës.
2. Masa e zakonshme e shpërblimit llogaritet ne baze te vlerës se masës se falimentimit ne kohen e përfundimit te procedurës se falimentimit.
3. Masa e zakonshme e shpërblimit rivlerësohet ne varësi te vëllimit dhe te shkalles se vështirësisë gjate ushtrimit te detyrës se administratorit te falimentimit.

Neni 51

Vendimet e seksionit tregtar te gjykatës se rrethit

1. Seksioni tregtar i gjykatës se rrethit përcakton me vendim shpërblimin dhe shpenzimet qe duhet t'i rimbursohen administratorit te falimentimit.
2. Vendimi i seksionit tregtar te gjykatës se rrethit, me përjashtim te shumës se parashikuar, duhet te shpallet publikisht, si dhe i njoftohet personalisht administratorit te falimentimit, debitorit dhe anëtarëve te komitetit te kreditorëve, nëse është emëruar prej tyre. Ne vendimin e seksionit tregtar te gjykatës se rrethit, te shpallur publikisht, duhet te vihet ne dukje se teksti i plote i këtij vendimi gjendet ne sekretarinë e seksionit tregtar te gjykatës se rrethit.
3. Kundër vendimit te seksionit tregtar te gjykatës se rrethit, administratori i falimentimit, debitori dhe çdo kreditor falimentimi kane te drejtën e ankimit te veçante, sipas Kodit te Procedurës Civile.

Neni 52

Rregullat e hollësishme për caktimin e shpërblimit te administratorit te falimentimit

Rregullat e hollësishme për kushtet dhe kriteret e përcaktimit te masës se shpërblimit dhe te rimbursimit te shpenzimeve te administratorit te falimentimit caktohen nga Këshilli i Ministrave.

Neni 53

Paraqitja e llogarive

1. Ne përfundim te detyrës, administratori i falimentimit ka detyrim t'i paraqesë llogarite ne mbledhjen e kreditorëve.
2. Përpara zhvillimit te mbledhjes se kreditorëve, seksioni tregtar i gjykatës se rrethit verifikon llogarite përfundimtare, te përgatitura nga administratori i falimentimit, se bashku me dokumentacionin mbështetës, shoqëruar me një koment-vërejtje qe tregon verifikimin e llogarive.

3. Ne rastet kur është caktuar një komitet kreditoresh, llogarive përfundimtare te përgatitura nga administratori i falimentimit i bashkëlidhen edhe komentet e këtij komiteti, për përgatitjen e te cilave gjykata cakton edhe një afat kohor .

4. Periudha ndërmjet paraqitjes se dokumentacionit, sipas këtij neni dhe datës se mbajtjes se mbledhjes se kreditorëve duhet te jete jo me e vogël se 10 dite.

5. Mbledhja e kreditorëve mund t'i ngarkoje administratorit te falimentimit te paraqesë llogari ndërmjetëse, ne data te caktuara, gjate zbatimit te procedurës se falimentimit, duke zbatuar, sipas rastit, rregullat e parashikuara ne këtë nen.

Neni 54

Caktimi i komitetit te kreditorëve

1. Para mbledhjes se pare te kreditorëve, seksioni tregtar i gjykatës se rrethit ka te drejte te caktoje një komitet te kreditorëve.

2. Komiteti i kreditorëve duhet te përfaqësoje kreditorët e siguruar, kreditorët e falimentimit me pretendimet me te mëdha dhe kreditorët e shumave te vogla.

Ne komitetin e kreditorëve duhet te marre pjese një përfaqësues i punonjësve te debitorit, kur këta janë kreditorë falimentimi me pretendime te ndjeshme.

3. Anëtarë te komitetit te kreditorëve mund te emërohen edhe persona qe nuk janë kreditorë.

Neni 55

Zgjedhja e acetatëve te ndryshëm te komitetit te kreditorëve

1. Mbledhja e kreditorëve vendos nëse duhet te caktohet një komitet i kreditorëve. Ne rast se komiteti i kreditorëve është caktuar nga seksioni tregtar i gjykatës se rrethit përpara zhvillimit te mbledhjes se kreditorëve, ky i fundit mund te vendose nëse komiteti i kreditorëve duhet te japë miratimin ose shpërndarjen e këtij komiteti.

2. Mbledhja e kreditorëve ka te drejte te vendose për heqjen e anëtarëve qe ka caktuar seksioni tregtar i gjykatës se rrethit ose për emërimin e anëtarëve te tjerë ne komitetin e kreditorëve.

Neni 56

Detyrat e komitetit te kreditorëve

1. Anëtarët e komitetit te kreditorëve duhet te mbështesin dhe te mbikëqyrin veprimtarinë e administratorit te falimentimit.

2. Anëtarët e komitetit të kreditorëve kanë të drejtë të kërkojnë dhe të marrin të dhëna për ecurinë e punëve gjatë procesit të falimentimit, të kontrollojnë librat e llogarive dhe dokumentet e tjera, si dhe të verifikojnë veprimet monetare dhe gjendjen e arkës.

Neni 57

Shkarkimi i anëtarëve të komitetit të kreditorëve

1. Seksioni tregtar i gjykatës së rrethit, me shkak, ka të drejtë të shkarkojë nga detyra një anëtar të komitetit të kreditorëve.

2. Shkarkimi mund të behet, kryesisht, me kërkesë të anëtarëve të komitetit të kreditorëve ose me kërkesë të mbledhjes së kreditorëve. Para marrjes së vendimit, seksioni tregtar i gjykatës së rrethit dëgjon anëtarin e komitetit të kreditorëve.

3. Kundër vendimit të seksionit tregtar të gjykatës së rrethit, anëtari i shkarkuar i komitetit të kreditorëve ka të drejtën e ankimit të veçante, sipas Kodit të Procedurës Civile.

Neni 58

Përgjegjësia e anëtarëve të komitetit të kreditorëve

1. Anëtarët e komitetit të kreditorëve janë përgjegjës dhe detyrohen të dëmshpërblejnë kreditorët e siguruar dhe kreditorët e falimentimit në rast se, për faj të tyre, shkelin ose nuk përmbushin detyrat u ngarkon ky ligj.

2. Në rastin e pikës 1 të këtij neni, janë të zbatueshme rregullat e parashkrimit të parashikuara në nenin 49 të këtij ligji.

Neni 59

Vendimet e komitetit të kreditorëve

Vendimet e komitetit të kreditorëve janë të vlefshme kur në vendimmarrje ka marrë pjesë shumica e anëtarëve të tij dhe vendimi është marrë me shumicën e votave të anëtarëve pjesëmarrës.

Neni 60

Shpërblimi i anëtarëve të komitetit të kreditorëve

Anëtarët e komitetit të kreditorëve kanë të drejtën të shpërblehen për punën dhe të rimbursohen për shpenzimet e arsyetuara. Në caktimin e shpërblimit merren parasysh koha dhe vëllimi i punës së anëtarit, si dhe zbatohen kërkesat e neneve 51 dhe 52 të këtij ligji.

Neni 61

Thirrja e mbledhjes se kreditoreve

1. Mbledhja e kreditoreve thirret nga seksioni tregtar i gjykatës se rrethit. Te drejtën e pjesëmarrje ne mbledhje e kane te gjithë kreditoret e siguruar, te gjithë kreditoret e falimentimit, administratori falimentimit dhe debitori.
2. Koha, vendi dhe rendi i ditës i mbledhjes se kreditoreve duhet te shpallen publikisht. Mbledhja e kreditoreve mund te mos shpallet publikisht ne qofte se seksioni tregtar i gjykatës se rrethit vendos shtyrjen e saj.

Neni 62

Kërkesa për thirrjen e mbledhjes se kreditoreve

1. Mbledhja e kreditoreve thirret kur kërkohet nga:

a) administratori i falimentimit;

b) komiteti i kreditoreve;

c) kreditoret e falimentimit, pretendimet e te cilëve, te marra se bashku, sipas vlerësimit te seksionit tregtar te gjykatës se rrethit, përbejnë te paktën një te pestën e shumës se pretendimeve te te gjithë kreditoreve te falimentimit.

2. Nga marrja e kërkesës deri ne datën e mbledhjes se kreditoreve nuk duhet te kalojnë me shume se 15 dite.

3. Nëse seksioni tregtar i gjykatës se rrethit nuk pranon thirrjen e mbledhjes se kreditoreve, pala kërkuese ka te drejtën e ankimit te veçante, sipas Kodit te Procedurës Civile.

Neni 63

Vendimet e mbledhjes se kreditoreve

1. Mbledhja e kreditoreve drejtohet nga seksioni tregtar i gjykatës se rrethit.

2. Vendimet e mbledhjes se kreditoreve janë te vlefshme nëse shuma e pretendimeve te kreditoreve ne favor te vendimit është me e madhe se gjysma e shumës se përgjithshme te pretendimeve te kreditoreve me te drejte vote. Për kreditoret e siguruar me te drejte ripagimi te veçante, kundrejt te cilëve debitori nuk është drejtpërdrejt përgjegjës, pretendimi zëvendësohet me vlerën e kësaj te drejte.

Neni 64

Përcaktimi i te drejtës se votës

1. E drejta e votës përcaktohet ne baze te pretendimeve te paraqitura nga kreditori dhe qe nuk janë kundërshtuar nga administratori i falimentimit ose nga ndonjë kreditor me te drejte vote. Kreditoret e radhëve me te ulëta te preferimit nuk kane te drejte vote.

2. Kreditoret, pretendimet e te cilëve janë kundërshtuar, kane te drejte vote, me kusht qe administratori dhe kreditoret pjesëmarrës, me te drejte vote, te kenë rene dakord për ta lejuar këtë te drejte vote gjate mbledhjes se kreditoreve. Ne rast mosmarrëveshjeje te palëve, vendos seksioni tregtar i gjykatës se rrethit. Seksioni tregtar i gjykatës se rrethit mund te ndryshoje vendimin e tij, me kërkesë te administratorit ose te një kreditori, pjesëmarrës ne mbledhjen e kreditoreve.

3. Pika 2 e këtij neni zbatohet sipas rastit për:

a) kreditoret me pretendim te kushtëzuar nga një kusht i mëparshëm;

b) kreditoret e siguruar (me te drejte ripagimi te veçante).

Neni 65

Prishja e vendimit te marre nga mbledhja e kreditoreve

1. Nëse një vendim i marre nga mbledhja e kreditoreve vjen ne kundërshtim me interesin e përbashkët te kreditoreve te falimentimit, seksioni tregtar i gjykatës se rrethit duhet te prishe vendimin, me kërkesë te një kreditori te siguruar falimentimi (me te drejte ripagimi te veçante), te një kreditori falimentimi ose te administratorit te falimentimit, ne rast se kërkesa paraqitet ne mbledhjen e kreditoreve. Këtë te drejte nuk e gëzojnë kreditoret e radhëve me te ulëta te preferimit.

2. Vendimi i seksionit tregtar te gjykatës se rrethit për prishjen e vendimit te mbledhjes se kreditoreve duhet te shpallet publikisht.

3. Kundër vendimit te seksionit tregtar te gjykatës se rrethit për prishjen e vendimit te mbledhjes se kreditoreve, çdo kreditor i siguruar (me te drejte ripagimi te veçante) dhe çdo kreditor falimentimi, qe nuk bën pjese ne radhët me te ulëta te preferimit, kane te drejtën e ankimit te veçante. Këtë te drejte e ka edhe pala kërkuese, ne rastin kur seksioni tregtar i gjykatës se rrethit ka vendosur rrëzimin e kërkesës për prishjen e vendimit te mbledhjes se kreditoreve.

Neni 66

Vënia ne dijeni e mbledhjes se kreditoreve

1. Mbledhja e kreditoreve mund t'i kërkojë administratorit te falimentimit dhënien e njoftimeve te veçanta dhe një raport për ecurinë e procedurës se falimentimit dhe për administrimin e masës se falimentimit.

2. Nëse nuk është caktuar një komitet kreditorësh, mbledhja e kreditorëve mund të marrë vendime për ushtrimin e kontrolleve për veprimet monetare dhe gjendjen e të hollave të disponueshme.

PJESA E TRETE

PASOJAT E HAPJES SE PROCEDURES SE FALIMENTIMIT

KREU I

PASOJA TE PERGJITHSHME

Neni 67

Kalimi i së drejtës së administrimit dhe disponimit

Me hapjen e procedurës së falimentimit, e drejta e debitorit për të administruar dhe disponuar pasurinë, që bën pjesë në masën e falimentimit, i kalon administratorit të falimentimit.

Neni 68

Disponimi nga debitori

1. Nëse pas hapjes së procedurës së falimentimit debitori tjetëron sende nga masa e falimentimit, këto veprime janë të pavlefshme. Vlera e përfituar nga tjetërsimi i kthehet palës tjetër, duke u nxjerre nga masa e falimentimit, në rast se kjo masë është shtuar nga begatimi pa shkak.

2. Nëse debitori ka kryer veprimin në ditën e hapjes së procedurës së falimentimit, transferimi prezumohet të jetë kryer pas hapjes së procedurës së falimentimit.

Neni 69

Veprimet në favor të debitorit

1. Në rast se pas hapjes së procedurës së falimentimit është shlyer një detyrim në favor të debitorit, ndonëse ky detyrim duhej të shlyhej në favor të masës së falimentimit, pala vepruese shkarkohet nga detyrimi, nëse nuk ka qene në dijeni të hapjes së procedurës së falimentimit në kohën e kryerjes së veprimit.

2. Nëse pala vepruese e ka shlyer detyrimin para shpalljes së vendimit për hapjen e procedurës, pala vepruese prezumohet se nuk ka pasur dijeni për këtë procedurë.

Neni 70

Likuidimi i një shoqërie të thjeshtë ose ortakërie

1. Ne rast se ndërmjet debitorit dhe te tretëve është krijuar një ortakëri ose një shoqëri e thjeshte, likuidimi i pjesës se debitorit kryhet ne përputhje me dispozita te parashikuara jashtë procedurës se falimentimit.

2. Marrëveshja qe mohon te drejtën e likuidimit te një ortakërie, përgjithmonë ose për një kohe te caktuar, është e pavlefshme për procedurën e falimentimit. Ky rregull zbatohet për klauzolën me te njëjtën përmbajtje ne testamentin e personit qe ka vdekur.

Neni 71

Pezullimi i padive te ngritura

1. Me hapjen e procedurës se falimentimit pezullohen te gjitha padite civile ku debitori është pale.

2. Pezullimi i parashikuar ne piken 1 te këtij neni nuk zbatohet për padite civile te ngritura, sipas këtij, ku pale janë kreditorët e siguruar, përveç rasteve kur parashikohet ndryshe ne këtë ligj .

Neni 72

Vazhdimi i padive te ngritura, ku debitori është paditës

1. Padite e lidhura me pasuritë e masës se falimentimit, ku debitori është paditës, rifillojnë ne te masës se falimentimit, me kërkesë te administratorit te falimentimit.

2. Nëse administratori i falimentimit nuk e pranon këtë kërkesë, debitori dhe i padituri mund te mbrojnë veprimet e tyre për padinë e ngritur .

Neni 73

Vazhdimi i padive te ngritura, ku debitori është i paditur

1. Padite e ngritura kundër debitorit rifillojnë me kërkesë te administratorit te falimentimit ose te paditësit nëse ato kane lidhje me:

a) veçimin e një sendi nga masa e falimentimit;

b) ripagimin e veçante;

c) detyrimin ndaj masës se falimentimit.

2. Nëse administratori i falimentimit i njeh këto padi menjëherë, paditësi mund te kërkojë rimbursim te shpenzimeve për ngritjen e padive vetëm ne cilësinë e kreditorit te falimentimit.

Neni 74

Ekzekutimi para hapjes se procedurës se falimentimit

1. Çdo urdhër ekzekutimi i detyrueshëm mbi pasurinë e debitorit është i pavlefshëm derisa plani i zyrës se përbarimit për ndarjen e te ardhurave te marre forme përfundimtare.
2. Pasuria e debitorit qe konfiskohet nga përbaruesi gjyqësor dhe shumat e fituara nga shitja e pasurive bëhen pjese e masës se falimentimit dhe përbaruesi gjyqësor duhet t'ia dorëzojë administratorit

Neni 75

Ndalimi i ekzekutimit

1. Gjate procedurës se falimentimit, kreditore falimentimi te veçante nuk mund te ekzekutojnë pasuritë e masës se falimentimit ose pasuri te tjera te debitorit.
2. Kreditoret qe nuk gëzojnë statusin e kreditoreve te falimentimit nuk mund te kërkojnë ekzekutimin e detyrimit gjate procedurës se falimentimit as për pretendime te ardhshme, për pagesa qe rrjedhin nga një kontrate shërbimi.
3. Seksioni tregtar i gjykatës se rrethit vendos për dëmshpërblimet e mundshme, gjate ekzekutimeve te përmendura ne pikat 1 dhe 2 te këtij neni.

Neni 76

Ndalimi i ekzekutimit te detyrimeve te masës se falimentimit

1. Detyrimet e masës se falimentimit nuk mund te ekzekutohen për një periudhe 6-mujore nga data e hapjes se procedurës se falimentimit.
2. Bëjnë përjashtim nga parashikimet e pikës 1 te këtij neni detyrimet e mëposhtme:
 - a) detyrimet qe rrjedhin nga një kontrate, përmbushjen e se cilës e ka vendosur administratori;
 - b) detyrime qe rrjedhin nga një kontrate me zbatim periodik për periudhën pas ditës se pare kur administratori i falimentimit mund ta kishte prishur këtë kontrate;
 - c) detyrime qe rrjedhin nga një kontrate me zbatim periodik nëse administratorit te falimentimit i paguhet vlere ne favor te masës se falimentimit;
 - ç) detyrime qe rrjedhin nga çdo veprim tjetër i administratorit.

Neni 77

Dëmi i përgjithshëm

1. Administratori i falimentimit është i vetmi person, i cili, gjatë procedurës së falimentimit, mund të pretendojë të drejtën për dëmshpërblim të kreditorëve të falimentimit për dëme që ata kanë pësuar bashkërisht, para ose pas hapjes së procedurave të falimentimit, për shkak të zvogëlimit të pasurive të masës së falimentimit.

2. Nëse padia e ngritur sipas pikës 1 të këtij neni drejtohet kundër administratorit të falimentimit, pretendimi ngrihet vetëm nga administratori tjetër i falimentimit, i emëruar pas tij.

Neni 78

Përgjegjësia e pakufizuar e ortakëve

Nëse procedura e falimentimit është hapur për pasuritë e një shoqërie të thjeshtë ose ortakërie, administratori i falimentimit mund të kërkojë përmbushjen e detyrimeve të shoqërisë nga përgjegjësia e pakufizuar e një ortaku për detyrimet e shoqërisë gjatë procedurës së falimentimit.

Neni 79

Mbajtja e së drejtës për kompensim të ndërsjellë të pretendimeve

Ne rast se, sipas ligjit ose një marrëveshjeje, në kohën e fillimit të procedurës së falimentimit një kreditor falimentimi ka të drejtën e kompensimit të ndërsjellë të pretendimeve në datën e hapjes së procedurës së falimentimit, kjo e drejtë nuk cenohet nga procedura e falimentimit.

Neni 80

Ndalimi i kompensimit të ndërsjellë

1. Kompensim i ndërsjellë nuk kryhet në rastet kur:

a) detyrimet e një kreditori falimentimi ndaj masës së falimentimit kanë lindur vetëm pas hapjes së procedurës së falimentimit;

b) një kreditor falimentimi e ka fituar të drejtën e kompensimit të ndërsjellë nga një kreditor tjetër vetëm pas hapjes së procedurës së falimentimit;

c) një kreditor falimentimi e ka fituar të drejtën e kompensimit të ndërsjellë të pretendimit nëpërmjet një veprimi që duhet shmangur;

ç) një kreditor, pretendimi i të cilit duhet të përmbushet nga pasuria e pangarkuar debitorit, ka një detyrim ndaj masës së falimentimit.

Neni 81

Detyrimi i debitorit për të paraqitur të dhëna dhe për të bashkëpunuar

1. Debitori ka detyre te njoftoje për te gjitha rrethanat qe kane te bëjnë me procedurën e falimentimit, seksionin tregtar te gjykatës se rrethit, administratorin e falimentimit, komitetin e kreditoreve dhe, nëse urdhërohet nga seksioni tregtar i gjykatës se rrethit, mbledhjen e kreditoreve.

2. Debitori duhet te ndihmoje administratorin e falimentimit për kryerjen e detyrës.

3. Seksioni tregtar i gjykatës se rrethit mund te urdhërojë qe debitori te jete i gatshëm, ne çdo, për te përmbushur detyrimet e tij për te dhënë te dhëna dhe për te bashkëpunuar. Debitorit i duhet te kryeje çfarëdo lloj veprimi, qe pengon përmbushjen e këtyre detyrave.

Neni 82

Realizimi i detyrave te debitorit

1. Nëse është e nevojshme te paraqiten deklarata te vërtetuara, seksioni tregtar i gjykatës se rrethit urdhëron debitorin te paraqesë një deklaratë me shkrim, e cila vërteton se debitori ka paraqitur te dhëna te vërteta, te sakta dhe te plota për faktet e kërkuara.

2. Gjykata mund t'i kërkojë debitorit te paraqitet me detyrim, si dhe te mos largohet nga vendbanimi ose selia, pas marrjes se tij ne pyetje, ne rastet kur:

a) debitori nuk pranon te japë te dhëna ose deklarata te betuara a te bashkëpunojë me administratorin e falimentimit gjate kryerjes se detyrës;

b) debitori përpiqet te shmange detyrimin për te paraqitur te dhëna ose për te bashkëpunuar, veçanërisht kur merr masa për t'u larguar;

c) nëse thirrja e detyruar dhe ndalimi janë te nevojshme për te shmangur veprime te debitorit qe pengojnë zbatimin e detyrimit te tij për te paraqitur te dhëna dhe për te bashkëpunuar dhe, ne mënyrë te veçante, për te siguruar masën e falimentimit.

3. Masa e detyrimit për qëndrim hiqet kryesisht pasi te vërehet se nuk ka me kushte, ne baze te te cilave ishte vendosur kjo mase. Kundër vendimit për detyrimin e qëndrimit, si dhe kundër urdhrit qe rrezon kërkesën për heqjen e kësaj mase behet ankimi i veçante.

Neni 83

Kontrolli i postes se debitorit

1. Nëse është e nevojshme për te hetuar ose parandaluar veprimet e debitorit, qe dëmtojnë kreditorët, seksioni tregtar i gjykatës se rrethit, me kërkesë te administratorit te falimentimit ose, kryesisht, me vendim te arsyetuar, urdhëron qe administratori te kontrolloje te gjithë ose një pjese te korrespondencës se debitorit. Para shpalljes se këtij vendimi, seksioni tregtar i gjykatës se rrethit kërkon dhe dëgjon debitorin, me përjashtim te rastit kur, për shkak te rrethanave te veçanta, një gjë e tille rrezikon qëllimin e urdhërimit. Nëse debitori nuk dëgjohe paraprakisht,

vendimi i seksionit tregtar te gjykatës se rrethit duhet te shpjegoje arsyet për mospërbushjen e këtij veprimi dhe seanca e dëgjimit te debitorit duhet te mbahet pa vonese.

2. Administratori mund te hape korrespondencën e debitorit. Korrespondenca, qe nuk ka te beje me masën e falimentimit, i dorëzohet menjëherë debitorit. Debitori mund te inspektojë dërgesat e tjera postare.

3. Debitori mund te beje ankim te veçante kundër vendimit për kontroll te korrespondencës se vet. Seksioni tregtar i gjykatës se rrethit pezullon zbatimin e vendimit për kontrollin e korrespondencës se debitorit pasi dëgjon me pare administratorin e falimentimit, ne rast se nuk ekziston me shkakun për ushtrimin e këtij kontrolli.

Neni 84

Pagesat për jetesën nga masa e falimentimit

1. Mbledhja e kreditoreve vendos nëse debitori dhe familja e tij duhet te marrin nga masa e falimentimit një shume për jetese dhe ne çfarë mase.

2. Derisa mbledhja e kreditoreve te marre vendim, administratori i falimentimit, me pëlqimin e komitetit te kreditoreve, mund t'i lejojë debitorit mjetet e nevojshme te jetesës, duke përmbushur nevojat e tij, te fëmijëve te mitur ne ngarkim dhe te bashkëshortit.

Neni 85

Anëtarët e organit përfaqësues te debitorit. Punonjësit

1. Kur debitori nuk është person fizik, janë te zbatueshme parashikimet e neneve 81, 82 dhe 83 te këtij ligji, sipas rastit, për anëtarët e organit qe përfaqëson ose mbikëqyr debitorin, si dhe për ortakët e përgjithshëm, me te drejte përfaqësimi.

2. Nenet 81 pika 1 dhe 82 te këtij ligji janë te zbatueshme, sipas rastit, për persona qe kane jo me pak se dy vjet qe janë larguar nga detyra e përmendur ne piken 1 te këtij neni, para se njeri nga këta persona te kërkonte hapjen e procedurës se falimentimit.

3. Neni 84 i këtij ligji është i zbatueshëm, sipas rastit, për ortakët e shoqërisë se thjeshte te debitorit dhe për personat me te drejte përfaqësimi te debitorit.

4. Pika 1 e nenit 84 te këtij ligji është e zbatueshme, sipas rastit, për punonjësit e debitorit, dhe për punonjësit e mëparshëm te tij, me kusht qe ata te kenë me shume se dy vjet te larguar nga data e paraqitjes se kërkesës për hapjen e procedurës se falimentimit.

KREU II

PERMBUSHJA E VEPRIMEVE LIGJORE

Neni 86

E drejta e zgjedhjes

1. Kur një kontratë, në kohën e fillimit të procedurës së falimentimit, nuk është zbatuar plotësisht, si nga debitori, ashtu edhe nga pala tjetër, detyrimet e papërbushura vlerësohen të pazbatueshme. Megjithatë, administratori i falimentimit mund ta zbatojë këtë kontratë në vend të debitorit dhe të pretendojë nga pala tjetër pagesën e vlerës ose përbushjen e detyrimit.
2. Në qoftë se administratori nuk pranon zbatimin e kësaj kontrate, pala tjetër ka të drejtë të ngrejë pretendim për moszbatim kontrate vetëm si kreditor falimentimi. Nëse pala tjetër i kërkon administratorit të ushtrojë të drejtën e zbatimit të kontratës, administratori duhet të deklarojë, pa vonese, nëse do të kërkojë zbatimin e kontratës. Nëse administratori nuk bën një deklaram të tillë, ai humbet të drejtën për të kërkuar zbatimin e detyrimit ose përbushjen e veprimit, sipas kontratës.
3. Pikat 1 dhe 2 të këtij neni nuk zbatohen për dispozita dhe kontrata të veçanta, të parashikuara në nenet në vijim të këtij kreu.

Neni 87

Veprimet me data fikse. Titujt financiarë

1. Në qoftë se është rënë dakord që dorëzimi i mallrave të kryhet në një datë të caktuar ose brenda një periudhe kohe të caktuar dhe në rast se kjo datë ose periudhë kohore përfundon pasi është hapur procedura e falimentimit, nuk mund të kërkojë zbatimin e marrëveshjes, por mund të ngrihet vetëm pretendimi për moszbatim të detyrimit. Pala tjetër mund të ngrejë këtë pretendim vetëm në cilësinë e kreditorit të falimentimit.
2. Pretendimi për moszbatim kontrate mbulon ndryshimin ndërmjet çmimit për të cilin është rënë dakord dhe çmimit të tregut ose bursës në ditën e dytë të punës pas hapjes së procedurës së falimentimit, në vendin e zbatimit të detyrimit.
3. Nëse është rënë dakord që zbatimin e një veprimi të natyrës financiare me çmim tregu ose burse të kryhet në një datë të caktuar ose brenda një periudhe të caktuar, dhe në rast se kjo datë ose ky afat kohor përfundon pas hapjes së procedurës së falimentimit zbatohen, sipas rastit, pikat 1 dhe 2 të këtij neni. Quhen veprime me natyrë financiare veçanërisht:
 - a) furnizimi me metale të çmuara;
 - b) dorëzimi i letrave me vlerë ose i të drejtave të ngjashme, me kusht që të mos jete si qellim pjesëmarrja në një shoqëri ose veprimtari për vendosjen e një lidhjeje të vazhdueshme;
 - c) pagesat në lloj, shuma e të cilave caktohet drejtpërdrejt ose tërthorazi në monedhë të huaj ose njësi matëse sipas kursit të këmbimit të një monedhe të huaj ose të një njësie matëse, në bazë të

shkalles se interesit mbizotërues për pretendimet ose ne baze te çmimit te mallrave a te shërbimeve;

ç) te drejta te tjera për furnizime ose zbatime kontrate ne lloj ne kuptimin e pikës 1 deri ne piken 4 te këtij neni.

4. Nëse veprimet e zbatueshme te natyrës financiare janë përmbledhur ne një kontrate kuadër dhe është arritur marrëveshje, qe ne rast moszbatimi, kontrata mund te prishet ne mënyrë te njëjtë, tërësia e veprimeve vlerësohet si një kontrate e përbashkët, ne kuptim te neneve 86 dhe 87 te këtij ligji.

Neni 88

Kontrata periodike

1. Nëse shërbimet kontraktore qe përbejnë detyrime ndaj palëve janë periodike, dhe nëse pala tjetër ka përmbushur një pjese te shërbimeve ne kohen kur është hapur procedura e falimentimit, kjo pale quhet kreditor falimentimi për shumën e pretendimit te saj, për vlerën qe i përgjigjet pjesës se shërbimeve te kryera, edhe sikur administratori i falimentimit te pretendojte kryerjen e shërbimeve ende te papërmbushura.

2. Pala tjetër nuk mund te kërkojë kthimin e pjesës se shërbimeve qe i ka kaluar pasurisë se debitorit para hapjes se procedurës se falimentimit, duke nxjerre si shkak pretendimin për mospagim te detyrimit përkatës.

Neni 89

Rezerva e pronësisë

1. Dispozitat e mëposhtme zbatohen për një kontrate shitjeje, me rezerve pronësie, te kryer sipas Kodit Civil.

2. Nëse para hapjes se procedurës se falimentimit debitori ka shitur një send te luajtshëm me rezerve pronësie, duke ia kaluar blerësit zotërimin e sendit, blerësi mund te pretendojte zbatimin e kontratës se shitjes. Kjo dispozite zbatohet edhe sikur debitori te këtë marre përsipër detyrime shtese për blerjen dhe te mos i këtë përmbushur tërësisht ato.

3. Nëse para hapjes se procedurës se falimentimit debitori ka blere një send te luajtshëm, ku shitësi ushtron te drejtën e rezervës se pronësisë, ndërkohë qe shitësi ose administratori i falimentimit i ka kaluar zotërimin debitorit, administratori i falimentimit, te cilit shitësi i ka kërkuar te ushtroje te drejtën e zgjedhjes, te zbatimit ose moszbatimit, nuk është i detyruar te paraqesë deklarate, sipas pikës 2 te nenit 86, përpara ditës se mbledhjes se raportimit te kreditorëve. Kjo dispozite nuk zbatohet kur gjate periudhës para mbledhjes se raportimit pritet një pakësim i ndjeshëm i vlerës se sendit dhe kreditori ia ka vene ne dukje këtë rrethane administratorit te falimentimit.

Neni 90

Vazhdimësia e kontratave

1. Kontratat e lidhura ndërmjet debitorit, si qiradhënës ose qiramarrës, për qiranë e objekteve të paluajtshme ose pjesëve të tyre dhe për shërbime që duhen kryer lidhur me to vazhdojnë të ekzistojnë në favor të masës së falimentimit.
2. Pretendimet e ngritura para hapjes së procedurës së falimentimit mund të ngrihen nga pala tjetër vetëm në cilësinë e kreditorit të falimentimit.

Neni 91

Debitori si qiramarrës

1. Administratori i falimentimit mund të zgjidhë një kontratë qiraje për objekte të paluajtshme ose kontratë qiraje për pjesë të tyre ku debitori është qiramarrës, duke njoftuar, brenda afatit ligjor, palën tjetër, pavarësisht nga periudha e njoftimit për të cilën është rënë dakord në marrëveshjen e palëve.
2. Nëse administratori zgjidh kontratën sipas pikës 1 të këtij neni, pala tjetër mund të pretendojë dëmshpërblim si kreditor falimentimi, për shkak të zgjidhjes së parakohshme të kontratës.
3. Nëse debitori, në kohën e hapjes së procedurës së falimentimit, nuk kishte fituar ende zotërimin e sendit të paluajtshëm, administratori dhe pala tjetër mund të tërhiqen nga kontrata. Kur tërhiqet administratori, pala tjetër mund të kërkojë dëmshpërblim për zgjidhje të parakohshme të kontratës, si kreditor falimentimi. Me kërkesë të palës, secila prej palëve duhet të deklarojë, brenda 15 ditësh, nëse ka synim të tërhiqet nga kontrata. Nëse njëra prej palëve nuk bën një deklaratë të tillë, ajo humbet të drejtën e tërheqjes nga kontrata.

Neni 92

Debitori në rolin e qiradhënësit

1. Në qoftë se para hapjes së procedurës së falimentimit debitori, si qiradhënës i një sendi të paluajtshëm, ia ka kaluar një palë të tretë të drejtën e ngritjes së pretendimit për pagesën e qirasë, ky kalim mbetet i vlefshëm vetëm për pagesën e qirasë së muajit në të cilin është hapur procedura e falimentimit. Në qoftë se procedura është hapur pas ditës së pesëmbëdhjetë të muajit, e drejta e pagesës mbetet e vlefshme edhe për muajin e ardhshëm.
2. Tërheqja e pagesës së qirasë quhet kalim në kuptim të pikës 1 të këtij neni. Kalimi i kryer me rruge ekzekutimi është i barasvlershëm me kalim sipas kontratës.
3. Kundër pretendimit të pagesës së qirasë që mbulon periudhën e përmendur në pikën 1, qiramarrësi mund të bëjë dëmshpërblim të ndërsjellë për çdo pretendim kundrejt debitorit.

4. Ne rastin e pikës 3 te këtij neni mbeten te zbatueshme parashikimet e nenit 79 te këtij ligji.

Neni 93

Shitja e pasurive te debitorit te dhëna me qira

Nëse administratori i falimentimit shet sende te paluajtshme, qe debitori i ka dhënë me qira dhe nëse blerësi zëvendëson debitorin, si pale ne marrëdhënien e qirasë blerësi mund te zgjidhe marrëdhënien e qirasë brenda afatit ligjor. Njoftimi mund te jepet vetëm për ditën e pare te periudhës ligjore te njoftimit.

Neni 94

Moszgjidhja e kontratës se qirasë

Kontratat e qirasë te lidhura mes debitorit si qiramarrës dhe një pale tjetër. nuk mund te zgjidhen nga kjo e dyta pasi te jete kërkuar hapja e procedurës se falimentimit:

- a) për mospagese te qirasë para hapjes se procedurës se falimentimit;
- b) për shkak te keqësimit te gjendjes pasurore te debitorit.

Neni 95

Zgjidhja e kontratës se shërbimit

1. Administratori i falimentimit dhe pala tjetër mund te zgjidhin një kontrate, ku shërbimet kryhen ne favor te debitorit, duke dhënë njoftimin brenda afatit ligjor, pavarësisht nga një kohëzgjatje tjetër ose përjashtim me marrëveshje i se drejtës për zgjidhje kontrate, sipas rregullit te përgjithshëm, për te cilën është rene dakord ndërmjet palëve.

2. Ne rast se administratori i falimentimit zgjidh kontratën, pala tjetër mund te kërkojë dëmshpërblim, për shkak te zgjidhjes se parakohshme te kontratës, si kreditor falimentimi.

Neni 96

Pagesa nga kontrata e shërbimit

1. Ne rast se para fillimit te procedurës se falimentimit debitori ka transferuar ose ka hequr dore nga pretendimi për pagesa ne favor te tij, ne baze te një kontrate shërbimi ose ne rast se këto pagesa te ardhshme i kane kaluar me rruge ekzekutimi, ky veprim është i vlefshëm vetëm për pagesat, qe debitori duhej te përfitonte për muajin e hapjes se procedurës.

2. Ne rast se procedura e falimentimit është hapur pas ditës se pesëmbëdhjete te muajit, veprimi i mësipërm mbulon edhe muajin pasardhës.

Neni 97

Mbarimi i mandatit

1. Mandati i caktuar nga debitori dhe qe i referohet masës se falimentimit mbaron me hapjen e procedurës se falimentimit.
2. Nëse mbarimi i këtij mandati mund të shkaktojë dëme, i ngarkuari me mandat vazhdon të kryejë veprimet e caktuara, derisa administratori i falimentimit të këtë mundësinë të kujdeset vetë për këto veprime. Mandati quhet se vazhdon për këtë qëllim. I ngarkuari me mandat mund të pretendojë rimbursim të shpenzimeve të kryera për vazhdimin e punës, si kreditor i masës se falimentimit.
3. Nëse i ngarkuari me mandat nuk ka dijeni për hapjen e procedurës, jo për faj të tij, prezumohet se mandati vazhdon në favor të tij.

Neni 98

Shuarja e mandatit

1. Çdo mandat i dhënë nga debitori për masën e falimentimit shuhet me hapjen e procedurës se falimentimit.
2. Për sa kohë që një mandat ose kontratë administrimi vazhdon, sipas pikës 2 të nenit 97 të këtij ligji, fuqia e lidhur me të vlerësohet se vazhdon në të njëjtën mënyrë.
3. Për sa kohë personi i autorizuar nuk ka dijeni për hapjen e procedurës, jo për faj të tij, ai nuk është përgjegjës, sipas nenit 78 të Kodit Civil.

Neni 99

Pavlefshmëria e marrëveshjeve që bien ndesh me dispozitat e mësipërme

Është e pavlefshme çdo marrëveshje që kundërshton ose kufizon zbatimin e neneve nga 86 deri në 98 të këtij ligji.

KREU III

KUNDERSHTIMI I VEPRIMEVE TË DEBITORIT NË NJE PROCEDURE FALIMENTIMI

Neni 100

Parimi i përgjithshëm

1. Administratori i falimentimit mund të kundërshtojë veprimet e kryera përpara hapjes së procedurës së falimentimit dhe që dëmtojnë kreditorët e falimentimit, sipas neneve 101 deri të neni 115 të këtij ligji.

2. Në rastin e parashikuar në pikën 1, mosveprimi vlerësohet i barasvlerëshëm me veprimin.

Neni 101

Kundërshtimi i njëjtë

1. Çdo veprim që i garanton administratorit të falimentimit një mjet sigurimi ose ripagimi mund të kundërshtohet në rast se:

a) veprimi është kryer brenda 90 ditëve të fundit para kërkesës për hapjen e procedurës falimentimit, nëse në kohën e veprimit debitori ka qene në gjendjen e paaftësisë paguese dhe nëse kreditori në këtë kohë ka pasur dijeni për këtë;

b) veprimi është kryer pas kërkesës për hapjen e procedurës së falimentimit dhe nëse kreditori ka pasur dijeni për paaftësinë paguese të debitorit në kohën e veprimit ose të kërkesës për hapjen e procedurës së falimentimit.

2. Dijenia për rrethanat që çojnë drejtpërdrejt në paaftësi paguese ose drejt një kërkesë për hapjen e procedurës së falimentimit trajtohen në të njëjtën mënyrë si dijenia për paaftësi paguese ose dije për kërkesën për hapjen e procedurës së falimentimit.

3. Personi që ka lidhje të ngushtë me debitorin, në datën e këtij veprimi, sipas nenit 107 të këtij ligji, prezumohet se ka pasur dijeni për paaftësinë paguese ose për kërkesën e hapjes së procedurës së falimentimit.

Neni 102

Kundërshtimi jo i njëjtë

1. Çdo veprim që i garanton administratorit të falimentimit një mjet sigurimi ose ripagimi, ose mundëson përfitimin e mjetit të sigurisë ose të ripagimit pa pasur të drejtën për këtë mjet sigurimi i ripagimi, mund të kundërshtohet në rast se ky veprim është kryer:

a) në muajin e fundit, para kërkesës për hapjen e procedurës së falimentimit ose pas paraqitjes së kësaj kërkesë në seksionin tregtar të gjykatës së rrethit;

b) brenda muajit të dytë ose të tretë para kërkesës për hapjen e procedurës së falimentimit dhe nëse debitori ka qene në gjendjen e paaftësisë paguese në datën e veprimit;

c) brenda muajit të dytë ose të tretë, para kërkesës për hapjen e procedurës së falimentimit nëse debitori në kohën e veprimit ka pasur dijeni që veprimi dëmtonte kreditorët e falimentimit nga kryerja e veprimit në atë datë.

2. Ne zbatim te shkronjës "c" te pikës 1 te këtij neni, njohja e rrethanave qe kane te bëjnë drejtpërdrejt me dëmtimin e kreditorëve te falimentimit vlerësohet e njëjtë me njohjen e dëmtimit kreditorëve te falimentimit. Personi qe ka lidhje te ngushte me debitorin ne kohen e këtij veprimi, si nenit 107 te këtij ligji, prezumohet se kishte dijeni për dëmtimin e kreditorëve te falimentimit.

Neni 103

Veprimet qe dëmtojnë drejtpërdrejt kreditorët e falimentimit

1. Veprimet e debitorit qe dëmtojnë drejtpërdrejt kreditorët e falimentimit mund te kundërshtohen nëse janë kryer:

a) gjate tre muajve te fundit, para kërkesës për hapjen e procedurës se falimentimit, nëse debitori ka qene ne gjendjen e paaftësisë paguese ne kohen e kryerjes se veprimit dhe nëse pala tjetër ne këtë kohe ka pasur dijeni për paaftësinë paguese ose nuk ka pasur dijeni për shkak te pakujdesisë se saj;

b) pas kërkesës për hapjen e procedurës se falimentimit dhe nëse pala tjetër ne kohen e veprimit ka pasur dijeni për paaftësinë paguese ose nuk ka pasur dijeni për shkak te pakujdesisë se saj ose për kërkesën e hapjes se procedurës se falimentimit.

2. Një veprim qe dëmton drejtpërdrejt kreditorët e falimentimit vlerësohet i njëjtë me çdo veprim tjetër te debitorit qe e zhvesh atë nga secila prej te drejtave ose qe pengon te drejtën e debitorit për ngritjen e një pretendimi ne te ardhmen ose qe ka një pretendim pronësie ndaj debitorit ose qe e bën këtë pretendim te ekzekutueshëm ndaj debitorit.

3. Për parashikimet e këtij neni janë te zbatueshme pikat 2 dhe 3 te nenit 101 te këtij ligji.

Neni 104

Dëmtimi i qëllimshëm

1. Çdo veprim i kryer nga debitori gjate dhjete viteve te fundit para kërkesës për hapjen e procedurës falimentimit ose pas paraqitjes se kësaj kërkesë, për dëmtimin e kreditorëve te tij, mund te kundërshtohet nëse pala tjetër ne kohen e veprimit ka pasur dijeni për qëllimin e debitorit. Kjo dijeni prezumohet kur pala tjetër dinte se debitori ka qene ne gjendjen e paaftësisë paguese dhe se veprimi dëmtonte kreditorët.

2. Mund te kundërshtohet çdo kontrate qe përmban detyrime për kryerjen e pagesave, ndërmjet debitorit dhe një te afërmi te tij, sipas kushteve te nenit 107 te këtij ligji nëpërmjet te cilës dëmtohen ne mënyrë te drejtpërdrejtë kreditorët e falimentimit. Kundërshtimi nuk kryhet kur kontrata ose marrëveshja është lidhur dy vjet para kërkesës se hapjes se procedurës ose kur pala tjetër nuk kishte dijeni për qëllimet e debitorit për dëmtimin e kreditorëve ne datën e lidhjes se kontratës.

Neni 105

Kontributet falas

1. Mund të kundërshtohet çdo kontribut falas i dhënë nga debitori, me përjashtim të rastit kur ai është kryer me shume se katër vjet përpara kërkesës për hapjen e procedurës së falimentimit.
2. Nëse kontributi falas përbën një dhuratë të zakonshme të rastit me vlerë të vogël, kjo dhuratë është subjekt i kundërshtimit.

Neni 106

Pagesat me çek dhe me kambiale

1. Për pagesat me kambial, debitori nuk mund të pretendojë rikthimin nga ana e marrësit sipas e nenit 101, të këtij ligji, në rast se dispozitat për kambialet parashikojnë, që marrësi humbet të drejtën e pretendimit për kambialin ndaj mbajtësve të tjerë, tërheqësit, ose kryerësit të tërheqjes së shumës nëse ai nuk pranon pagesën e debitorit.
2. Megjithatë, mbajtësi i fundit duhet të kthejë shumën e paguar me kambiale ose, në rast se ai e ka mbajtur kambialin për llogari të një të treti, ky i fundit duhet ta kthejë shumën nëse mbajtësi i fundit ose pala e treta ka pasur dijeni për paaftësinë paguese të debitorit ose nuk ka pasur dijeni për shkak të pakujdesisë së tij, ose ka pasur dijeni për kërkesën për hapjen e procedurës së falimentimit kur ka mbajtur kambialin ose ia kanë kaluar kambialin. Në këto raste janë të zbatueshme pikat 2 dhe 3 të nenit 101 të këtij ligji.
3. Pikat 1 dhe 2 të këtij neni zbatohen sipas rastit për pagesat e debitorit me çek.

Neni 107

Personat e lidhur me debitorin

1. Nëse debitori është person fizik, persona të lidhur me të janë:
 - a) bashkëshorti ose bashkëshortja e debitorit edhe kur martesë është lidhur vetëm pas kryerjes së veprimit juridik ose është zgjidhur ose anuluar në vitin e fundit përpara veprimit juridik;
 - b) paraardhësit ose pasardhësit e debitorit ose të bashkëshortit, sipas pikës 1 të këtij neni, motra dhe vëllezër me lidhje gjaku dhe të afërt të debitorit dhe të bashkëshortit, sipas pikës 1 të këtij neni dhe bashkëshortët e këtyre personave;
 - c) persona që jetojnë në banesën e debitorit ose kanë jetuar në këtë banesë në vitin e fundit para këtij veprimi.
2. Nëse debitori është person juridik ose shoqëri e thjeshtë, persona të lidhur me debitorin janë:

a) anëtarët e organit përfaqësues ose mbikëqyrës, ortake te përgjithshëm, si dhe personat që zotërojnë me shume se një të katërtën e kapitalit të debitorit;

b) një person ose një shoqëri, të cilët kanë dijeni për gjendjen financiare të debitorit për shkak të lidhjes me kreditorin, që është e krahasueshme me një shoqëri, sipas ligjit për shoqëritë ose për shkak të një kontrate shërbimesh;

c) personi i lidhur me një person të përmendur në pikën 1 të këtij neni. Kjo dispozitë nuk zbatohet nëse personat e përmendur në këtë pikë kanë detyrimin ligjor të ruajtjes së sekretit për punët e debitorit

Neni 108

Llogaritja e afateve kohore para kërkesës për hapjen e procedurës së falimentimit

1. Periudha kohore e përcaktuar në nenet 101 deri 105 të këtij ligji, fillon nga data që i korrespondon sipas numrit datës kur seksioni tregtar i gjykatës së rrethit ka marrë kërkesën për hapjen e procedurës së falimentimit. Në qoftë se një datë e tillë mungon gjatë muajit, afati nis nga data pasardhëse.

2. Në rast se janë marrë disa kërkesa për hapjen e procedurës së falimentimit, vlerësohet e vlefshme kërkesa e parë e pranueshme dhe që paraqet argumente për hapjen e procedurës së falimentimit, edhe sikur procedura të hapet mbi bazën e një kërkesë tjetër. Kur një kërkesë hidhet poshtë dhe vendimi merr formë të prapë, kërkesa merret parasysht vetëm në rast se hidhet poshtë për shkak të mungesës së pasurive të mjaftueshme.

Neni 109

Data e kryerjes së veprimit

1. Një veprim vlerësohet i kryer në datën kur sjell pasojat juridike.

2. Nëse sjellja e pasojave juridike të një veprimi kërkon regjistrim në Regjistrin e Pasurive të Paluajtshme ose në ndonjë regjistër tjetër publik, veprimi vlerësohet i kryer sapo të plotësohen kushtet e tjera, për sjelljen e pasojave të tij juridike, pasi shprehja e qëllimit të debitorit të bëhet e zbatueshme për të dhe pasi pala tjetër të këtë kërkuar regjistrim të këtij veprimi.

3. Plotësimi i kushtit nuk merret parasysht në rastin e një veprimi të kushtëzuar.

Neni 110

Titulli ekzekutiv

Veprimi juridik mund të kundërshtohet edhe sikur pala tjetër të këtë siguruar një titull ekzekutiv ose sikur ky veprim të kryhej me rrugë ekzekutimi.

Neni 111

Veprimet ne te holla

Veprimi juridik i debitorit, me te cilin pasuria e tij ka përfituar ne mënyrë te drejtpërdrejtë nga një kundërvlerë e saj ne te holla, mund te kundërshtohet vetëm sipas kushteve te parashikuara ne pikën 1 te nenit 104 te këtij ligji.

Neni 112

Pasojat ligjore

1. Pasuria e shitur e debitorit, pasuria e transferuar, pasuria e debitorit prej se cilës është hequr dore sipas veprimit te kundërshtuar ose vlere e saj, duhet t'i kthehen masës se falimentimit.
2. Marrësi i një kontributi pa pagese e kthen këtë përfitim vetëm ne masën qe ai është pasuruar prej tij. Ky detyrim nuk zbatohet për rastin kur marrësi ka dijeni ose sipas rrethanave duhet te dije se kontributi pa shpërblim dëmton kreditorët e procedurës se falimentimit.

Neni 113

Pretendimet e palës ne veprimin e kundërshtuar

1. Pretendimi i marrësit te kontributit rivendoset nëse ai kthen pasurinë e marre sipas veprimit te kundërshtuar.
2. Çdo vlere rimburohet nga masa e falimentimit, ne masën qe kjo vlere është ende e dallueshme ndërmjet pasurive qe përbejnë masën e falimentimit ose për te cilën kjo mase është pasuruar prej saj . Marrësi i përfitimit mund te ngrëjë çdo pretendim tjetër vetëm si kreditor falimentimi.

Neni 114

Kundërshtimi ndaj trashëgimtarëve ligjore

1. Çdo veprim i kundërshtuar mund te ekzekutohet ndaj çdo trashëgimtari ligjor për gjithë pasurinë e marre.
2. Veprimi i kundërshtueshëm mund te ekzekutohet ndaj çdo trashëgimtari tjetër ligjor kur e trashëgimtari i se drejtës:
 - a) ka pasur dijeni për rrethanat qe sollën begatimin pa shkak te paraardhësit te tij duke iu nënshtruar e kundërshtimit ne datën e begatimit;

b) ka pasur lidhje me personat e afërt te debitorit sipas nenit 107 te këtij ligji, ne datën e begatimit, përveç rastit kur personi i afërt nuk ka pasur dijeni për rrethanat qe sollën pasurimin e paraardhësit te tij dhe për faktin qe i ishte nënshtruar kundërshtimit ne atë date;

c) ka fituar vlerën me ane te një kalimi falas.

Neni 115

Parashkrimi i pretendimit te kthimit

1. E drejta për kundërshtim te veprimit juridik parashkruhet dy vjet pas fillimit te procedurës se falimentimit.

2. Administratori i falimentimit mund te kundërshtojë përmbushjen e një detyrimi te dale nga një veprim i kundërshtueshëm edhe pasi parashkrimi e bën te pavlefshëm pretendimin e kundërshtimit.

PJESA E KATERT

ADMINISTRIMI DHE DISPONIMI I MASES SE FALIMENTIMIT KREU I

KREUI

SIGURIMI I MASES SE FALIMENTIMIT

Neni 116

Marrja ne zotërim e masës se falimentimit

1. Pas hapjes se procedurës se falimentimit, administratori i falimentimit merr menjëherë ne zotërim dhe administrim te gjithë pasurinë qe formon masën e falimentimit.

2. Administratori kërkon marrjen e pasurive, qe ndodhen ne ruajtje te debitorit me rruge ekzekutimi te vendimit, duke paraqitur një kopje te ekzekutueshme te vendimit te hapjes se procedurës se falimentimit. Seksioni tregtar i gjykatës se rrethit është gjykata përgjegjëse, sipas Kreut IX dhe X te Pjesës se Katërt, Titulli II te Kodit te Procedurës Civile.

Neni 117

Sendet e çmuara

1. Komiteti i kreditorëve mund te vendose për agjencinë dhe kushtet e depozitimit ose te investimit te parave, te letrave me vlere dhe sendeve te çmuara.

2. Seksioni tregtar i gjykatës së rrethit mund të vendosë, kryesisht, në rast se nuk është emëruar komiteti i kreditorëve ose nëse ky komitet nuk ka marrë vendim për këto çështje, sipas pikës 1 të këtij neni.

3. Kur është caktuar komiteti i kreditorëve, administratori i falimentimit ka të drejtë të depozitojë para, letra me vlerë ose sende të çmuara në agjencinë e depozitimit ose të investimit, vetëm në rast se një anëtar i këtij komiteti, së bashku me administratorin, nënshkruajnë faturën. Urdhrat e administratorit të falimentimit për këtë agjenci janë ligjërisht të vlefshme me bashkë nënshkrimin e një anëtari të komitetit të kreditorëve.

4. Mbledhja e kreditorëve, për çështjet e përmendura më sipër, në këtë nen mund të vendosen ndryshe.

Neni 118

Vuloşja

Administratori i falimentimit mund të kërkojë përdorimin e vulës nga përmbartuesi ose një person tjetër i autorizuar për sigurimin e sendeve që i përkasin masës së falimentimit. Administratori e depoziton dokumentin që vërteton vënien ose heqjen e vulave në regjistrin e gjykatës për t'u inspektuar nga palët.

Neni 119

Lista e pasurive të masës së falimentimit

1. Administratori i falimentimit përgatit një inventar të të gjithë pasurisë që përbën masën e falimentimit. Debitori bashkëpunon për hartimin e këtij inventari, kur bashkëpunimi nuk krijon vone të dëmshme për procedurën e falimentimit.

2. Vlera e çdo sendi duhet të jetë e përcaktuar. Në rast se vlera e sendit varet nga fakti nëse veprimtaria e debitorit do të vazhdojë ose do të mbyllet, duhet të paraqiten vlerat përkatëse alternative. Për përcaktimin e vlerës së sendeve, vlerësimi i të cilave paraqet vështirësi, mund të caktohet një specialist.

3. Me kërkesë të arsyetuar të administratorit të falimentimit, seksioni tregtar i gjykatës së rrethit mund të mos kërkojë kryerjen e inventarit. Në rast se është caktuar komiteti i kreditorëve, administratori i falimentimit mund ta paraqesë kërkesën vetëm me miratimin e këtij komiteti.

Neni 120

Lista e kreditorëve

1. Administratori i falimentimit harton listën e të gjithë kreditorëve të debitorit, të cilët janë bërë të njohur nga librat e dokumentet e punës së debitorit, nëpërmjet njoftimit prej debitorit, me kërkesën e tyre ose me ndonjë mënyrë tjetër.

2. Lista e kreditoreve, me te drejte ripagimi te veçante dhe çdo kategorie te rangjeve me te ulëta te kreditoreve te falimentimit duhet te paraqitet e ndare. Për çdo kreditor shënohet adresa, arsyeja dhe shuma e pretendimit te tij. Për kreditorët me te drejte ripagimi te veçante shënohet edhe sendi qe është objekt pretendimi për ripagim te veçante, si dhe shuma e mundshme e mospërmbushjes. Fjalía e dyte e pikës 2 te nenit 119 te këtij ligji zbatohet sipas rastit.

3. Gjithashtu lista duhet te tregojë gjendjen qe mundëson kompensimin e ndërsjellë te pretendime dhe shumën e detyrimeve ndaj masës se falimentimit ne rastin e një shitjeje te shpejte te pasurisë debitorit.

Neni 121

Kontrolli i pasurisë

1. Prej datës se hapjes se procedurës se falimentimit, administratori i falimentimit kryen një kontroll te detajuar ku tregohen sendet e masës se falimentimit dhe detyrimet e debitorit. Për vlerësimin e objekteve zbatohet sipas rastit pika 2 e nenit 119 te këtij ligji.

2. Pas kryerjes se kontrollit te pasurisë, seksioni tregtar i gjykatës se rrethit, me kërkesë te administratorit ose te një kreditori, mund t'i kërkojë debitorit një vërtetim te betuar për paraqitjen e te gjitha pasurive. Nenet 82 dhe 84 te këtij ligji zbatohen sipas rastit.

Neni 122

Depozitimi ne regjistrin e seksionit tregtar te gjykatës se rrethit

Lista me sendet e masës se falimentimit, lista e kreditoreve dhe tabela e pasurisë depozitohen ne regjistrin e seksionit tregtar te gjykatës se rrethit për t'u inspektuar nga palët, jo me vone se një jave mbledhjes se raportimit te palëve.

Neni 123

Mbajtja e llogarive sipas dispozitave tregtare dhe legjislacionit tatimor

1. Detyrimet e debitorit, sipas se drejtës tregtare dhe te legjislacionit tatimor, për mbajtjen e llogarive dhe shlyerjet nuk cenohen. Administratori i falimentimit përcakton detyrimet për masën e falimentimit.

2. Me fillimin e procedurës se falimentimit fillon një vit i ri financiar.

KREU II

VENDIMI PER DISPONIMIN

Neni 124

Mbledhja e raportimit

1. Ne mbledhjen e raportimit, administratori i falimentimit raporton për gjendjen ekonomike të debitorit dhe shkaqet e falimentimit. Ai analizon çdo perspektive të veprimtarisë së debitorit, tërësisht ose pjesërisht, tregon mundësitë e ekzistencës së një plani riorganizimi dhe përshkruan pasojat e secilës prej zgjidhjeve për ripagimin e kreditorëve.

2. Ne mbledhjen e raportimit, debitori, komiteti i kreditorëve dhe organi përfaqësues i punonjësve paraqesin deklaratat e tyre për raportin e administratorit. Nëse debitori është tregtar, artizan ose bujk, mund t'i jepet mundësia për ta shprehur mendimin edhe organit përfaqësues të autorizuar të industrisë, tregtisë, artizanatit ose bujqësisë.

Neni 125

Vendimmarrja për ecurinë e mëtejshme të procedurës

Vendoset gjatë mbledhjes së raportimit të kredive, nëse veprimtaria e debitorit duhet të mbyllet ose të vazhdojë në kushtet e përkohshme. Mbledhja mund të ngarkojë administratorin për përpunimin e planit të riorganizimit duke përcaktuar objektivat e planit. Mbledhja mund të ndryshojë vendimet e veta në mbledhjet e mëvonshme.

Neni 126

Masat e marra para vendimit

1. Nëse administratori synon të mbyllë ndërmarrjen para mbledhjes së raportimit, ai duhet të marrë miratimin e komitetit të kreditorëve kur ai ekziston.

2. Përpara se komiteti i kreditorëve të marrë vendim ose kur komiteti nuk është caktuar administratori duhet të njoftojë debitorin para mbylljes së ndërmarrjes. Seksioni tregtar i gjykatës së rrethit, me kërkesë të debitorit dhe pasi dëgjon administratorin, nuk pranon mbylljen e ndërmarrjeve kur mbyllja mund të pezullohet, deri në mbledhjen e raportimit, pa pakësuar ndjeshëm pasuritë e masës së falimentimit.

Neni 127

Disponimi i pasurive të masës së falimentimit

Pas mbledhjes së raportimit, administratori i falimentimit duhet të likujdojë pa vonesë pasuritë masës së falimentimit, përveç rastit kur diçka e tillë bie ndesh me vendimet e mbledhjes së kreditorëve.

Neni 128

Veprimet veçanërisht të rëndësishme

1. Administratori i falimentimit duhet të marrë miratimin e komitetit të kreditorëve për kryerjen e veprimeve me rëndësi të veçante për procedurën e falimentimit. Në qoftë se nuk është caktuar komiteti i kreditorëve, duhet të merret miratimi i mbledhjes së kreditorëve.

2. Miratimi sipas pikës 1 të këtij neni behet veçanërisht kur:

a) synimi është të shitet veprimtaria, ndërmarrja, mallrat në tërësi, çdo pjesë e një sendi paluajtshëm që shitet privatisht, aksionet ose pjesët e debitorit, një shoqërie tjetër, nëse këto aksione ose pjesë të këtyre aksioneve kanë për qëllim të krijojnë një lidhje të përhershme me ndërmarrjen tjetër ose t'i japin të drejtën e përfitimit të të ardhurave të përsëritshme;

b) veprimi ka për qëllim krijimin e një kontrate huaje, e cila do të rëndonte në mënyrë të ndjeshme masën e falimentimit;

c) ky veprim ka qëllim ngritjen e një padie ose marrjen pjesë në një padi për një vlerë konsiderueshme që është objekt padie, të mos pranojë ngritjen e kësaj padie ose hyrjen në marrëveshjen për një zgjidhje jashtëgjyqësore ose shmangie të padisë.

Neni 129

Ndalimi i përkohshëm i veprimit

Në secilin prej rasteve të parashikuara në nenin 128 të këtij ligji, administratori i falimentimit njofton debitorin përpara marrjes së vendimit të komitetit të kreditorëve ose mbledhjes së kreditorëve kur ky njoftim nuk e vonon procedurën e falimentimit dhe sjell pasoja dëmtuese. Nëse mbledhja e kreditorëve nuk jep miratimin, seksioni tregtar i gjykatës së rrethit, me kërkesë të debitorit ose të një shumice kreditorësh, sipas shkronjës "c" të pikës 1 të nenit 62 të këtij ligji dhe pasi dëgjon administratorin, mund të vendosë ndalimin e përkohshëm të kryerjes së veprimit dhe organizon një mbledhje të kreditorëve e cila vendos për veprimin.

Neni 130

Shitja e shoqërisë personave me interes të veçante

1. Shitja e ndërmarrjes ose fabrikës kryhet me miratimin e mbledhjes së kreditorëve, nëse blerësi a personi që zotëron të paktën një të pestën e kuotave të kapitalit:

a) bën pjesë në personat e lidhur me debitorin, sipas nenit 107 të këtij ligji;

b) është kreditor me të drejtë ripagimi të veçante ose nuk bën pjesë në kreditorët e rangjeve me të ulëta, dhe kur e drejta e ripagimit të veçante ose pretendimeve të marra së bashku vlerësohen nga seksioni tregtar i gjykatës së rrethit se arrijnë një të pestën e vlerës së përgjithshme të të gjitha pretendimeve të me të drejtë ripagimi të veçante dhe të vlerës së pretendimeve të të gjithë kreditorëve të procedurës së falimentimit.

2. Një person mban pjese ose aksione te blerësit, sipas pikës 1 te këtij neni, nëse shoqëria e kontrolluar nga personi ose një i trete mban aksione te shitësit për llogari te personit ose te ndërmarrjes se kontrolluar .

Neni 131

Shitja e ndërmarrjes nen vlere

1. Me kërkesë te debitorit ose te një shumice kreditoresh sipas shkronjës "c" te pikës 1 te nenit 62 dhe pasi dëgjon administratorin e falimentimit, seksioni tregtar i gjykatës se rrethit mund te urdhërojë qe shitja e parashikuar e shoqërisë ose e fabrikës te kryhet me pëlqimin e mbledhjes se kreditorëve, nëse kërkuesi provon ne mënyrë bindëse për gjykatën se shitja te një blerës tjetër do te ishte e favorshme për masën e falimentimit.

2. Nëse pala kërkuese ka kryer shpenzime për kërkesën, ajo kërkon qe, me urdhër te gjykatës, t'i paguhen shpenzimet nga masa e falimentimit.

Neni 132

Vlefshmëria e veprimit

Vlefshmëria e veprimit te administratorit nuk cenohet ne rast te shkeljeve te parashikuara nga neni 128 deri ne nenin 131 te këtij ligji.

KREU III

SENDE QE I NENSHTROHEN TE DREJTES SE RIPAGIMIT TE VEÇANTE

Neni 133

E drejta e disponimit

1. Administratori i falimentimit mund te disponoje pa kufizim një send, i cili i nënshtrohet te drejtës se ripagimit te veçante, ne rast se ai zotëron sendin ose kur sendi është i paluajtshtëm.

2. Administratori i falimentimit mund te marre ose disponoje ne mënyrë tjetër një pretendim qe debitori ka përdorur për sigurimin e një detyrimi.

3. Administratori i falimentimit nuk ushtron përgjegjësitë e parashikuara ne pikat 1 dhe 2 te këtij neni, ne rast se vlera e kolateralit është me e vogël ose e barabarte me vlerën e kredisë se pretenduar nga kreditori i siguruar dhe ajo e shpenzimeve për ekzekutimin e saj, te marra se bashku. Ne këtë rast, administratori i falimentimit vendos lejimin e kreditorit te siguruar për veprimet e tij ne përputhje me parashikimet e nenit 70 te këtij ligji.

Neni 134

Njoftimi i kreditorit

1. Ne qofte se administratori i falimentimit ka te drejtën te disponoje një send, sipas pikës 1 te nenit 133 te këtij ligji, ai njofton për gjendjen e pasurisë kreditorin me te drejte ripagimi te veçante, me kërkesë te këtij te fundit. Ne vend te njoftimit administratori mund t'i lejoje kreditorit inspektimin e sendit.

2. Ne qofte se administratori ka te drejtën e marrjes se një pretendimi, sipas parashikimeve te

pikës 2 te nenit 133 te këtij ligji, ai njofton për pretendimin kreditorin me te drejte ripagimi te veçante me kërkesë te këtij te fundit. Ne vend te njoftimit administratori mund t'i lejoje kreditorit inspektimin e librave te llogarisë dhe te dokumenteve te veprimtarisë se debitorit.

Neni 135

Njoftimi i shitjes se parashikuar

1. Përpara se administratori i falimentimit t'i shesë te tretit një send qe disponon, sipas dispozitave te nenit 133 te këtij ligji, ai njofton kreditorin me te drejte ripagimi te veçante për kryerjen e kësaj shitjeje te parashikuar. Ai i jep kreditorit mundësinë e propozimit te një alternative për shitjen e sendit brenda një jave, nëse kjo shitje mund te jete me e favorshme për kreditorin.

2. Ne qofte se ky njoftim behet, brenda një jave ose brenda një afati kohor te mjaftueshëm, para shitjes, administratori e përdor këtë mundësi ose kompenson kreditorin si ne rastin kur do ta kishte përdorur këtë mundësi.

3. Një mundësi tjetër shitjeje është shitja e sendit vete kreditorit. Vlerësohet e favorshme shitja qe kryhet me me pak shpenzime.

Neni 136

Mbrojtja e kreditorit nga shitja e vonuar

1. Ne rast se nuk është shitur sendi për te cilin, administratori i falimentimit ka te drejtën e disponimit, sipas nenit 133 te këtij ligji, kreditorit i paguhet nga masa e falimentimit interesi i fituar qe nga data e mbledhjes se raportimit. Ne qofte se seksioni tregtar i gjykatës se rrethit ka nxjerre një vendim sipas nenit 21, ku ndalon kreditorin te shesë sendin para hapjes se procedurës se falimentimit, interesat e mbetur paguhen jo me vone se tre muaj pas vendimit te gjykatës: Dy fjalitë e para te kësaj pike nuk zbatohen për sa kohe shuma e pretendimeve te kreditorit, vlera dhe detyrimet e tjera, me te cilat është i ngarkuar sendi, nuk mund te mbulohen nga e ardhura e marre prej shitjes për ripagimin e kreditoreve .

2. Pas përfundimit te afatit te përmendur ne piken 1 te këtij neni, kreditoret e siguruar mund t'i kërkojnë seksionit tregtar te gjykatës se rrethit heqjen e kufizimeve te parashikuara nga neni 133 i këtij ligji. Seksioni tregtar i gjykatës se rrethit duhet te japë miratimin pasi njofton dhe dëgjon

administratorin e falimentimit, me përjashtim të rastit kur ky i fundit paraqet prova të mjaftueshme se kolaterali është i nevojshëm si pjesë e veprimtarisë ose e objektit ku kryhet kjo veprimtari.

3. Në çdo kohë, brenda afatit të përmendur në pikën 1 të këtij neni, gjykata duhet të heqë kufizimet e përmendura në nenin 133 të këtij ligji dhe të urdhërojë masa të tjera sigurimi, nëse kreditorët e siguruar provojnë në mënyrë të mjaftueshme se administratori i falimentimit nuk e mbron në mënyrë të duhur kolateralin ose kolaterali po pëson humbje në vlerë.

Neni 137

Shpërndarja e të ardhurave

1. Në rastin e shitjes së një sendi ose të pretendimeve nga administratori i falimentimit, shpenzimet e përcaktimit dhe shpenzimet e shitjes së sendit i zbriten që me parë masës së falimentimit. Shuma e mbetur përdoret për ripagimin e kreditorëve, me të drejtë ripagimi të veçantë.

2. Në qoftë se administratori i falimentimit i kalon kreditorit një send mbi të cilin ka të drejtë të shitjes, sipas nenit 133 të këtij ligji, kreditori parapaguan një shumë, e cila mbulon shpenzimet e përcaktimit duke përdorur të ardhurat që ka fituar.

Neni 138

Llogaritja e kontributit ndaj shpenzimeve

1. Shpenzimet e përcaktimit përfshijnë shpenzimet e identifikimit konkret të sendit dhe ato të përcaktimit të të drejtave me të cilat është i renduar ky objekt. Kjo pjesë e shpenzimeve të përgjithshme të procedurës llogaritet si shumë e fiksuar në katër për qind të të ardhurave.

2. Vlerësohen shpenzime mbajtjeje vetëm shpenzimet që janë kryer faktikisht nga masa e falimentimit dhe që ishin të nevojshme për mbajtjen e sendit ose për përmirësimin e nevojshëm në interes të kreditorëve me të drejtë ripagimi të veçantë.

Neni 139

Përdorimet e tjera të sendeve

1. Administratori i falimentimit mund të përdorë për masën e falimentimit një send mbi të cilin ka të drejtë disponimi, kur humbja e vlerës së shkaktuar nga ky përdorim kompensohet me pagesat që u bëhen kreditorëve me hapjen e procedurës së falimentimit. Ky detyrim për pagesa kompensuese ekziston vetëm në masën në të cilën humbja e vlerës nga përdorimi cenon sigurimin e kreditorit me të drejtë ripagimi të veçantë.

2. Administratori ka të drejtë të bashkojë, përpunojë dhe përziejë sendin me pasuri të tjera me kusht që ky ndryshim i gjendjes së sendit të mos cenojë sigurimin e kreditorit me të drejtë

ripagimi te veçante. Ne qofte se e drejta e kreditorit kalon mbi një send tjetër, kreditori ia kalon këtë te drejte te re sigurimi administratorit qe vlera e saj te tejkaloje vlerën e mëparshme.

3. Pikat 1 dhe 2 te këtij neni nuk janë te zbatueshme për kolateralin e barrëdhenesit.

Neni 140

Disponimi nga kreditori

1. Nëse administratori i falimentimit nuk ka te drejtën e disponimit te një sendi te luajtshëm ose pretendimi qe i nënshtrohet te drejtës se ripagimit te veçante, e drejta e kreditorit për disponimin e sendit nuk cenohet.

2. Me kërkesë te administratorit dhe pasi dëgjon kreditorin, seksioni tregtar i gjykatës së rrethit mund te caktojë një afat kohor brenda te cilit kreditori duhet ta shesë sendin. Pas mbarimit të këtij afati administratori ka te drejtën e disponimit te sendit.

PJESA E PESTE

RIPAGIMI I KREDITOREVE TE FALIMENTIMIT

NDERPRERJA E PROCEDURES

KREU I

Neni 141

Depozitimi i pretendimeve

1. Kreditoret e falimentimit duhet t'ia paraqesin me shkrim pretendimet e tyre administratorit te falimentimit. Njoftimit duhet t'i bashkëlidhet një kopje e dokumenteve qe provojnë pretendimin.

2. Kërkesa duhet te përfshijë arsyen, shumën e pretendimit, si dhe te përmendë radhën, sipas nenit 605 te Kodit Civil.

3. Kreditoret e rangjeve me te ulëta paraqesin pretendimin e tyre vetëm nëse seksioni tregtar i gjykatës se rrethit e kërkon posaçërisht këtë gjë.

Neni 142

Tabela

Administratori i falimentimit regjistron te gjitha pretendimet me te dhënat, sipas pikës 2 te nenit 141 te këtij ligji. Tabela e pretendimeve depozitohet ne zyrën e gjykatës bashke me aplikimet dhe vërtetimet e bashkëlidhura për inspektimin e bere nga palët brenda një periudhe kohore sa

një e treta e kohës ndërmjet ditës së fundit të afatit të depozitimit dhe mbledhjes për verifikimin e pretendimeve.

Neni 143

Procedimi i mbledhjes së verifikimit

Ne mbledhjen e verifikimit shqyrtohen pretendimet e paraqitura për shumën dhe statusin e tyre. Pretendimet që kundërshtohen nga administratori i falimentimit, debitori ose nga një kreditor falimentimi u nënshtrohen një diskutimi të hollësishëm e të veçantë.

Neni 144

Depozitimet e vonuara

1. Gjate mbledhjes së verifikimit shqyrtohen edhe pretendimet e paraqitura pas përfundimit të afatit për depozitim. Në qoftë se verifikimi i këtyre pretendimeve kundërshtohet nga administratori falimentimit ose një kreditor falimentimi, ose në qoftë se pretendimi depozitohet pas mbledhjes së verifikimit, seksioni tregtar i gjykatës së rrethit, me shpenzimet e të vonuarit, cakton një mbledhje të posaçme verifikimi ose urdhëron verifikimin në procedurë me shkrim. Për ndryshime të mëvonshme të pretendimeve të depozituara zbatohen, sipas rastit, dy fjalitë e para të kësaj pike.

2. Afati i mbledhjes së posaçme të verifikimit behet i njohur publikisht. Kreditoret e falimentimit, që kanë depozituar pretendimet, administratori i falimentimit dhe debitori duhet të marrin njoftim individual për thirrjen e kësaj mbledhjeje.

Neni 145

Kushtet dhe pasojat e vërtetimit të pretendimeve

1. Një pretendim vlerësohet i vërtetuar nëse në mbledhjen e verifikimit ose gjatë procedurës me shkrim nuk është kundërshtuar nga administratori i falimentimit ose nga kreditoret e falimentimit, sipas nenit 144 të këtij ligji, ose kur është hedhur poshtë ndonjë kundërshtim i paraqitur. Kundërshtimi i debitorit nuk pengon vërtetimin e pretendimit.

2. Për çdo pretendim të depozituar, seksioni tregtar i gjykatës së rrethit shënon në tabele në çfarë mase është vërtetuar shuma dhe statusi, ose cila prej palëve ka kundërshtuar vërtetimin. Në tabele regjistrohen edhe kundërshtimet e debitorit. Nëpunësi i regjistrimit të gjykatës shënon vërtetimin në kambiale dhe instrumente të tjera borxhi.

3. Për pretendimet e vërtetuara për shumën dhe statusin e tyre, regjistrimi në tabele ka pasojën juridike të një vendimi të formës së prerë për administratorin e falimentimit dhe për të gjithë kreditoret e falimentimit.

Neni 146

Kërkesat e kundërshtuara

1. Ne qofte se një kërkesë është kundërshtuar nga administratori i falimentimit ose nga një kreditor falimentimi, kreditori duhet të fillojë procedurën për vërtetimin e këtij pretendimi ndaj pale

FAQJA 990

Neni 151

Lista e shpërndarjes

Para çdo shpërndarjeje, administratori i falimentimit harton një liste të pretendimeve që përfitojnë nga shpërndarja. Lista depozitohet pranë regjistratit të gjykatës për t'u inspektuar nga palët. Administratori i falimentimit shpall publikisht shumën e përgjithshme të pretendimeve dhe shumën e disponueshme për shpërndarje në masën e falimentimit.

Neni 152

Fondet e mbajtura për të ripaguar pretendimet e kundërshtuara

1. Një kreditor falimentimi, pretendimi i të cilit nuk është vërtetuar dhe nuk është bazuar në një titull ekzekutiv ose vendim të formës së prerë, duhet t'i provojë administratorit në mënyrë bindëse, jo me vone se dy javë pas shpalljes publike të administratorit, se për çfarë shume është bërë padia e vërtetimit të pretendimit ose ka vazhduar padinë e ngritur me pare.

2. Ne qofte se kreditori ia vërteton këto fakte administratorit në mënyrë bindëse dhe në kohën e duhur, pjesa që i përgjigjet shumës së pretendimit mbahet gjatë shpërndarjes për gjithë kohëzgjatjen e procesit të padisë.

3. Ne qofte se kreditori nuk ia vërteton këto fakte administratorit, në mënyrë bindëse dhe në kohën e duhur, pretendimi nuk merret parasysh gjatë shpërndarjes.

Neni 153

Fondet e mbajtura për të ripaguar kreditorët me të drejtë ripagimi të veçante

1. Një kreditor me të drejtë ripagimi të veçante duhet t'i provojë administratorit të falimentimit në mënyrë bindëse, jo me vone se afati i parashikuar në pikën 1 të nenit 152 të këtij ligji, se për çfarë shume ka hequr dorë nga e drejta e ripagimit të veçante ose për çfarë shume nuk është shlyer ripagimi i veçante. Ne qofte se kreditori nuk ia vërteton këto fakte administratorit, në mënyrë bindëse në kohën e duhur, pretendimi nuk merret parasysh gjatë shpërndarjes.

2. Kreditori quhet se ka përmbushur detyrimin e përmendur në pikën 1 të këtij neni për të marrë pjesën në shpërndarjen e pare, nëse ai i provon administratorit të falimentimit, në mënyrë bindëse dhe jo me vone se periudha kohore e përcaktuar, që shitja e sendit që i nënshtrohet të drejtës së

ripagimit ti veçante ka filluar dhe cila pjese e shumës se pretendimit te tij mbetet e pashlyer. Ne këtë rast, pjesa qe i përgjigjet pretendimit te tij mbahet gjate shpërndarjes. Ne qofte se kushtet e pikës 1 te këtij neni nuk janë plotësuar, pjesa e rezervuar zhblokohet ne shpërndarjen përfundimtare dhe lejohet te përdoret gjate kësaj shpërndarjeje.

3. Ne qofte se te drejtën e disponimit te sendit, qe i nënshtrohet se drejtës për ripagim te veçante e ka vetëm administratori i falimentimit, pikat 1 dhe 2 te këtij neni nuk zbatohen. Gjate shpërndarjes se pare, administratori qe nuk ka shitur ende sendin duhet te vlerësojë çfarë humbje ka pësuar kreditori dhe te mbaje pjesën qe shërben për te shlyer këtë shume.

Neni 154

Fondet e mbajtura për ripagimin e pretendimeve me kusht

1. Pretendimi me kusht merret parasysh ne vlerën e tij te plote gjate shpërndarjes se pare. Pjesa qe i përgjigjet pretendimit nuk paguhet gjate shpërndarjes dhe ruhet.

2. Pretendimi me kusht nuk merret parasysh gjate shpërndarjes se fundit, nëse mundësia e plotësimit te kushtit është aq e largët saqë pretendimi humbet vlerën ne kohen e shpërndarjes. Ne këtë rast, pjesa e mbajtur, sipas fjalisë se dyte te pikës 1 te këtij neni, shpërndahet gjate shpërndarjes se fundit.

Neni 155

Ripagimi i mëvonshëm

Kreditorët, pretendimet e te cilëve nuk janë marre parasysh gjate një shpërndarjeje te pare dhe qe plotësojnë kushtet e neneve 152 dhe 153 te këtij ligji, marrin nga masa e falimentimit një shume qe i ve ne kushte te barabarta me kreditorët e pare. Kjo shume merret gjate shpërndarjes ne një date te mëvonshme.

Neni 156

Ndryshimi i listës se shpërndarjes

Administratori i falimentimit shton ne listën e shpërndarjes çdo ndryshim sipas neneve 152 deri 154 të këtij ligji, brenda tri ditësh nga mbarimi i afatit te përjashtimit te parashikuar ne piken 1 te nenit 152 këtij ligji.

Neni 157

Vërejtjet ndaj listës se shpërndarjes

1. Gjate shpërndarjes se pare, një kreditor i paraqet seksionit tregtar te gjykatës se rrethit vërejtjet 1 ndaj listës, brenda një jave pas mbarimit te afatit te parashikuar ne piken 1 te nenit 152 te këtij ligji.

2. Çdo vendim i gjykatës që hedh poshtë këtë vërejtje duhet t'u dërgohet kreditorit dhe administratorit të falimentimit. Kreditori ka të drejtën e ankimit të veçante ndaj këtij vendimi.

3. Vendimi i gjykatës që urdhëron një ndryshim në liste, u njoftohet kreditorit dhe administratorit dhe depozitohet në regjistrin e gjykatës për t'u inspektuar nga palët. Administratori dhe kreditorët e falimentimit kanë të drejtën e ankimit të veçante ndaj vendimit. Afati i ankimit fillon nga data kur vendimi është depozituar në regjistrin e gjykatës.

Neni 159

Shpërndarja e fundit

1. Shpërndarja e fundit behet sapo të përfundojë shitja e masës së falimentimit.
2. Shpërndarja e fundit behet vetëm me miratimin e seksionit tregtar të gjykatës së rrethit

Neni 160

Mbledhja përfundimtare

1. Kur jep pëlqimin për shpërndarjen përfundimtare, seksioni tregtar i gjykatës së rrethit përcakton edhe afatin për një mbledhje përfundimtare të kreditorëve. Gjate mbledhjes:

- a) diskutohen llogaritë e paraqitura nga administratori i falimentimit;
- b) paraqiten vërejtje ndaj listës përfundimtare;
- c) vendosin për sendet që janë pjesë e masës së falimentimit dhe të papërshtatshme për shitje.

2. Periudha kohore ndërmjet shpalljes së datës së mbledhjes dhe mbledhjes nuk mund të jete më pak se tri javë dhe jo më shumë se një muaj .

3. Për vendimet e gjykatës për vërejtjet e një kreditori zbatohen, sipas rastit, parashikimet e pikave 2 dhe 3 të nenit 157 të këtij ligji.

Neni 161

Depozitimi i shumave të mbajtura

Shumat që janë mbajtur gjatë shpërndarjes përfundimtare depozitohen pranë një agjencie të përshtatshme, me miratimin e seksionit tregtar të gjykatës së rrethit, për llogari të palëve pjesëmarrëse.

Neni 162

Tepërcat pas shpërndarjes përfundimtare

Ne qofte se pretendimet e te gjithë kreditoreve te procedurës se falimentimit mund te ripaguhen gjate shpërndarjes se fundit, administratori i falimentimit ia kalon tepricën debitorit. Kur debitori nuk është person fizik, administratori ia ndan pjesën e tepricës çdo personi qe mban pjese te kapitaleve te debitorit, gjate një procedure likuidimi jashtë procedurës se falimentimit.

Neni 163

Përfundimi i procedurës se falimentimit

1. Sapo te jete kryer shpërndarja përfundimtare, seksioni tregtar i gjykatës se rrethit bën mbylljen e procedurës se falimentimit.
2. Vendimi dhe shkaku i mbylljes shpallen publikisht.

Neni 164

Te drejtat e kreditoreve te falimentimit pas mbylljes se procedurës se falimentimit

1. Pas mbylljes se procedurës se falimentimit, kreditoret e falimentimit mund te kërkojnë pa kufizim plotësimin e pretendimeve te mbetura ndaj debitorit.
2. Kreditoret e falimentimit, qe kane ngritur pretendime te vërtetuara, te cilat nuk janë kundërshtuar nga debitori gjate mbledhjes se verifikimit, mund te përmbushin këto pretendime ndaj debitorit me rruge ekzekutimi ligjor, duke u bazuar ne regjistrimin ne tabele, qe ka te njëjtën vlere si një vendin ekzekutueshëm. Pretendimi i pakundershtuar barazohet me një pretendim ndaj te cilit kundërshtimi është hedhur poshtë.
3. Dispozitat për shkarkimin nga detyrimet e mbetura nuk cenohen.

Neni 165

Përgjegjësitë e veprimeve për ekzekutimin ndaj debitorit

Gjykata e rrethit, ku është hapur ose kërkon te hapet procedura e falimentimit, vlerësohet gjykata përgjegjëse, sipas dispozitave te Kodit te Procedurës Civile, për vendimet e nevojshme për t'u ekzekutuar ndaj debitorit pas mbylljes se procedurës se falimentimit.

Neni 166

Vendimi i gjykatës për shpërndarje te vonuar

1. Me kërkesë te administratorit te falimentimit ose te një kreditori falimentimi, seksioni tregtar i gjykatës se rrethit urdhëron një shpërndarje te vonuar kur:
 - a) zhblllokohen për shpërndarje fonde te mbajtura;

b) kthehen shumat qe janë paguar nga masa e falimentimit;

c) identifikohen, pas mbledhjes përfundimtare, sende te masës se falimentimit.

2. Mbyllja e procedurës se falimentimit nuk pengon vendimin e gjykatës për kryerjen e shpërndarjes se vonuar.

3. Seksioni tregtar i gjykatës se rrethit duke pasur parasysh vlerën e larte ose te ulet te shumës ose te sendit dhe shpenzimet e një shpërndarjeje te vonuar, nëse e sheh te arsyeshme mund te heqë dore nga vendimi dhe t'i kaloje debitorit shumën e disponueshme ose sendin e identifikuar. Vendimi mund te kushtëzohet nga parapagimi i një shume te paracaktuar për mbulimin e shpenzimeve te shpërndarjes se mëvonshme.

Neni 167

Ankimi

1. Vendimi i gjykatës, qe refuzon shpërndarjen e vonuar, i dërgohet palës kërkuese. Pala kërkuese mund te paraqesë ankim te veçante ndaj vendimit.

2. Vendimi i gjykatës, qe urdhëron një shpërndarje te vonuar u dorëzohet administratorit te falimentimit, debitorit dhe kreditorit qe kane bere kërkesën për shpërndarje te vonuar. Debitori ka te drejtën e ankimit te veçante ndaj vendimit.

Neni 168

Kryerja e shpërndarjes se mëvonshme

Me dhënien e vendimit për shpërndarje te mëvonshme, administratori i falimentimit shpërndan shumën e vene ne dispozicion ose te ardhurat e marra nga shitja e sendit te identifikuar ne baze te listës përfundimtare. Ai i jep llogari për këtë shpërndarje seksionit tregtar te gjykatës se rrethit.

Neni 169

Përfundimi i kreditorëve te masës se falimentimit

1. Kreditorët e masës se falimentimit, pretendimet e te cilëve i janë bere te njohura administratorit, përfundohen vetëm:

a) pas caktimit te pjesës gjate shpërndarjes se pare;

b) pas mbledhjes përfundimtare gjate shpërndarjes se fundit;

c) pas shpalljes nëse vendoset shpërndarje e vonuar. Kreditorët mund te pretendojnë ripagimin vetëm nga fondet e mbetura ne masën e falimentimit.

KREU III

NDERPRERJA E PROCEDURES

Neni 170

Ndërprerja për mungese të pasurive në masën e falimentimit

1. Në qoftë se pas fillimit të procedurës së falimentimit rezulton se masa e falimentimit nuk mjafton për mbulimin e shpenzimeve të procedurës, seksioni tregtar i gjykatës së rrethit e ndërpret procedurën. Ndërprerja nuk behet kur parapaguhet një shumë e mjaftueshme.
2. Përpara vendimit për ndërprerje të procedurës së falimentimit dëgjohet mbledhja e kreditorëve, administratori dhe kreditorët e masës së falimentimit.
3. Administratori përdor çdo shumë në të holla, që gjendet në masën e falimentimit, për shlyerjen e shpenzimeve të procedurës. Nëse pari, paguhet shpenzimet në përpjesëtim me shumën përkatëse para ndërprerjes së procedurës. Administratori nuk mban përgjegjësi të mëtejshme për disponimin e sendeve të masës së falimentimit.

Neni 171

Njoftimi për pasuri të pamjaftueshme të masës së falimentimit

1. Nëse mbulohen shpenzimet e procedurës së falimentimit, por pasuritë nuk mjaftojnë për të përmbushur detyrime të tjera, të maturuara, të masës së falimentimit, administratori i falimentimit njofton seksionin tregtar të gjykatës së rrethit për pamjaftueshmërinë e pasurive. E njëjta gjë vlen kur pasuritë parashikohen të jenë të pamjaftueshme për plotësimin e detyrimeve të tjera ekzistuese të masës së falimentimit në datën e maturimit.
2. Gjykata shpall publikisht njoftimin për pamjaftueshmëri të pasurive në masën e falimentimit. Njoftimi u behet individualisht kreditorëve të masës së falimentimit.
3. Detyra e administratorit për administrimin dhe përdorimin e pasurive të masës së falimentimit vazhdon edhe pas njoftimit për pamjaftueshmërinë e pasurive.

Neni 172

Ripagimi i kreditorëve të masës së falimentimit

1. Administratori i falimentimit duhet të ripaguajë detyrimet e masës së falimentimit sipas radhës së mëposhtme. Detyrimet e rangut të njëjtë paguhet sipas raportit të shumave:

a) shpenzime të procedurës së falimentimit;

b) detyrime te masës se falimentimit për procedurën e falimentimit, te cilat janë bere ligjërisht te kërkueshme pas njoftimit për pamjaftueshmërinë e pasurive, por qe nuk bëjnë pjese ne shpenzimet e procedurës;

c) detyrime te tjera te masës se falimentimit ku përfshihen ne fund edhe shpenzimet për jetese sipas neneve 84 dhe 85, fjalia e trete, pika 1 te këtij ligji.

2. Vlerësohen si detyrime te masës se falimentimit sipas shkronjës "b" te pikës 1 te këtij neni: a) detyrimet sipas një kontrate te ndërsjellë, te cilën administratori ka zgjedhur ta zbatoje pas

njoftimit për pamjaftueshmërinë e pasurive te masës se falimentimit;

b) detyrimet sipas një kontrate te ndashme për periudhën kohore pas datës se pare kur administratori mund ta përfundonte këtë kontrate pas njoftimit për pamjaftueshmërinë e pasurive te masës se falimentimit;

c) sipas një kontrate periodike, nëse administratori ka pretenduar vlerën ne favor te masës se falimentimit pas njoftimit për pamjaftueshmërinë e pasurive.

Neni 173

Ndalimi i ekzekutimit

Është i palejueshëm ekzekutimi i një detyrimi te masës se falimentimit sipas shkronjës "c" te pikës 1 te nenit 172 pasi administratori i falimentimit ka njoftuar për pamjaftueshmërinë e pasurive ne masën e falimentimit.

Neni 174

Ndërprerja pas njoftimit për pamjaftueshmërinë e pasurive ne masën e falimentimit

1. Seksioni tregtar i gjykatës se rrethit ndërpret procedurën e falimentimit pasi administratori i falimentimit ta këtë shpërndarë masën e falimentimit sipas nenit 172 te këtij ligji. Administratori paraqet llogari te veçanta për veprimtarinë e vet pas njoftimit për pamjaftueshmërinë e pasurive ne masën e falimentimit.

2. Ne qofte se pas ndërprerjes se procedurës gjenden sende qe formojnë pjese te masës se falimentimit, seksioni tregtar i gjykatës se rrethit, me kërkese te administratorit ose te një kreditori te masës, urdhëron shpërndarje te vonuar. Nenet 166 pika 3, 167 dhe 168 te këtij ligji zbatohen sipas rastit.

Neni 175

Ndërprerja për shkak te zhdukjes se mëvonshme te shkakut për hapjen e procedurës se falimentimit

Me kërkesë të debitorit, procedura e falimentimit ndërpritet kur ai është në gjendje të sigurojë gjykatën se pas ndërprerjes nuk do të jete me të kërcënuar nga gjendja e paaftësisë paguese ose falimentimi në rast se procedura e falimentimit është hapur për shkak të paftësisë paguese. Një kërkesë e tillë pranohet nëse debitori tregon në gjykatë, në mënyrë bindëse, se nuk ka shkak për hapjen e procedurës së falimentimit.

Neni 176

Ndërprerja me miratimin e kreditorëve

1. Procedura e falimentimit ndërpritet me kërkesën e debitorit, kur ky, pasi përfundon periudha e njoftimit, paraqet një deklaratë miratimi të të gjithë kreditorëve të falimentimit, që kanë depozituar pretendime për ndërprerjen e kësaj procedure. Seksioni tregtar i gjykatës së rrethit, sipas diskrecionit të saj, vendos për kreditorët, kërkesat e të cilëve janë kundërshtuar nga debitori ose administratori i falimentimit dhe për kreditorët me të drejtë ripagimi të veçante, lidhur me kërkesat e miratimit të kreditorëve ose të mjeteve të sigurisë që ata duhet të paraqesin.

2. Procedura e falimentimit mund të ndërpritet me kërkesën e debitorit edhe përpara mbarimit të afatit të depozitimit nëse gjykata nuk njeh kreditorë të tjerë përveç kreditorëve për të cilët debitori ka paraqitur deklaratat e miratimit prej tyre.

Neni 177

Procedura e ndërprerjes

1. Kërkesa për ndërprerjen e procedurës së falimentimit sipas neneve 175 ose 176 të këtij ligji duhet të shpallet publikisht. Ajo depozitohet në regjistrin e gjykatës për inspektim të palëve. Në rastin e parashikuar në nenin 179 kërkesa shoqërohet edhe nga deklaratat e miratimit të kreditorëve. Brenda një jave pas shpalljes publike, kreditorët e falimentimit kanë mundësinë të kundërshtojnë me shkrim këtë kërkesë ose të regjistrojnë kundërshtimin në protokollin e regjistrit të gjykatës.

2. Para se të vendose për ndërprerjen e procedurës së falimentimit, seksioni tregtar i gjykatës së rrethit dëgjon palën kërkuese, administratorin e falimentimit dhe komitetin e kreditorëve, kur një i tillë është caktuar. Në rastin e kundërshtimit prej një kreditori, dëgjohej edhe kreditori i kundërshtuar .

3. Përpara ndërprerjes, administratori paguan detyrimet e pakundërshtuara të masës së falimentimit dhe jep mjete sigurie për pretendimet e kundërshtuara.

Neni 178

Shpallja publikisht dhe pasojat ligjore të ndërprerjes

1. Vendimi për ndërprerjen e procedurës së falimentimit sipas neneve 170, 174, 175 dhe 176 të këtij ligji, dhe shkakun për këtë ndërprerje shpallen publikisht. Debitori, administratori i

falimentimit dhe anëtarët e komitetit të kreditorëve njoftohen me parë për datën e hyrjes në fuqi të ndërprerjes.

2. Me ndërprerjen e procedurës së falimentimit debitori rifiton të drejtën të disponojë lirisht për pasuritë e masës së falimentimit. Nenet 164 dhe 165 të këtij ligji zbatohen sipas rastit.

Neni 179

Ankimi

1. Në qoftë se procedura e falimentimit ndërpritet, sipas neneve 170, 175 dhe 176 të këtij ligji, çdo kreditor falimentimi ka të drejtën e ankimit të veçante. Debitori mund të paraqesë ankim të veçante nëse procedura e falimentimit është ndërprerë, sipas neni 170 të këtij ligji.

2. Debitori ka të drejtën e ankimit të veçante kundër vendimit të gjykatës, që refuzon kërkesën sipas neneve 175 dhe 176 të këtij ligji.

PJESA E GJASHTE

PLANI I RIORGANIZIMIT

KREU I

HARTIMI I PLANIT TË RIORGANIZIMIT

Neni 180

Politika e planit

Ripagimi i kreditorëve me të drejtë ripagimi të veçante dhe i kreditorëve të falimentimit, disponimi i pasurive të masës së falimentimit dhe shpërndarja e tyre të palët, si dhe përgjegjësia e debitorit që shtrihet edhe pas përfundimit të procedurës së falimentimit mund të rregullohen me një plan riorganizimi, që ndryshon nga parashikimet e këtij ligji.

Neni 181

Paraqitja e planit të riorganizimit

1. Të drejtën për paraqitjen e një plani riorganizimi përpara seksionit tregtar të gjykatës së rrethit e kanë administratori i falimentimit dhe debitori. Paraqitja e këtij plani nga debitori mund t'i bashkohet kërkesës për fillimin e procedurës së falimentimit. Plani i paraqitur në gjykatë pas mbledhjes përfundimtare të kreditorëve nuk merret parasysh.

2. Në qoftë se mbledhja e kreditorëve i ka ngarkuar administratorit hartimin e një plani falimentimi, administratori ia paraqet planin gjykatës brenda një afati kohor të arsyeshëm.

3. Gjate hartimit te planit nga administratori, paraqesin komente komiteti i kreditoreve, kur ka një te tille, si dhe organi përfaqësues i punonjësve dhe debitori, si këshilltarë.

Neni 182

Hollësitë e planit

Plani i riorganizimit përbëhet nga pjesa paraqitëse dhe analiza e hollësishme. Këtyre u shtohen edhe shtojcat e përmendura ne nenet 229 dhe 230 te këtij ligji.

Neni 183

Pjesa paraqitëse

1. Ne pjesën paraqitëse te planit te riorganizimit përshkruhen masat e marra pas fillimit te procedurës se falimentimit, për te krijuar bazat për tjetërsimin e te drejtave te palëve te përfshira.
2. Pjesa paraqitëse duhet te përmbajë te gjitha te dhënat e tjera, si dhe pasojat e planit, te cilat janë te rëndësishme për vendimin e kreditoreve për ta pranuar planin, si dhe për miratimin e tij nga gjykata.

Neni 184

Pjesa arsyetuese

Ne pjesën arsyetuese te planit te riorganizimit përcaktohet si do te tjetërsohen, nëpërmjet planit, te drejtat e palëve te përfshira.

Neni 185

Krijimi i grupeve

1. Gjate përcaktimit te te drejtave te pjesëmarrësve ne planin e riorganizimit formohen grupe kreditoresh, me te drejta dhe interesa te ndryshëm ekonomike. Duhet te behet dallim ndërmjet:

a) kreditoreve me te drejte ripagimi te veçante, nëse te drejtat e tyre preken nga plani;

b) secilit rang te kreditoreve te falimentimit;

c) secilit rang te kreditoreve te rangjeve me te ulëta, përveç rastit kur pretendimet e tyre nuk merren parasysh, sipas nenit 225 te këtij ligji.

2. Kreditoret me te drejta te barabarta mund te formojnë grupe, ku përmbliidhen kreditore me interesa te njëjtë ekonomike. Grupet duhet te ndahen nga njeri-tjetri ne mënyrë te duhur. Kriteret e ndarjes paraqiten ne plan.

Neni 186

Te drejtat e kreditoreve me te drejte ripagimi te veçante

1. Kur ne planin e riorganizimit nuk është përcaktuar ndryshe, plani nuk cenon te drejtën e kreditoreve me te drejte ripagimi te veçante, detyrimi i te cilëve shlyhet prej sendeve qe u nënshtrohen te drejtës se ripagimit te veçante.
2. Nëse ne plan vendoset një rregullim i ndryshëm për kreditorët me te drejte ripagimi te veçante, pjesa analizuese e planit tregon masën ne te cilën pakësohen pretendimet e tyre, jepet me hollësi periudha e shtyrjes se pretendimeve ose parashikohen rregullime te tjera, te cilave duhet t'u nënshtrohen këta kreditorë.

Neni 187

Te drejtat e kreditoreve te falimentimit

Pjesa analizuese e planit te falimentimit tregon sasinë ne te cilën është zvogëluar pretendimi i kreditorëve te falimentimit, jepet me hollësi periudha e shtyrjes se pretendimeve, shpallen mjetet e sigurimit për ta ose parashikohen rregullime te tjera, te cilave duhet t'u nënshtrohen këta kreditorë.

Neni 188

Te drejtat e kreditoreve te rangjeve me te ulëta

1. Pretendimet e kreditorëve te rangjeve me te ulëta vlerësohen te përjashtuara, kur ne planin e riorganizimit nuk përcaktohet ndryshe.
2. Nëse plani i riorganizimit vendos ndryshe, ne pjesën e analizës duhet te jepen te dhënat e përshkruara ne nenin 187 te këtij ligji, për çdo grup te kreditorëve te rangjeve me te ulëta.
3. Planin e riorganizimit nuk përjashton ose kufizon përgjegjësinë e debitorit për pagesa e detyrime te natyrës civile ose penale, sipas shkronjës "c" te pikës 1 te nenit 42 te këtij ligji, qe shtrihet edhe pas përfundimit te procedurës se falimentimit.

Neni 189

Trajtimi i barabarte i te gjithë pjesëmarrësve

1. Te gjitha palët brenda grupit kane te drejta te barabarta.
2. Trajtimi i ndryshëm i pjesëtarëve te një grupi lejohet vetëm me miratimin e te gjithë pjesëtarëve. Ne këtë rast planin e riorganizimit duhet t'i shtohet deklarata miratuese e secilës prej palëve.

3. Është e pavlefshme çdo marrëveshje e arritur midis administratorit të falimentimit, debitorit ose e personave të tjerë dhe pjesëtarëve të veçante, nëpërmjet se cilës parashikohen përfitime të paparashikuara në plan për shkak të pranisë së këtyre palëve në një votim, ose në përgjithësi, në lidhje me procedurën e falimentimit.

Neni 190

Përgjegjësia e debitorit

1. Nëse në planin e riorganizimit nuk është përcaktuar ndryshe, debitori shkarkohet nga detyrimet e mbetura ndaj kreditorëve të falimentimit, pasi këta kreditorë janë shlyer në mënyrën e parashikuar në pjesën analizuese të planit.

2. Kur debitori është një shoqëri e thjeshtë, pika 1 e këtij neni zbatohet sipas rastit për ortakët me përgjegjësi të pakufizuar.

Neni 191

Ndryshimi i gjendjes së pasurisë

Nëse duhet të krijohen, ndryshohen, kalohen ose anulohen të drejta juridike mbi sende, deklaratimet juridike të nevojshme për të krijuar pasoja juridike të transferimit ndërmjet palëve mund të përfshihen në pjesën arsyetuese të planit të riorganizimit. Në qofte se bëhet fjalë për të drejta të regjistruara mbi pasuri të paluajtshme ose të drejta të tjera të regjistruara, këto të drejta përcaktohen duke marrë parasysh dispozitat përkatëse. Fjalja e dytë e këtij paragrafi zbatohet sipas rastit për të drejta që janë regjistruar në një regjistër tjetër pronësie.

Neni 192

Mbikëqyrja e pasurisë.

Te ardhurat dhe plani financiar

Në qofte se kreditorët ripaguhën nga të ardhurat e një veprimtarie, që vazhdon të funksionojë nën drejtimin e debitorit ose të një të treti, planit të riorganizimit i bashkëngjitet një inventar i veprimtarisë së debitorit. Gjithashtu, plani tregon çfarë shpenzimesh dhe të ardhurash priten për periudhën gjatë së cilës duhet të ripaguhën kreditorët dhe në çfarë renditjeje shpenzimesh dhe fitimesh funksionon veprimtaria gjatë kësaj periudhe kohe.

Neni 193

Shtojca të tjera

1. Në qofte se në planin e riorganizimit është parashikuar që debitori të vazhdojë mbajtjen e veprimtarisë dhe debitori është person fizik, planit duhet t'i bashkëlidhet deklarata e debitorit, e cila vërteton gatishmërinë e tij për vazhdimin e mbajtjes së veprimtarisë mbi bazën e planit. Kur

debitori është shoqëri e thjeshte, planit i bashkëlidhet një deklaratë e ngjashme e anëtarëve të shoqërisë me përgjegjësi personale. Deklarata e debitorit, sipas fjalisë së parë, nuk kërkohet kur planin e ka parashtruar vetë debitori.

2. Në qoftë se kreditorët parashikojnë të përfitojnë pjesë ose aksione, të drejta anëtarësimi ose të drejta të tjera në një shoqëri ose shoqëri të thjeshte, planit i bashkëlidhet deklarata miratuese e secilit prej këtyre kreditorëve.

3. Në qoftë se një palë e tretë ka marrë përsipër detyrime ndaj kreditorëve në rastin kur plani është miratuar, planit i bashkëlidhet deklarata e të tretit.

Neni 194

Mospranimi i planit

1. Seksioni tregtar i gjykatës së rrethit, me nismën e tij, vendos mospranimin e planit të riorganizimit, në rastet kur:

a) dispozitat e këtij ligji mbi të drejtën për paraqitjen dhe përmbajtjen e planit nuk janë respektuar dhe parashtruesi nuk është në gjendje të korrigjojë gabimin ose nuk e korrigjon atë brenda një afati të arsyeshëm, të caktuar nga gjykata;

b) plani i riorganizimit i parashtruar nga debitori përmban të dhëna të mjaftueshme për të çmuar se nuk ka perspektive për t'u pranuar nga kreditorët ose për t'u miratuar nga gjykata;

c) ka të dhëna të mjaftueshme se pretendimet e palëve sipas pjesës analizuese të planit të hartuar prej debitorit nuk mund të plotësohen;

ç) plani i riorganizimit kundërshtohet nga shumica e kreditorëve të falimentimit, që i përkasin një grupimi të caktuar të tyre;

d) plani i riorganizimit kundërshtohet nga kreditorët e falimentimit që i përkasin një grupimi të caktuar, pretendimet e të cilëve përbejnë se paku gjysmën e shumës së përgjithshme të pretendimeve pasurore mbi masën e falimentimit;

dh) plani i riorganizimit kundërshtohet me shkrim nga shumica e kreditorëve të siguruar;

e) plani i riorganizimit kundërshtohet me shkrim nga kreditorët e siguruar, pretendimet e të cilëve përbejnë se paku gjysmën e shumës së përgjithshme të pretendimeve pasurore mbi masën e falimentimit dhe që u përkasin kreditorëve të siguruar

2. Kur debitori ka paraqitur tashmë në procedurën e falimentimit një plan i cili nuk është pranuar nga kreditorët, nuk është miratuar nga gjykata ose është tërhequr nga vetë debitori pas shpalljes publikisht të datës së mbledhjes për diskutim, gjykata nuk pranon një plan të ri të debitorit kur këtë mospranim e kërkon administratori i falimentimit me miratimin e komitetit të kreditorëve, kur është caktuar një i tille.

3. Kundër vendimit të mospranimit të planit të riorganizimit, paraqitësi i tij ka të drejtën e ankimit të veçantë.

4. Seksioni tregtar i gjykatës së rrethit mund të vendosë përjashtimin e një kreditori të siguruar ose të një grupimi të tyre nga zbatimi i planit të riorganizimit.

Neni 195

Komente për planin

1. Kur plani i riorganizimit pranohet, seksioni tregtar i gjykatës së rrethit ia kalon atë për mendim:

a) komitetit të kreditorëve, kur ka një të tillë, si organi i përfaqësimit të punonjësve;

c) debitorit kur planin e ka paraqitur administratori i falimentimit;

d) administratorit të falimentimit kur planin e ka paraqitur debitorit.

2. Gjykata mund t'u japë rastin të shprehen edhe organeve zyrtare të përfaqësuesve profesionale të debitorit për industrinë, tregtinë, artizanatin ose bujqësinë.

3. Gjykata cakton një afat për dorëzimin e mendimeve

Neni 196

Pezullimi i disponimit dhe shpërndarjes

Derisa vazhdimi i disponimit dhe shpërndarjes së pasurive të një mase falimentimi pengon zbatimin e planit të paraqitur të riorganizimit, seksioni tregtar i gjykatës së rrethit, me kërkesë të debitorit ose të administratorit të falimentimit, urdhëron pezullimin e disponimit dhe të shpërndarjes. Gjykata anulon ose ndalon pezullimin, nëse ai sjell rrezik me dëme të ndjeshme për masën e falimentimit ose kur administratori, me miratimin e komitetit të kreditorëve ose mbledhjes së kreditorëve, kërkon vazhdimin e disponimit dhe të shpërndarjes

Neni 197

Paraqitja e planit

Plani i riorganizimit me shtojcat dhe komentet e marra depozitohet në zyrën e regjistrimit të gjykatës për inspektim nga palët.

KREU II

PRANIMI DHE MIRATIMI I PLANIT TË FALIMENTIMIT

Neni 198

Diskutimet dhe mbledhja për votim

1. Seksioni tregtar i gjykatës së rrethit cakton një afat për mbledhjen e diskutimit të planit të riorganizimit dhe të së drejtës së votës të kreditorëve për votimin e planit të riorganizimit. Mbledhja caktohet jo më vonë se një muaj .
2. Data e mbledhjes së diskutimit dhe e votimit shpallet publikisht. Shpallja publikisht ve në dukje që plani me gjithë komentet mund të inspektohet në regjistrin e gjykatës.
3. Kreditoret e falimentimit që kanë paraqitur pretendime, kreditoret me të drejtë ripagimi të veçante, administratori i falimentimit, debitori dhe organi i përfaqësimit të punonjësve njoftohen individualisht. Me ftesën dërgohet edhe një kopje e planit ose një përmbledhje e tij.

Neni 199

Mbledhja për verifikim

Mbledhja për diskutim dhe votim nuk duhet të mbahet përpara mbledhjes për verifikim. Megjithatë data e mbajtjes së dy mbledhjeve mund të përkojë.

Neni 200

E drejta e votës së kreditorëve të falimentimit

1. Për të drejtën e votimit të kreditorëve të falimentimit që votojnë në planin e riorganizimit zbatohen, sipas rastit, parashikimet e pikave 1, fjalës e parë, 2 dhe 3 shkronja "a " të nenit 64 të këtij ligji. Kreditoret me të drejtë ripagimi të veçante kanë të drejtën e votimit vetëm si kreditore falimentimi në rastin kur mund të pretendojnë që debitori të përgjigjet edhe personalisht dhe nëse heqin dorë nga ripagimi i veçante ose nuk janë ripaguar plotësisht në këtë mënyrë; për sa kohë mosripagimi i tyre nuk është vërtetuar, ata merren parasysh për vlerën e mundshme të pjesës që nuk është ripaguar.
2. Kreditoret, pretendimet e të cilëve nuk dëmtohen nga plani, nuk kanë të drejtë vote.

Neni 201

E drejta e votës së kreditorëve me të drejtë ripagimi të veçante

1. Nëse në planin e riorganizimit rregullohet edhe statusi ligjor i kreditorëve me të drejtë ripagimi të veçante, gjatë mbledhjes shqyrtohen veçmas edhe të drejtat e këtyre kreditorëve. E drejta e votës lind nga të drejtat e ripagimit të veçante, që nuk kundërshtohen nga administratori i falimentimit dhe as nga kreditoret me të drejtë ripagimi të veçante ose nga kreditoret e falimentimit. Për të drejtën e votës që lidhet me një të drejtë të kundërshtuar, të pezulluar ose të

pamaturuar, zbatohen, sipas rastit, neni 40 dhe pikat 2 dhe 3 shkronja "a " te nenit 64 te këtij ligji.

2. Pika 2 e nenit 200 te këtij ligji zbatohet sipas rastit.

Neni 202

Lista e votimit

Nëpunësi i regjistrit te gjykatës shënon ne një liste kreditorët qe rezultojnë me te drejte vote pas përfundimit te mbledhjes.

Neni 203

Ndryshimi i planit

Pala kërkuese ka te drejte te ndryshoje përmbajtjen e dispozitave te veçanta te planit te riorganizimit ne përputhje me përfundimet e mbledhjes se verifikimit. Për planin e ndryshuar mund te votohet ne te njëjtën mbledhje.

Neni 204

Mbledhja e veçante për votim

1. Seksioni tregtar i gjykatës se rrethit mund te caktojë një mbledhje te veçante për votimin e planit te riorganizimit. Ne këtë rast periodha kohore ndërmjet mbledhjes për diskutim dhe mbledhjes për votim nuk duhet te jete me shume se një muaj .

2. Ne mbledhjen për votim ftohen kreditorët me te drejte vote dhe debitori. Ne rast se plani ndryshohet, ndryshimi duhet te vihet ne dukje ne mënyrë te veçante.

Neni 205

Votimi me shkrim

1. Kur është caktuar një mbledhje e veçante, e drejta e votimit mund te ushtrohet me shkrim.

2. Seksioni tregtar i gjykatës se rrethit u dërgon fletën e votimit te gjithë kreditorëve me te drejte vote pas mbledhjes se diskutimit dhe i njofton ne te njëjtën mbledhje për te drejtën e tyre te votës. Dhënia e votës me shkrim merret parasysh vetëm kur ka arritur ne gjykatë jo me vone se dita para votimit. Kjo gjë duhet te vihet ne dukje gjate dorëzimit te fletëvotimit.

Neni 206

Votimi ne grupe

Çdo grup i kreditoreve me te drejte vote, voton veças për planin e riorganizimit.

Neni 207

Shumica e nevojshme

1. Për pranimin e planit të riorganizimit nga kreditorët kërkohet që në çdo grup:

a) shumica e kreditoreve me te drejte vote të votojë pro planit;

b) shumica e pretendimeve të kreditoreve pro të jetë më shumë se gjysma e shumës së pretendimeve të kreditoreve me te drejte vote.

2. Kreditorët që gëzojnë një të drejtë bashkërisht ose të drejtat e të cilëve përbejnë një të drejtë të përbashkët deri në shfaqjen e arsyes për hapjen e procedurës së falimentimit, llogariten gjatë votimit si një kreditor. I njëjti rregull vlen nëse mbi një të drejtë ekziston një e drejtë penguese ose uzufrukti.

Neni 208

Ndalimi i bllokimit

1. Edhe kur nuk arrihen shumicat e kërkuara, një grup votuesish vlerësohen se kanë dhënë miratimin nëse:

a) kreditorët e këtij grupi nuk dëmtohen nga plani i falimentimit, krahasuar me gjendjen e tyre sikur të mos kishte plan;

b) kreditorët e këtij grupi përfitojnë pjesë në masë të arsyeshme në vlerën ekonomike që do t'u shkojë pjesëtarëve në bazë të planit;

c) shumica e grupeve votuese ka votuar pro planit me shumicën e nevojshme.

2. Sipas planit ka pjesëmarrje të arsyeshme të kreditorëve të një grupi në kuptimin e shkronjës "a" të pikës 1 të këtij neni kur:

a) asnjë kreditor tjetër nuk përfiton vlerë ekonomike që tejkalon shumën e plote të pretendimit të tij;

b) nuk përfiton vlerë ekonomike kreditori i cili në mungesë të planit do të ripaguhej si pjesëtar i një rangu më të ulët krahasuar me kreditorët e tjerë të grupit, debitori dhe asnjë person tjetër me pretendime mbi pasuritë ose aksionet e debitorit;

c) asnjë kreditor, i cili në mungesë të planit do të ripaguhej si pjesëtar i një rangu të njëjtë me kreditorët e grupit, nuk ka përfitim më të madh sesa këta kreditorë.

Neni 209

Miratimi i kreditorëve të falimentimit të rangjeve me të ulëta

1. Për pranimin e planit të riorganizimit nga kreditorët e rangjeve me të ulëta zbatohen këto dispozita shtese:

a) grupet që renditen sipas shkronjave "a" ose "b" të pikës 1 të nenit 42 të këtij ligji quhen se kanë dhënë miratimin kur ata heqin dorë nga pretendimet përkatëse për interesat ose shpenzimet sipas planit ose quhet se është hequr dorë sipas pikës 1 të nenit 188 të këtij ligji, edhe sikur pretendimet për shumat kryesore të kreditorëve të falimentimit të mos ripaguhen plotësisht sipas planit.

b) grupet me një rang me të ulët se shkronja "c" e pikës 1 të nenit 42 të këtij ligji quhen se kanë dhënë miratimin kur asnjëri prej kreditorëve të falimentimit nuk përfiton me shume se kreditorët e këtij grupi sipas planit.

2. Nëse në votim nuk merr pjesë asnjë kreditor i një grupi, miratimi i grupit merret i dhënë.

Neni 210

Miratimi i debitorit

1. Miratimi i debitorit për planin vlerësohet i dhënë kur ai, jo me vonë se datat e mbledhjes për votim, nuk e kundërshton planin me shkrim ose në regjistrin e gjykatës. Nëse debitori nuk është person fizik, mendimi kundërshtues i një ose disa personave, që kanë shumicën e pjesëve ose aksioneve të debitorit quhet i njëjtë me mendimin kundërshtues të debitorit.

2. Kundërshtimi sipas pikës 1 të këtij neni quhet i pavlefshëm kur:

a) debitori nëpërmjet planit nuk shkakton një gjendje me të keqe sesa sikur të mos kishte plan;

b) asnjë kreditor nuk përfiton një vlerë ekonomike me të lartë sesa pretendimi i tij.

Neni 211

Vërtetimi nga gjykata

1. Pas pranimit të planit të riorganizimit prej kreditorëve, sipas parashikimeve të neneve 207 dhe 209 të këtij ligji dhe pasi debitori jep pëlqimin, plani duhet miratuar nga seksioni tregtar i gjykatës së rrethit.

2. Para marrjes së vendimit për miratim, gjykata dëgjon administratorin e falimentimit, komitetin e kreditorëve, nëse ka një të tillë, dhe debitorin.

Neni 212

Plani i kushtëzuar

Nëse ne planin e riorganizimit është parashikuar që para miratimit të plotësohen kushte të caktuara ose të zbatohen masa të tjera, plani nuk mund të miratohet derisa të jenë përmbushur këto kushte. Miratimi nuk jepet, kryesisht, nëse këto kushte nuk janë përmbushur edhe pas mbarimi të një afati të arsyeshëm, të vendosur nga gjykata.

Neni 213

Shkelja e dispozitave procedurale

Miratimi nuk jepet:

- a) kur nuk janë marre parasysh dispozitat për përmbajtjen dhe aspektet procedurale të planit të riorganizimit, si dhe pranimi nga kreditorët dhe miratimi nga debitori, për një çështje thelbësore dhe e meta nuk mund të korrigjohet;
- b) kur pranimi i planit është bërë me mjete të papërshtatshme, veçanërisht duke sjellë përfitim për një kreditor të caktuar.

Neni 214

Mbrojtja e pakicave

1. Me kërkesë të një kreditori, miratimi i planit nuk pranohet kur një kreditor:

- a) kundërshton planin me shkrim ose në regjistrin e gjykatës brenda datës së mbledhjes për votim;
- b) shkakton një gjendje më të keqe se sa po të mos kishte plan.

2. Kreditori me kërkesë duhet të provojë, në mënyrë bindëse, për gjykatën se plani shkakton një gjendje më të keqe.

Neni 215

Shpallja e vendimit

1. Vendimi me anë të të cilit plani i riorganizimit miratohet ose hidhet poshtë duhet të shpallet në mbledhjen për votim ose në një mbledhje të veçantë, që duhet të caktohet në afatin më të afërt.
2. Kur plani miratohet, kreditorëve të falimentimit, që kanë depozituar pretendime dhe kreditorëve me të drejtë ripagimi të veçantë u dërgohet një kopje e planit ose një përmbledhje thelbësore e tij, duke vënë në dukje faktin e miratimit.

Neni 216

Ankimi

Kreditorët dhe debitorët mund të paraqesin ankime të veçanta sipas Kodit të Procedurës Civile kundër vendimit që miraton ose nuk e miraton planin e falimentimit.

PJESA E SHTATE

PASOJA TE PLANIT TE MIRATUAR.

MBIKEQYRJA E PERMBUSHJES SE PLANIT

KREUI

Neni 217

Pasojat e përgjithshme të planit

1. Sapo vendimi që miraton planin e riorganizimit merr formë të prera, pasojat e tij të pjesës së analizës janë të vlefshme dhe sjellin pasojat mbi të gjithë pjesëtarët. Nëse pjesa analizuese kërkon lindjen, ndryshimin, kalimin ose heqjen dore nga të drejtat mbi sendet ose nëse një pjesë e veprimtarisë së një shoqërie me përgjegjësi të kufizuar duhet të mbyllet, deklaratat e vullnetit të palëve të përfshira në plan quhen se janë ekzekutuar në formën e kërkuar nga ligji. I njëjti rregull vlen edhe për detyrime të marra përsipër, që bazohen në lindjen, ndryshimin, kalimin ose anulimin e të drejtave mbi sende ose heqjen dore nga pjesët ose aksionet. Dy fjalitë e para të kësaj pike zbatohen edhe për kreditorët e falimentimit, që nuk i kanë depozituar pretendimet e tyre, si dhe për palët që kanë kundërshtuar planin.

2. Plani nuk cenon të drejtat e kreditorëve të falimentimit kundrejt bashkedebitorëve të debitorit ose garantëve të debitorit, si dhe të drejtat e këtyre kreditorëve mbi sende që nuk i përkasin masës së falimentimit ose që burojnë nga një njoftim përparësie në radhën e pagesës për këto sende. Megjithatë, nëpërmjet planit, debitorët shkarkohen kundrejt bashkedebitorëve, garantëve ose palëve të tjera që kanë pretendime ndaj tij në të njëjtën mënyrë siç shkarkohen kundrejt kreditorëve të falimentimit.

3. Nëse një kreditor është ripaguar me shumë se pjesa që i takonte sipas planit, nuk i kërkohet të kthejë pjesën e tepërt.

Neni 218

Klauzola e ringritjes së padisë

1. Nëse në bazë të pjesës analizuese të planit të riorganizimit, pretendimet e kreditorëve të falimentimit janë pezulluar ose janë anuluar pjesërisht, pezullimi ose anulimi nuk ka pasojat mbi kreditorin, pretendimet e të cilit debitorët nuk i përmbushin në një masë të ndjeshme gjatë zbatimit të planit të falimentimit. Mospërmbushja në masë të ndjeshme quhet e tillë vetëm nëse debitorët

nuk ka paguar ne afat detyrimin e maturuar edhe pas njoftimit me shkrim te kreditorit dhe pasi i është lënë një afat pagese prej te paktën dy javësh.

2. Nëse hapet një procedure e re falimentimi mbi pasuritë e debitorit para zbatimit te plote te planit, pezullimi ose heqja dore nga pretendimet nuk është me e vlefshme për kreditorët e falimentimit.

3. Plani mund te parashikojë ndryshe nga sa me sipër. Megjithatë, plani nuk mund te shmange zbatimin e pikës 1 te këtij neni, ne dem te debitorit.

Neni 219

Pretendimet e kundërshtueshme. Pretendimet me zëvendësim

1. Nëse një pretendim është kundërshtuar ne mbledhjen e verifikimit ose shuma e pretendimit zëvendësues te ngritur nga kreditori i falimentimit me te drejte ripagimi te veçante nuk është verifikuar ende, nuk vërtetohet rasti i mospërbushjes se detyrimin ne zbatim te planit te riorganizimit ne përputhje me piken 1 te nenit 218 te këtij ligji, me kusht qe debitori te marre parasysh pretendimin derisa te behet verifikimi i shumës se kërkuar ne masën qe i përgjigjet vendimit te seksionit tregtar te gjykatës se rrethit mbi te drejtën e votës se këtij kreditori për votimin për planin e riorganizimit. Ne qofte se gjykata nuk merr vendim për te drejtën e votimit, me kërkesë te debitorit ose te kreditorit, ajo merr një vendim te mëvonshëm për shumën e pretendimit, qe debitori duhet te marre parasysh ne periudhën e kushteve te përkohsh me.

2. Ne qofte se ky verifikim përfundimtar tregon se debitori ka paguar ne mënyrë te pamjaftueshme, atehere paguhet shuma e prapambetur. Quhet mospërbushje e zbatimit te planit ne mase te ndjeshme vetëm rasti kur debitori nuk paguan shumën e prapambetur, megjithëse kreditori ka njoftuar me shkrim dhe i ka lejuar një afat prej jo me pak se dy javësh.

3. Ne qofte se përcaktimi përfundimtar tregon se debitori ka mbipaguar, ai mund te kërkojë kthimin e shumës se mbipaguar vetëm për sasinë qe tejkalon shumën e pamaturuar te pretendimit te kreditorit sipas planit te riorganizimit.

Neni 220

Zbatimet e planit

1. Kreditorët e falimentimit, pretendimet e te cilëve janë verifikuar dhe janë te pakundershtuara nga debitori, mund te kërkojnë ekzekutimin e pretendimeve ndaj debitorit ne mbledhjen e verifikimit ne te njëjtën mënyrë sikur te ishte një vendim i formës se prere, ne baze te planit te miratuar te falimentimit. Pretendimi i pakundershtuar barazohet me një pretendim te cilit i është hedhur poshtë kundërshtimi i ngritur. Neni 165 i këtij ligji zbatohet sipas rastit.

2. I njëjti rregull vlen edhe për ekzekutimin e detyrueshëm te debitorit ndaj një te treti, i cili garanton përmbushjen e detyrimeve sipas planit me ane te një deklarate me shkrim te dorëzuar ne seksionin tregtar te gjykatës se rrethit pa rezervën e kundërshtimit.

3. Ne qofte se një kreditor pretendon te drejtën që i takon ne rastin e moszbatimit të planit të falimentimit nga debitori në një mase të ndjeshme, kreditori, për të përdorur klauzolën e ekzekutimit për këto të drejta dhe me qëllim që të fillojë ekzekutimin, duhet t'i provojë gjykatës, në mënyrë bindëse, pjesën e papaguar dhe mbarimin e periudhës së njoftimit, por nuk duhet të provojë fakte të tjera për mospërbushjen e detyrimit nga debitori.

Neni 221

Mbyllja e procedurës së falimentimit

1. Sapo vendimi që miraton planin e riorganizimit merr formë të prera, seksioni tregtar i gjykatës së rrethit vendos mbylljen e procedurës së falimentimit.
2. Para mbylljes, administratori korrigjon pretendimet e pakundërshtueshme ndaj masës së falimentimit dhe jep mjete sigurimi për pretendimet e kundërshtueshme.
3. Ky vendim dhe shkak i mbylljes shpallen publikisht. Debitori, administratori i falimentimit dhe anëtarë të komitetit të kreditorëve njoftohen që me pare për datën kur hyn në fuqi mbyllja e procedurës. Pika 2 e nenit 200 të këtij ligji zbatohet sipas rastit.

Neni 222

Pasojat e mbylljes

1. Me mbylljen e procedurës së falimentimit mbarojnë edhe të gjitha funksionet e administratorit të falimentimit dhe të anëtarëve të komitetit të kreditorëve. Debitorit i kthehet e drejta të disponojë lirisht masën e falimentimit.
2. Dispozitat për mbikëqyrjen e zbatimit të planit nuk cenohen.
3. Çdo padi e ngritur për të kundërshtuar veprimet e debitorit në procedurën e falimentimit mund të vazhdohet nga administratori edhe pas mbylljes së procedurës, nëse kjo është parashikuar në pjesën analizuese të planit. Në këtë rast, padia vazhdohet për llogari të debitorit nëse në plan nuk është parashikuar ndryshe .

Neni 223

Mbikëqyrja e zbatimit të planit

1. Mbikëqyrja e zbatimit të planit mund të parashikohet në pjesën analizuese të planit të riorganizimit.
2. Pas mbylljes së procedurës së falimentimit, në rastin e pikës 1 të këtij neni, mbikëqyrët përmbushja e pretendimeve që u takojnë kreditorëve ndaj debitorit, sipas pjesës trajtuese të planit të riorganizimit.

3. Kur kjo gjendje është parashikuar ne pjesën analizuese, mbikëqyrja përfshin përmbushjen e pretendimeve të kreditorëve, që sipas pjesës analizuese, ngrihen kundër një personi juridik ose një shoqërie të thjeshtë, të krijuar pas hapjes së procedurës për t'u bashkuar me veprimtarinë ose për ta vazhduar atë ose ndërmarrjen e debitorit (shoqëria e bashkuar).

Neni 224

Detyrat dhe përgjegjësitë e administratorit të falimentimit

1. Mbikëqyrja është detyre e administratorit të falimentimit. Detyrat e administratorit të falimentimit dhe të anëtarëve të komitetit të kreditorëve dhe mbikëqyrja e seksionit tregtar të gjykatës së rrethit vazhdojnë të ekzistojnë.

2. Gjatë kohës së mbikëqyrjes, administratori ka për detyre t'i raportojë, çdo vit, komitetit të kreditorëve, kur është caktuar një i tillë dhe gjykatës për gjendjen dhe perspektivën e mëtejshme të realizimit të planit të riorganizimit. E drejta e komitetit të kreditorëve dhe e gjykatës për të kërkuar në çdo kohë të dhëna të veçanta ose një raport ndërmjetës, mbetet e pacenuar.

Neni 225

Detyrimi i administratorit të falimentimit për të njoftuar

Nëse administratori vëren se pretendimet, shlyerja e të cilave mbikëqyrët, nuk paguhen ose nuk mund të paguhen, ai ia bën të njohur këtë fakt, pa vonese, komitetit të kreditorëve dhe seksionit tregtar të gjykatës së rrethit. Nëse nuk është caktuar komitet kreditorësh, administratori në vend të tij njofton të gjithë kreditorët, të cilëve, sipas pjesës analizuese të planit të riorganizimit, u takon ripagimi i pretendimeve kundër debitorit ose shoqërisë në të cilën është shndërruar shoqëria ekzistuese, sipas pjesës analizuese të planit të riorganizimit.

Neni 226

Veprimet që kërkojnë pëlqim

Në pjesën analizuese të planit të riorganizimit mund të parashikohet që veprime të debitorit ose të shoqërisë së bashkuar janë të vlefshme kur jepet pëlqimi i administratorit të falimentimit. Nenet 68 pika 1 dhe 69 të këtij ligji zbatohen sipas rastit.

Neni 227

Kufiri i kredisë

1. Në pjesën analizuese të planit të riorganizimit mund të parashikohet që kreditorët e falimentimit me rang më të ulët në krahasim me kreditorët, pretendimet e të cilëve rrjedhin prej një huaje ose kredie tjetër ku debitori ose shoqëria e bashkuar është bërë pale gjatë kohës së mbikëqyrjes, duhet të vazhdojnë të ruajnë statusin e tyre të kreditorit të rangut më të ulët edhe në periudhën e mbikëqyrjes. Në këtë rast, duhet të caktohet një kufi maksimal për kreditë e këtij

Iloji. Ky nuk duhet te tejkaloje vlerën e sendeve te paraqitura ne pasqyrën e mbikëqyrjes se pasurive, pjese e planit, sipas nenit 192 te këtij ligji.

2. Kreditoret e falimentimit radhiten ne rang me te ulet, sipas pikës 1, vetëm ne krahasim me kreditoret te cilët arrijnë ne marrëveshje se çfarë mase e pretendimit kryesor, e interesave dhe e shpenzimeve te huase te dhëna prej tyre nuk duhet te kaloje kufirin maksimal te huase dhe për te cilat merret një miratim i shkruar nga administratori i falimentimit.

Shkronja "ç" e pikës 1 te nenit 42 nuk cenohet nga parashikimet e këtij neni.

Neni 228

Rangjet me te ulëta te kreditoreve te rinj

Kreditoret, te drejtat e te cilëve rrjedhin nga kredi te dhëna ose te hapura sipas nenit 227 te këtij ligji, kane pretendime te një rangu me te ulet sesa kreditoret me pretendime te tjera kontraktore qe lindin gjate periudhës se mbikëqyrjes. Këto pretendime vlerësohen te njëjta me ato qe lindin ne baze te një kontrate te ndashme, e lidhur para fillimit te mbikëqyrjes, për periudhën kohore pas datës se pare kur kreditori mund te zgjidhte kontratën pas fillimit te mbikëqyrjes.

Neni 229

Marrja parasysh e statusit te rangut me te ulet

1. Çdo lloj rangu me i ulet i kreditoreve te falimentimit dhe i kreditoreve te përcaktuar ne nenin 228 te këtij ligji, merret parasysh vetëm nëse procedura e falimentimit hapet para përfundimit te mbikëqyrjes.

2. Ne këtë procedure te re falimentimi, këta kreditore kane përparësi mbi kreditoret e tjerë te rangjeve me te ulëta.

Neni 230

Njoftimi i mbikëqyrjes

1. Nëse zbatimi i planit te riorganizimit mbikëqyrët, ky fakt shpallet publikisht bashke me vendimin për mbylljen e procedurës se falimentimit.

2. Shpallja publike duhet te përfshijë:

a) ne rastin e pikës 3 te nenit 223 te këtij ligji, shtrirjen e mbikëqyrjes edhe mbi shoqërinë e bashkuar;

b) ne rastin e nenit 226 te këtij ligji, kriteret e veprimeve qe kërkojnë miratimin e administratorit te falimentimit;

c) ne rastin e nenit 227 te këtij ligji shumën e kufirit maksimal te huase.

3. Neni 30 i këtij ligji zbatohet sipas rastit. Nëse ne rastin e nenit 226 te këtij ligji kufizohet e drejta për kalim te një pasurie te paluajtshme ose një te drejte tjetër te regjistruar ne një regjistër pasurie, zbatohet sipas rastit neni 31 i këtij ligji.

Neni 231

Përfundimi i mbikëqyrjes

Seksioni tregtar i gjykatës se rrethit vendos përfundimin e mbikëqyrjes:

a) kur pretendimet, shlyerja e te cilave mbikëqyrët, janë përmbushur ose përmbushja e tyre është siguruar;

b) kur kane kaluar tre vjet nga përfundimi i procedurës se falimentimit dhe nuk është paraqitur kërkesë për fillimin e një procedure te re falimentimi.

Vendimi shpallet publikisht. Pika 3 e nenit 230 te këtij ligji zbatohet sipas rastit.

Neni 232

Shpenzimet e mbikëqyrjes

Debitori paguan shpenzimet e mbikëqyrjes. Ne rastin e pikës 3 te nenit 223 shpenzimet për mbikëqyrjen i paguan shoqëria e bashkuar.

PJESA E TETE

ADMINISTRIMI NGA VETE DEBITORI

KREU I

Neni 233

Kushtet

1. Debitori mund te administroje ose disponoje mbi pasuritë e masës se falimentimit nen kontrollin e një mbikëqyrësi nëse seksioni tregtar i gjykatës se rrethit vendos vetadministrimin ne vendimin për hapjen e procedurës se falimentimit. Kjo procedure u nënshtrohet dispozitave te përgjithshme, përveç rastit kur ne këtë pjese parashikohet ndryshe.

2. Vendimi i gjykatës për administrimin nga vete debitori përmban:

a) kërkesën e debitorit;

- b) miratimin e kreditorit, qe kërkon hapjen e procedurës se falimentimit për kërkesën e debitorit;
- c) ne përputhje me rrethanat, duhet qe mendimi i gjykatës te mos sjelle një shtytje te procedurës ose te sjelle dëme për kreditorët.

3. Ne rastin e pikës 1 te këtij neni, vendoset mbikëqyrës ne vend te një administratori te falimentimit. Pretendimet e kreditoreve te falimentimit depozitohen te mbikëqyrësi. Ne këtë rast nuk zbatohen parashikimet e nenit 31 te këtij ligji.

Neni 234

Urdhri i mëvonshëm

Ne qofte se s eksioni tregtar i gjykatës se rrethit ka hedhur poshtë kërkesën e debitorit për vetadministrim, por mbledhja e kreditoreve kërkon vetadministrimin e debitorit nen kontrollin e një mbikëqyrësi, gjykata urdhëron vetadministrimin. Administratori i mëparshëm mund te caktohet si mbikëqyrës.

Neni 23

Anulimi i urdhrin te gjykatës për administrim nga vete debitori nen mbikëqyrje

1. Seksioni tregtar i gjykatës se rrethit anulon urdhrin për administrim nga vete debitori nen mbikëqyrjen e një mbikëqyrësi, nëse diçka e tille kërkohe:

a) nga mbledhja e kreditoreve;

b) nga një kreditor me te drejte ripagimi te veçante ose nga kreditori i falimentimit edhe nëse nuk ekzistojnë me kushtet e parashikuara nga shkronja "c" e nenit 233 te këtij ligji;

c) nga debitori.

2. Kërkesa e një kreditori është e pranueshme nëse i vërteton gjykatës, ne mënyrë bindëse, se nuk ekzistojnë me kushtet. Përpara se te vendose për kërkesën, seksioni tregtar i gjykatës se rrethit dëgjon debitorin. Kundër vendimit kreditori dhe debitori kane te drejtën e ankimit te veçante, sipas Kodit te Procedurës Civile.

3. Mbikëqyrësi i deriatëhershëm mund te caktohet si administrator falimentimi.

Neni 236

Shpallja publike

Vendimi i seksionit tregtar te gjykatës se rrethit, me te cilin urdhërohet administrimi nga vete debitori pas fillimit te procedurës se falimentimit ose me te cilin anulohet ky urdhër, shpallet publikisht.

Neni 237

Statusi i mbikëqyrësit

1. Zbatohen sipas rastit neni 37 shkronja "b", nenet 43 deri ne 47 dhe nenet 48 deri ne 51 te këtij ligji për caktimin e mbikëqyrësit, për mbikëqyrjen e tij nga seksioni tregtar i gjykatës se rrethit, përgjegjësi dhe te shpërblimeve te mbikëqyrësit.
2. Mbikëqyrësi verifikon gjendjen ekonomike te debitorit dhe monitoron administrimin e biznesit dhe shpenzimet për përballimin e jetesës.
3. Kur mbikëqyrësi vëren rrethana qe sugjerojnë se vazhdimi i vetadministrimit do te dëmtonte kreditorët, ai ua bën te ditur këtë rrethane, pa vonese, komitetit te kreditorëve dhe seksionit tregtar te gjykatës se rrethit. Kur nuk është caktuar komitet kreditorësh, mbikëqyrësi njofton kreditorët e falimentimit, qe kane depozituar pretendimet e tyre dhe kreditorët me te drejte ripagimi te veçante.

Neni 238

Kërkesa për miratimin e mbikëqyrësit

1. Debitori mund te marre përsipër detyrime qe nuk kane te bëjnë me ushtrimin e zakonshëm te veprimtarisë, vetëm me pëlqimin e mbikëqyrësit. Debitori nuk mund te marre përsipër detyrimet qe kane te bëjnë me ushtrimin e veprimtarisë, kur mbikëqyrësi e kundërshton këtë veprim.
2. Mbikëqyrësi mund t'i kërkojë debitorit t'i lejoje atij mbledhjen dhe kryerjen e te gjitha pagesave.

Neni 239

Kërkesa për pëlqimin e komitetit te kreditorëve

Debitori duhet te marre pëlqimin e komitetit te kreditorëve për çdo veprim juridik te një rëndësie te veçante për procedurën e falimentimit. Nenet 128 pika 2, 129 dhe neni 132 te këtij ligji zbatohen sipas rastit.

Neni 240

Urdhri i gjykatës për miratim

1. Me kërkesë te mbledhjes se kreditorëve, seksioni tregtar i gjykatës se rrethit urdhëron qe veprime juridike te caktuara te debitorit te jene te vlefshme vetëm me miratimin e mbikëqyrësit. Nenet 68 dhe 69 te këtij ligji zbatohen sipas rastit. Ne qofte se mbikëqyrësi miraton një veprim, qe krijon një detyrim ndaj masës se falimentimit, neni 47 zbatohet sipas rastit.

2. Urdhri mund të lëshohet me kërkesë të një kreditori me të drejte ripagimi të veçante ose të një kreditori të masës së falimentimit kur kërkesa është urgjente, me qëllim që të shmangë dëmtimin e kreditorëve. Urdhri lëshohet kur pala kërkuese i vërteton gjykatës, në mënyrë bindëse, se janë kushtet për një urdhër të tillë.

3. Urdhri shpallet publikisht. Neni 30 i këtij ligji zbatohet sipas rastit. Nëse e drejta për tjetërsim të një pasurie të paluajtshme ose një e drejte tjetër e regjistruar në një regjistër pronësie kërkojnë dhënien e miratimit, zbatohet sipas rastit neni 31 i këtij ligji.

Neni 241

Fondet për debitorin për përballimin e jetesës

1. Debitori mund të marrë nga masa e falimentimit një shumë të caktuar për vete dhe për anëtarët e familjes, siç përcaktohet në të piken 2 të nenit 84 të këtij ligji, e cila i lejon atij kushte modeste jetese.

2. Nëse debitori nuk është person fizik, zbatohet pika 1 e këtij neni, sipas rastit, për anëtarët e organit që përfaqëson debitorin dhe që vepron në të njëjtën mënyrë si ortaket e përgjithshëm të debitorit.

Neni 242

Kontratat

Dispozitat e këtij ligji për përmbushjen e veprimeve juridike, të parashikuara në nenet 86 deri 89 të këtij ligji zbatohen me kusht që debitori të zëvendësojë administratorin e falimentimit. Debitori ushtron të drejta, sipas këtyre dispozitave, me miratimin e mbikëqyrësit.

Neni 243

Detyrimet ndaj masës së falimentimit. Kundërshtimi i veprimeve

Vetëm mbikëqyrësi mund të pretendojë detyrimet në favor të masës së falimentimit sipas neneve 77 dhe 78 të këtij ligji, si dhe të kundërshtojë veprime sipas neneve 100 deri 115 të këtij ligji.

Neni 244

Njoftimi i kreditorëve

1. Debitori përcakton listën e sendeve të masës së falimentimit, listën e kreditorëve dhe tabelën e pasurive, sipas neneve 119 deri 121 të këtij ligji. Mbikëqyrësi duhet të verifikojë listat dhe tabelën e pasurive dhe të japë shpjegime me shkrim për secilën prej tyre, duke treguar nëse rezultatet e verifikimit lënë vend për vërejtje.

2. Debitori raporton në mbledhjen e raportimit. Mbikëqyrësi komenton raportimin.

3. Debitori ka për detyre te paraqesë llogarite, sipas neneve 53 dhe 123 te këtij ligji.

Neni 245

Zotërimi i kolateralit

1. Debitori ushtron te drejtën e administratorit te falimentimit për te zotëruar mbi sende, te cilat i nënshtrohen te drejtës se ripagimit te veçante. Megjithatë nuk paguhen shpenzimet e përcaktimit te sendeve dhe te te drejtave mbi këto sende. Si shpenzime zotërimi mund te caktohen vetëm shpenzimet për zotërimin e sendit dhe detyrimi tatimor i mundshëm.

2. Debitori ushtron te drejtën e vet për zotërim me miratimin e mbikëqyrësit.

Neni 246

Ripagimi i kreditoreve te falimentimit

1. Gjate shqyrtimit te pretendimeve, debitori dhe mbikëqyrësi mund te kundërshtojnë pretendimet e depozituara, përveç kreditoreve te falimentimit pretendimi i kundërshtuar nga një kreditor falimentimi, nga debitori ose nga mbikëqyrësi quhet i pavërtetuar.

2. Debitori kryen shpërndarjen. Mbikëqyrësi verifikon te gjitha listat e shpërndarjes dhe deklarom me shkrim, për secilin rast, nëse ka vërejtje për rezultatet e verifikimit.

Neni 247

Plani i riorganizimit

1. Mbikëqyrësi ose debitori merr përsipër detyrën e mbledhjes se kreditoreve për hartimin e planit te riorganizimit. Kur detyra i ngarkohet debitorit, mbikëqyrësi bashkëpunon si këshilltar ne hartimin e këtij plani.

2. Mbikëqyrësi kontrollon aspektet e ndryshme te zbatimit te planit.

Neni 248

Pamjaftueshmëria e pasurive ne masën e falimentimit

Mbikëqyrësi njofton gjykatën për pamjaftueshmërinë e pasurive ne masën e falimentimit.

PJESA E NENTE

SHKARKIMI NGA PJESA E MBETUR E DETYRIMIT

KREU I

Neni 249

Parimi

Kur debitori është person fizik, ai shkarkohet nga detyrimet e pashlyera ndaj kreditorëve të falimentimit, gjatë procedurës së falimentimit, sipas dispozitave të parashikuara në nenet 250 deri në 266 të këtij ligji.

Neni 250

Kërkesa e debitorit

1. Shkarkimi nga detyrimet e mbetura bëhet me kërkesë të debitorit. Kërkesa me shkrim depozitohet në seksionin tregtar të gjykatës së rrethit ose regjistrohet në regjistrin e gjykatës. Kjo kërkesë mund t'i bashkohet kërkesës për fillimin e procedurës së falimentimit.

2. Kërkesës i bashkëlidhet deklarata, që vërteton vullnetin e debitorit për t'ia kaluar një kujdestari, të cilin e cakton gjykata, shumat e tepërta që duhet t'i paguhet atij e që burojnë nga një kontratë shërbimi. Kujdestari caktohet për një periudhë prej tre vjetësh pas mbylljes së procedurës së falimentimit. Në qoftë se debitori ia ka kaluar ose ia ka dhënë peng një të treti këto pretendime përpara kërkesës, ky fakt shënohet në deklaratë.

3. Janë të pavlefshme marrëveshjet që përjashtojnë, kushtëzojnë ose, në mënyra të tjera, kufizojnë debitorin të heqë dorë prej pretendimeve për të përfituar pagesa që burojnë nga një marrëdhënie shërbimi ose pagesa aktuale në vend të tyre, në rastin kur këto marrëveshje pengojnë ose dëmtojnë deklaratën për heqje dorë sipas fjalisë së parë të pikës 2 të këtij neni.

Neni 251

E drejta e propozimit

Debitori dhe kreditorët mund t'i propozojnë seksionit tregtar të gjykatës së rrethit një individ të përshtatshëm për të vepruar si i besuar në rastin konkret.

Neni 252

Vendimi i seksionit tregtar të gjykatës së rrethit

1. Kreditorët e falimentimit ose administratori i falimentimit dëgjohen në mbledhjen përfundimtare me kërkesë të debitorit.

2. Kundër këtij vendimi mund të paraqesë ankim të veçante debitori dhe çdo kreditor falimentimi, që nuk ka pranuar shkarkimin nga detyrimet e mbetura në mbledhjen përfundimtare. Procedura e falimentimit përfundon pasi vendimi të marrë formë të prere. Vendimi i formës së prere shpallet publikisht bashkë me vendimin për mbylljen e procedurës së falimentimit.

Neni 253

Refuzimi për shkarkimin nga detyrimi i mbetur

1. Vendimi nuk pranon shkarkimin nga detyrimi i mbetur kur mospranimi është kërkuar nga një kreditor i falimentimit ne mbledhjen përfundimtare dhe kur:

a) debitori është dënuar me vendim te formës se prere për një vepër penale, sipas dispozitave te Kodit Penal;

b) debitori, ne tri vitet e fundit para kërkesës për fillimin e procedurës se falimentimit ose pas paraqitjes se kësaj kërkesë, me qellim ose për shkak te pakujdesisë ka dhënë deklarate, me shkrim, false ose te paplote, për gjendjen e tij ekonomike, me ane te se cilës debitori ka zbatuar për një kredi, për grande nga fonde publike ose ka shmangur pagesa ne favor te fondeve publike;

c) debitori është shkarkuar nga detyrimet e mbetura ne dhjete vitet e fundit përpara kërkesës për hapjen e procedurës se falimentimit ose pas kërkesës, ose nëse kjo kërkesë është hedhur poshtë sipas neneve 259 ose 260 te këtij ligji;

ç) debitori, ne vitin e fundit përpara kërkesës për hapjen e procedurës se falimentimit ose pas kësaj kërkesë, me qellim ose nga pakujdesia, ka penguar ripagimin e kreditoreve te falimentimit, duke krijuar detyrime te panevojshme, duke shpërdoruar pasuritë ose duke vonuar hapjen e procedurës se falimentimit ose te perspektives për përmirësimin e gjendjes se tij ekonomike;

d) gjate procedurës se falimentimit, debitori me qellim ose nga pakujdesia ka shkelur detyrimin për te dhënë te dhëna ose për te bashkëpunuar;

dh) debitori ka dhënë deklarata false ose te paplota, me qellim ose nga pakujdesia, ne listat e detyrueshme për t'u paraqitur për pasurinë dhe te ardhurat e tij, te kreditoreve te tij dhe te pretendimeve te ngritura ndaj tij.

2. Kërkesa e kreditorit për mospranim shoqërohet me një letershpjeguese te shkaqeve për te cilat nuk duhet pranuar shkarkimi nga detyrimi i mbetur.

Neni 254

Dhënia me kusht e shkarkimit nga detyrimi i mbetur

1. Përveç rastit kur ekziston njeri nga kushtet e nenit 253 te këtij ligji, seksioni tregtar i gjykatës se rrethit deklaron ne vendimin e vet nëse debitori fiton shkarkimin nga detyrimi i mbetur.

2. Gjykata cakton me te njëjtin vendim te besuarin, te cilit i kalojnë te ardhurat e tepërta te debitorit, sipas deklaratës qe bën debitori për këtë qellim, sipas pikës 2 te nenit 250 te këtij ligji.

Neni 255

Statusi juridik i kujdestarit

1. Kujdestari ka detyre t'i njoftoje statusin e vet personit te detyruar për te kryer pagesën. Kujdestari ndan nga pasuritë e tij shumat e marra ne baze te këtij statusi, se bashku me pagesa te tjera te kryera nga debitori ose pale te treta dhe ua shpërndan ato çdo vit kreditoreve mbi bazën e listës përfundimtare. I

2. Mbledhja e kreditoreve mund t'i ngarkoje, gjithashtu, kujdestarit detyrën e mbikëqyrjes se

debitorit për përmbushjen e detyrave te tij. Ne këtë rast, kujdestari njofton pa vonese kreditorët kur vëren shkelje për këto detyrime. Kujdestari është i detyruar te mbikëqyrë vetëm nëse është paguar ose parapaguar pagesa shtese për këtë detyre.

3. Kujdestari, ne përfundim te detyrës se vet, duhet t'i raportoje seksionit tregtar te gjykatës se rrethit. Nenet 45 dhe 46 te këtij ligji zbatohen sipas rastit, ndërsa neni 46 i këtij ligji zbatohet me kushtet qe secili prej kreditoreve te falimentimit mund te kërkojë shkarkimin e kujdestarit dhe çdo kreditor falimentimi mund te paraqesë ankim te veçante, sipas Kodit te Procedurës Civile.

Neni 256

Shpërblimi i kujdestarit

1. Kujdestari ka te drejtën e shpërblimit për punën e vet dhe për pagimin e shpenzimeve arsyeshme. Ne shpërblim përfshihen koha e shpenzuar nga kujdestari dhe vëllimi i punës se tij.

2. Nenet 51 dhe 52 te këtij ligji zbatohen sipas rastit.

Neni 257

Trajtimi i barabarte i kreditoreve

1. Nuk mund te kryhen ekzekutime te detyrueshme mbi pasuritë e debitorit ne favor te kreditoreve te veçante te falimentimit gjate periudhës kur debitori ia ka kaluar kujdestarit te drejtën e veprimit.

2. Është e pavlefshme çdo marrëveshje e debitorit ose e personave te tjerë me kreditore te veçante falimentimi, qe parashikon përfitime për këta te fundit.

3. Personi i ngarkuar për te kryer pagesa qe mbulohen nga veprimet e kujdestarit mund te beje një kompensim te ndërsjelle për pretendimet kundër debitorit: qe ka te drejtën e kompensimit, sipas pikës 2 te nenit 96 te këtij ligji, ne rast se procedura e falimentimit vazhdon.

Neni 258

Detyrimet e debitorit

1. Debitori gjate kohëzgjatjes se kalimit te te drejtave kujdestarit ka detyre te zbatoje rregullat mëposhtme:

a) te zhvilloje një veprimtari te përshtatshme fitimprurëse ose te kërkojë punësim dhe te mos refuzoje një pune te arsyeshme kur është i papune;

b) t'i transferoje kujdestarit gjysmën e vlerës se pasurisë qe ka fituar me rruge trashëgimie ose ne lidhje me një te drejte trashëgimie te ardhshme;

c) te njoftoje seksionin tregtar te gjykatës se rrethit dhe kujdestarin, pa vonese, për çdo ndryshim te vendbanimit ose te vendit te punës, te mos fshehe te ardhura ose çdo pasuri tjetër sipas pikës 2 te këtij neni, qe përfshihen ne aktin e kalimit te te drejtave kujdestarit dhe te njoftoje gjykatën dhe kujdestarin, me kërkesën e tyre, për te ardhurat nga punësimi ose për përpjekjet për te gjetur punësim, si dhe për te ardhurat dhe pasurinë e tij;

ç) t'u kryeje pagesat kreditoreve te falimentimit vetëm nëpërmjet kujdestarit dhe te mos sjelle përfitime te veçanta për asnjë kreditor falimentimi.

2. Ne rast se debitori ushtron një veprimtari te pavarur, ai ripaguan kreditoret nëpërmjet kujdestarit, ne te njëjtën mënyrë sikur te kishte hyre ne një kontrate te rregullt shërbimi.

Neni 259

Shkeljet e detyrimeve

1. Me kërkesë te një kreditori falimentimi, seksioni tregtar i gjykatës se rrethit hedh poshtë shkarkimin nga detyrimet e mbetura kur debitori, gjate kohëzgjatjes se aktit për veprim te kujdestarit, shkel një prej detyrimeve te tij dhe, për pasoje, pengon shlyerjen e kreditoreve te falimentimit. Ky rregull zbatohet vetëm kur debitori vepron me dashje. Kjo kërkesë mund te paraqitet vetëm brenda një viti nga koha kur kreditori ka marre dijeni për shkeljen e një detyrimi. Kërkesa pranohet nëse kushtet e sipërpërmendura vërtetohen ne mënyrë bindëse për gjykatën.

2. Para marrjes se vendimit për kërkesën, gjykata dëgjon kujdestarin, debitorin dhe kreditoret e falimentimit. Debitori duhet te japë te dhëna mbi detyrimet e veta ne këtë mbledhje dhe, kur e kërkon kreditori, te siguroje vërtetësinë e te dhënave duke dhënë një deklaratë te betuar. Kur debitori nuk i jep te dhënat ose deklaratën e betuar brenda afatit te caktuar, pa ndonjë justifikim te arsyeshëm, ose kur nuk paraqitet ne mbledhjen e caktuar nga gjykata për dhënien e te dhënave a deklaratës se betuar, edhe pse i është dërguar njoftim i rregullt dhe nuk ka justifikim te arsyeshëm, shkarkimi nga detyrimi i mbetur refuzohet.

3. Kundër vendimit, kërkuesi dhe debitori mund te paraqesin ankim te veçante, sipas Kodit te Procedurës Civile. Refuzimi i shkarkimit nga detyrimi i mbetur shpallet publikisht.

Neni 260

Vepra penale ne lidhje me falimentimin

1. Seksioni tregtar i gjykatës se rrethit hedh poshtë shkarkimin nga detyrimi i mbetur me kërkesë të një kreditori falimentimi kur debitori është dënuar me vendim të formës së prere për kryerjen e një vepre penale, sipas dispozitave të Kodit Penal, në periudhën ndërmjet mbledhjes përfundimtare dhe mbylljes së procedurës së falimentimit ose gjatë periudhës së aktit të veprimit të kujdestarit.

2. Fjalitë e dytë dhe e tretë e pikës 1 të nenit 259 të këtij ligji zbatohen sipas rastit.

Neni 261

Shpërblimi minimal i kujdestarit

1. Me kërkesë të kujdestarit, seksioni tregtar i gjykatës se rrethit hedh poshtë shkarkimin nga detyrimi i mbetur në rast se shumat e marra për vitin e kaluar të veprimtarisë nuk kanë mbuluar shpërblimin minimal të tij dhe nëse debitori nuk e ka paguar shumën e pambuluar, megjithëse kujdestari i ka kërkuar me shkrim pagesën brenda një afati të paktën dyjavor, ku ka vënë në dukje mundësinë e refuzimit të shkarkimit nga detyrimi i mbetur brenda dy javësh.

2. Përpara marrjes së vendimit, gjykata dëgjon debitorin. Gjykata nuk e hedh poshtë shkarkimin kur debitori, me kërkesë të gjykatës, paguan shumën e mbetur brenda dy javësh.

3. Pika 3 e nenit 259 të këtij ligji zbatohet sipas rastit.

Neni 262

Përfundimi i parakohshëm

Në qoftë se shkarkimi nga detyrimi i mbetur hidhet poshtë, sipas neneve 259, 260 dhe 261 të këtij ligji, akti i veprimit të kujdestarit, detyra e kujdestarit dhe kufizimi i të drejtave të kreditorëve bëhen të pavlefshme, sapo vendimi i gjykatës merr formë të prere.

Neni 263

Vendimi për shkarkimin nga detyrimi i mbetur

1. Në qoftë se ka përfunduar periudha e veprimit të kujdestarit dhe nuk ka përfundim të parakohshëm, seksioni tregtar i gjykatës se rrethit vendos për shkarkimin nga detyrimi i mbetur pasi dëgjon kreditorët e falimentimit, kujdestarin dhe debitorin.

2. Seksioni tregtar i gjykatës se rrethit hedh poshtë shkarkimin nga detyrimi i mbetur me kërkesën e një kreditori falimentimi, sipas kushteve të pikave 1 dhe 2 të fjalitë të tretë të nenit 259 ose të nenit 260, ose me kërkesë të kujdestarit kur ekzistojnë kushtet e nenit 261 të këtij ligji.

3. Vendimi shpallet publikisht. Debitori dhe çdo kreditor falimentimi, i cili gjate seancës ka kërkuar refuzimin e shkarkimit nga detyrimi i mbetur, sipas pikës 1 te këtij neni, kane te drejtën e ankimit te veçante kundër vendimit, sipas Kodit te Procedurës Civile.

Neni 264

Pasoja e shkarkimit nga detyrimi i mbetur

1. Kur miratohet shkarkimi nga detyrimi i mbetur, ai është i vlefshëm për te gjithë kreditorët e falimentimit. Kjo vlefshmëri zbatohet edhe për kreditorët qe nuk i kane depozituar pretendimet e tyre.

2. Nuk cenohen nga shkarkimi prej detyrimit te mbetur te drejtat e kreditorëve te falimentimit kundrejt debitorëve te debitorit dhe garantëve, si dhe te drejtat e tyre qe burojnë nga një njoftim i regjistruar përparësie ne pagese, me te cilën sigurohen këta kreditorë ose qe buron nga një e drejte për ripagim te veçante ne procedurën e falimentimit. Megjithatë, debitori shkarkohet kundrejt kreditorëve, bashkedebitorëve, garantëve ose personave te tjerë me pretendime ndaj tij ne te njëjtën mënyrë qe shkarkohet nga detyrimet e kreditorëve te falimentimit.

3. Ne qofte se një kreditor pa te drejte ripagimi, ripaguhet si pasoje e shkarkimit nga detyrimi i mbetur, ky kreditor nuk është i detyruar te ktheje shumën e marre.

Neni 265

Pretendimet e përjashtuara

1. Shkarkimi nga detyrimi i mbetur nuk cenon:

a) detyrime te debitorit te shkaktuara nga dëme te kryera me dashje;

b) detyrime si pasoje e shkeljeve civile dhe penale, sipas sh kronjës "c" te pikës 1 te nenit 42 te këtij ligji.

Neni 266

Prapësimi i shkarkimit nga detyrimi i mbetur

1. Me kërkesë te administratorit te falimentimit, seksioni tregtar i gjykatës se rrethit hedh poshtë shkarkimin nga detyrimi i mbetur, kur me vonë vërtetohet qe debitori ka shkelur me dashje një nga detyrimet e tij dhe, si pasoje, ka dëmtuar ne mënyrë te ndjeshme shlyerjen e kreditorëve te falimentimit.

2. Kërkesa e kreditorit pranohet vetëm nëse depozitohet brenda një viti nga shpallja e vendimit te formës se prere për shkarkimin nga detyrimi i mbetur dhe nëse vërtetohet qe ekzistojnë kushtet e pikës 1 te këtij neni dhe nëse vërtetohet qe kreditori nuk ka pasur dijeni për to, deri ne kohen kur vendimi ka marre forme te prere.

3. Para marrjes se vendimit duhet te dëgjohen debitori dhe kujdestari. Kërkuesi dhe debitori kane te drejtën e ankimit te veçante kundër vendimit, sipas Kodit te Procedurës Civile.

PJESA E DHJETE

PROCEDURA E FALIMENTIMIT PER KONSUMATORET DHE PROCEDURA TE TJERA ME PAK TE RENDESISHME

KREU I

FUSHA E ZBATIMIT

Neni 267

Parimi

1. Ne qofte se debitori është person fizik pa veprimtari ekonomike ose ushtron një veprimtari ekonomike te vogël te pavarur, vlejné dispozitat e përgjithshme, me kusht qe ne këtë pjese te mos jete parashikuar ndryshe .

2. Një veprimtari e pavarur ekonomike është e formës se vogël ne kuptimin e pikës 1 te këtij neni, sidomos kur për nga lloji dhe madhësia nuk kërkon një strukture biznesi nga pikëpamja tregtare.

KREU II

PLANI I SHLYERJES SE DETYRIMEVE

Neni 268

Kërkesa e debitorit për hapjen e procedurës se falimentimit

Me kërkesën për hapjen e procedurës se falimentimit debitori mund te paraqesë një plan për shlyerjen e detyrimeve. Ky plan mund te përmbajë te gjitha dispozitat e përshtatshme për te çuar ne një shlyerje te duhur te detyrimeve ku merren parasysh interesat e kreditoreve dhe pasuria e debitorit, si dhe te ardhurat dhe rrethanat familjare. Plani parashikon masën, prekjën e garancive, pengjet dhe forma te tjera sigurimi te kreditoreve.

Neni 269

Pezullimi i procedurës

1. Kur debitori paraqet një plan për shlyerjen e detyrimeve, procedura për kërkesën për fillimin e procedurës se falimentimit pezullohet deri ne marrjen e një vendimi mbi planin. Kjo periudhe kohore nuk duhet te jete me shume se tre muaj .

2. Pika 1 e këtij neni nuk cenon urdhrin e vendosjes se masave te sigurisë.

3. Kur një kreditor kërkon hapjen e procedurës, seksioni tregtar i gjykatës se rrethit duhet t'i japë mundësinë debitorit te paraqesë kërkesë para se te marre vendim për hapjen e procedurës. Ne qofte se debitori bën kërkesë dhe dorëzon brenda një muaji një plan për shlyerjen e detyrimeve, pika 1 e këtij neni zbatohet edhe për kërkesën e debitorit.

Neni 270

Shërbimi ndaj kreditoreve

1. Seksioni tregtar i gjykatës se rrethit u jep kreditorëve te përmendur nga debitori listën e pasurive dhe listën e kreditorëve, sipas nenit 15 te këtij ligji, si dhe planin e shlyerjes se detyrimeve, dhe njëkohësisht i fton kreditorët, qe brenda një periudhe njëmuajore, te paraqesin komentet e tyre ndaj listave dhe planit te shlyerjes se detyrimeve. Duke iu referuar shprehimisht pasojave ligjore te fjalisë se dyte te pikës 3 te nenit 271 te këtij ligji, çdo kreditori i jepet mundësia te shqyrtoje te dhënat për pretendimin e tij ne listën e pretendimeve, brenda afatit te paraqitur ne fjalinë e pare dhe, kur është e nevojshme, te beje plotësime.

2. Nëse komentet e kreditorit, sipas fjalisë se pare te pikës 1 te këtij neni, nuk arrijnë brenda afatit te caktuar, atehere vlerësohet se plani i shlyerjes se detyrimeve është pranuar. Kjo duhet te vihet ne dukje ne kërkesën për komente.

3. Pasi ka përfunduar afati, sipas fjalisë se pare te pikës 1 te këtij neni, debitorit duhet t'i jepet mundësia, qe brenda një afati te caktuar nga gjykata, te ndryshoje ose te plotësojë planin për shlyerjen e detyrimeve, kur kjo është e nevojshme mbi bazën e komenteve te njërit prej kreditorëve ose kur kjo duket e arsyeshme pasi është ne interes te shlyerjes me marrëveshje te detyrimit te mbetur. Kreditorët duhet te njoftohen për ndryshimet ose plotësimet nëse kjo është e nevojshme. Pikat 1 dhe 2 te këtij neni zbatohen sipas rastit.

Neni 271

Pranimi i planit te shlyerjes se detyrimeve

1. Ne qofte se asnjë kreditor nuk ka paraqitur vërejtje ndaj planit te shlyerjes se detyrimeve ose ne qofte se pranimi zëvendësohet, sipas nenit 272 te këtij ligji, plani i shlyerjes se detyrimeve vlerësohet i pranuar. Seksioni tregtar i gjykatës se rrethit e përcakton këtë ne vendim. Planin i shlyerjes se detyrimeve ka fuqinë dhe pasojat e një titulli ekzekutiv, sipas nenit 510 te Kodit te Procedurës Civile. Një kopje e planit te shlyerjes se detyrimeve dhe e vendimit, sipas fjalisë se pare, u dorëzohet kreditorëve dhe debitorit.

2. Kërkesa për hapjen e procedurës se falimentimit dhe e lëshimit te urdhrin për shkarkimin nga detyrimi i mbetur vlerësohet e tërhequr.

3. Nëse ne listën e debitorit nuk figurojnë pretendimet dhe kur ato nuk janë përmendur gjate përgatitjes se planit te shlyerjes se detyrimeve te mbetura, kreditorët mund te kërkojnë

përmbushjen e detyrimit prej debitorit. Kjo dispozite nuk zbatohet kur kreditori nuk ka plotësuar, brenda afatit të caktuar, të dhënat për pretendimin e tij në listën e pretendimeve që i është dërguar nga gjykata, sipas pikës 1 të nenit 270 të këtij ligji, edhe pse pretendimi mund të kishte lindur përpara mbarimit të afatit. Në këtë rast pretendimi behet i pavlefshëm.

Neni 272

Zëvendësimi i miratimit

1. Në qoftë se plani i shlyerjes së detyrimeve miratohet nga më shumë se gjysma e kreditorëve të regjistruar dhe nëse shumica e pretendimeve të kreditorëve në favor të përbën më shumë se gjysmën e pretendimeve të kreditorëve të regjistruar, seksioni tregtar i gjykatës së rrethit zëvendëson me një vendim miratimin e kreditorëve kundër planit të shlyerjes së detyrimit të mbetur. Kjo nuk zbatohet kur:

a) kreditori që ka paraqitur kundërshtimin nuk përfshihet në masën e duhur në krahasim me kreditorët e tjerë;

b) ky kreditor nëpërmjet planit të likuidimit të detyrimeve dëmtohet ekonomikisht më shumë sesa në rastin e zbatimit të procedurës për hapjen e procedurës së falimentimit dhe shkarkimit nga detyrimi i mbetur. Në rast dyshimi, gjatë procedurës merren për bazë të ardhurat, pasuria dhe gjendja familjare e debitorit në kohën e paraqitjes së kërkesës.

2. Para marrjes së vendimit dëgjohet kreditori. Ai duhet të paraqesë shkaqe të besueshme lidhur me arsyet që, sipas pikës 1 të këtij neni, pengojnë zëvendësimin e vërejtjeve të tij me miratim. Kundër vendimit, kërkuesi dhe kreditori, miratimi i të cilëve zëvendësohet, kanë të drejtën e ankimit të veçantë, sipas Kodit të Procedurës Civile.

3. Kur kreditori jep shkaqe të besueshme për fakte që krijojnë dyshime bindëse se një pretendim i deklaruar nga debitori ekziston ose i përgjigjet një shume më të madhe ose më të vogël se ajo që është deklaruar, dhe nëse prej kësaj varet fakti që kreditori është përfshirë në mënyrë të përshtatshme në krahasim me kreditorët e tjerë, miratimi i kreditorit, sipas fjalisë së dytë të pikës 1 të këtij neni, nuk mund të zëvendësohet.

Neni 213

Shpenzimet

Kreditorët nuk mund të ngrënë ndaj debitorit pretendime për pagimin e shpenzimeve që lindin në lidhje me planin e shlyerjes së detyrimeve.

KREU III

PROCEDURA FALIMENTIMI E THJESHTUAR

Neni 274

Fillimi i punës për hapjen e procedurës së falimentimit

Ne qofte se plani i shlyerjes së detyrimeve kundërshtohet dhe këto kundërshtime nuk zëvendësohen nga një miratim i gjykatës, sipas nenit 272 të këtij ligji, procedura për hapjen e procedurës së falimentimit fillon përsëri, kryesisht.

Neni 275

Thjeshtimet e përgjithshme të procedurës

1. Kur hapet procedura e falimentimit në kundërshtim me nenin 28 të këtij ligji, caktohet vetëm një mbledhje verifikimi.
2. Në qofte se rrethanat pasurore të debitorit janë të qarta dhe numri i kreditorëve ose masa e detyrimeve është e vogël, seksioni tregtar i gjykatës së rrethit mund të urdhërojë që procedura ose një pjesë e saj të bëhen me shkrim. Gjykata mund të anulohet ose të ndryshojë këtë urdhër në çdo kohë.
3. Dispozitat për planin e riorganizimit, sipas neneve 180 deri në 230 të këtij ligji, dhe për vetadministrimin, sipas neneve 233 deri në 248 të këtij ligji, nuk zbatohen.

Neni 276

Kujdestari

1. Detyrat e administratorit të falimentimit i kalojnë kujdestarit të zgjedhur, sipas nenit 255 të këtij ligji. Kujdestari caktohet në fillim të procedurës së falimentimit. Nenet 43 deri në 47 të këtij ligji zbatohen sipas rastit.
2. Kujdestari nuk ka të drejtën e shfrytëzimit të sendeve të vena peng ose të caktuara si sende për të drejtë ripagimi të veçante. Të drejtat e kreditorëve të siguruar mbeten të paprekura.

Neni 277

Shpërndarja e thjeshtuar

1. Me kërkesë të kujdestarit, seksioni tregtar i gjykatës së rrethit urdhëron heqjen dore krejtësisht ose pjesërisht nga likuidimi i masës së falimentimit. Në këtë rast ajo udhëzon debitorin t'i paguaje kujdestarit një shumë shtese, brenda një afati që e cakton gjykata, shumë e cila i përgjigjet vlerës së pasurive që do t'u shpërndahej kreditorëve të procedurës së falimentimit. Ky urdhër nuk zbatohet kur shlyerja e masës së falimentimit duket tepër e nevojshme, veçanërisht në dobi të kreditorëve.
2. Para marrjes së vendimit dëgjohen kreditorët e falimentimit.

3. Vendimi për kërkesën e debitorit për shkarkimin nga detyrimi i mbetur, sipas neneve 252 deri ne 254 te këtij ligji, nuk merret deri ne mbarimin e afatit te përcaktuar, sipas fjalisë se dyte te pikës 1 te këtij neni. Me kërkesë te njërit prej kreditorëve te falimentimit, gjykata hedh poshtë shkarkimin nga detyrimi i mbetur kur nuk është paguar shuma qe duhej paguar, sipas fjalisë se dyte te pikës 1 te këtij neni, edhe pas përfundimit te një afati tjetër prej dy javësh te caktuar nga gjykata, i cili i referohet mund ësisë se mosdhënies se shkarkimit nga detyrimi i mbetur. Para marrjes se vendimit dëgjohej debitori.

PJESA E NJEMBEDHJETE

PROCEDURA E FALIMENTIMIT E LIDHUR ME SHTETE TE TJERA

KREU I

Neni 278

Përfshirja ne procedurën e falimentimit

1. Procedura e falimentimit e hapur ne territorin e Republikës se Shqipërisë, mbulon gjithë pasuritë e debitorit ne çdo shtet qe ato ndodhen.

2. Nëse debitori nuk ka seli ose vendbanim ne territorin e Republikës se Shqipërisë, por ka një dege te veprimtarisë se vet ne këtë territor ose ushtron aty një tjetër veprimtari ekonomike, mund te hapet një procedure falimentimi (procedure e veçante), e cila mbulon vetëm pasuritë e debitorit te cilat ndodhen ne territorin e Republikës se Shqipërisë dhe ne te cilat marrin pjese vetëm ata kreditorë falimentimi, pretendimet e te cilëve lindin për këtë veprimtari, brenda territorit te Republikës se Shqipërisë, ose vendbanimi i te cilëve është ne territorin e Republikës se Shqipërisë.

Neni 279

Njohja e një procedure te huaj falimentimi

1. Një procedure falimentimi e hapur ne një shtet te huaj njihet ne Shqipëri nëse:

a) debitori ka vendbanim ose seli ne këtë shtet;

b) procedura e falimentimit nuk cenon parimet themelore te legjislacionit shqiptar dhe sidomos dispozitat kushtetuese.

Neni 280

Pasojat e njohjes

1. Pasojat e hapjes se procedurës se falimentimit diktohen nga e drejta e shtetit te huaj, përveç rasteve kur:

- a) nuk është pezulluar padia e ngritur ne territorin e Republikës se Shqipërisë;
- b) nuk cenohen te drejtat e pronësisë mbi pasuri te luajtshme e te paluajtshme ne territorin e Republikës se Shqipërisë;
- c) kontratat për pasuri te paluajtshme brenda Shqipërisë ose çdo kontrate punësimi i nënshtrohet vetëm se drejtës shqiptare.

2. Vendimet e një gjykate te huaj ose te një përfaqësuesi te huaj, për shmangie te veprimeve

ligjore, njihen ne territorin e Republikës se Shqipërisë vetëm nëse këto veprime ligjore janë shmangie edhe sipas ligjit shqiptar.

Neni 281

Procedurat dytësore

1. Njohja e një procedure te huaj falimentimi nuk parandalon hapjen e një procedure te veçante, si procedure dytësore e procedurës kryesore, ne territorin e Republikës se Shqipërisë, sipas pikës 2 te nenit 278 te këtij ligji.
2. Përveç debitorit dhe kreditoreve, administratori ose përfaqësues te tjerë te emëruar te pasurive te debitorit ne procedurën e huaj te falimentimit kane te drejtën te paraqesin kërkesë për hapjen e procedurës dytësore.
3. Procedura dytësore hapet pa qene nevoja te tregohet shkaku, sipas nenit 13 te këtij ligji.

Neni 282

Bashkëpunimi

1. Kur hapen dhe zhvillohen, njëkohësisht, procedura e huaj dhe procedura sipas këtij ligji për te njëjtin debitor, gjykata dhe administratori bashkëpunojnë ne shkallen me te larte me gjykatën e huaj ose përfaqësuesit e huaj.
2. Seksioni tregtar i gjykatës se rrethit ka te drejte te komunikojë drejtpërdrejt ose te kërkojë te dhëna ose asistence nga gjykata e huaj ose përfaqësuesit e huaj.

Neni 283

Ligji nr .8017, date 25.10.1995 "Për procedurat e falimentimit", shfuqizohet.

Neni 284

Ky ligj hyn ne fuqi me 1 tetor 2002.

Shpallur me dekretin nr .3383, date 26.6.2002 te Presidentit te Republikës se Shqipërisë,

Rexhep Meidani

Copyright 2016 - www.ligjet.org